



I V S T I L I P S I
D E C R V C E
L I B R I T R E S

Ad sacram profanámque historiam vtilis.

Vnà cum N O T I S.

Editio ultima, seriò castigata.



A N T V E R P I A E,
E X O F F I C I N A P L A N T I N I A N A,
A p u d I o a n n e m M o r e t u m.
M. D C. VI.

Cum Privilegiis Casareo & duorum Regum.

INSTITUTION
DE GRÈVE
LIBRI TRES

Adhuc profectumque historiam vides
Vna cum N o t i s



EX OFFICIO
M. D. VI
Cum Titulo...

TRES ORDINES

BRABANTIAE

ANTISTITES

NOBILES

MAGISTRATVS.



LIBELLOS de CRUCE quos scripsi, meritissimò ad vos defero, patriæ nostræ primores viri. Primùm, quia in solo vestro concepti natiq; sunt, in hac Louaniensi vrbe: tum quia aura fauoris vestri elicuit, qui me benignè huc arcessendum putastis, bono rei litterarię & iuuentutis. Laudo hunc animum, atque etiam miror. qui in tot circumstantibus turbis, & cùm vndique insonuit bellorum tuba; tibias tamen & fistulas, vt sic dicam, Musarum cogitatis, & pacis artes neglectum non itis inter media arma. Quod rectè & vtiliter à vobis fieri, prudentes magis sentiunt quàm vulgus. Nam reuera, inclyti Ordines, hæc

non ornamenta solum reip. sunt, sed auxilia & fulcra. Tollite; quid nisi squalor & tenebrae occupant, & ferox quaedam, aut ut verius dicam, ferina vita? Ab omni æuo (Annales sacros & profanos confutite) Deus exstare artes istas voluit, velut pharos & lucentes quosdam ignes in tempestuoso mari. Istæ pacem dirigunt, bellum dirimunt: istæ vitia virtutesque premunt aut excitant, testes temporum, arbitra meritorum. Reges, & magna illa nomina, obliuionem æternam iam nunc cogitent, nisi pennatus iste currus euehat, & ostendat per æuum & per gentes. Quid argumenta colligo? vno verbo rem dixi, Deus exstare artes istas voluit: & hoc quoque ab eo, quod vos iuuatis. Eat in sæcula, fuisse in vnâ prouinciâ per quinque amplius lustra bellum, idque ciuile, imò intestinum; collapsa tractu, aut deiecta impetu omnia; publicam priuatamque inopiam: vos animo stetisse dites & vberes, & de rebus salutaribus iudicasse magis quàm computasse. Enimvero facite ita Ordines, manum labenti patriæ supponite, nec præsentia solum in oculis habete, sed futura. Potens ille Deus viuit, & magnus noster Rex: vterque

que auxiliabitur, ille & iste in suâ causâ.
Interea CRUCEM accipite, atque etiam
ferte. Vt columna, quæ recta stat, im-
posito magis pondere firmatur: sic altas
rectasque mentes oportet, non cedere
oneri, sed obniti. Vos per vos facietis.
ita vterque ille faueat & auxilietur, quem
dixi. Louanij, pridie Nonas Nouembr.

∞. ID. XCII.



AD LECTOREM.



HABES Lector quæ de Cruce scripsimus, sed germana. Antea atque alibi quæ edita (credes hoc nobis) non sunt nostra. Quid ergo? non illa dictauimus? Fortasse. sed ô imperitiam! quasi edendi illo fine. Reuerentior posteritatis sum: & aliud scio esse Schedia, aliud Opera; nec subitaria hæc nostra dedicanda in Memoria templo. Quid, quod alij grauius etiam peccant? qui excipiunt aut intercipiunt dicta aut oratiunculas nostras, & in contumeliam mei diuulgant. Aliter non accipio. Æuum hoc ut multis delictis fibulâ, ita petulantia & licentia laxat: & quod auet procacissimus quisque, id etiam audet. Ego semel & seriò testor, audite qui in Europâ. NIHIL MEVM EST, AVT ERIT, QVOD NON DE AVTOGRAPHO MEO, ET ME VOLENTE, SIT EXPRESSVM. Quicumque aliter, mihi iniuriam facit, vobis fucum. Deus bone, hæc monenda publicè esse? Ecce in bona opesq; externas ius est non viuo mihi solum sed mortuo, & solatium fati est voluntas ultra fatum: in istis animi & ingenij verè bonis non idem erit? Reprimite Principes qui potestis, & vos lectores quâ potestis: illi puniendo, vos spernendo. Ego præter testari nihil habeo, & hoc etiam addo, Siquid vsquam præter religionem moresq; veterum, non agnosco: & tibi adhæreo Statu felix Ecclesia, cui totam doctrinam Apostoli Petrus & Paulus cum sanguine suo profuderunt. Hæc ex animo scripta, ut in animum demittas, te, per spes tuas & per quidquid carum est, Lector rogo.

Hoc de Romana,
Tertull.
præscript.
adu. heret.
cap. xxvi.

IVSTI LIPSI V. CL.
DE CRUCE LIBRVM,
ad Principes Christianos Elegia IOANNIS
BOCHII S. P. Q. Antuerpiensi à Secretis.

SI QVA salutiferi tangit vos gloria signi,
Si qua fides, si quis religionis amor,
Si meritum Crucis, & studium vos excitat vllum,
Et memores vestri nominis esse iuuat,
Christiadum ô proceres, positis aduertite mentes
Rebus, & hoc vno figite corda libro.
Hic decus, & factis seges hic uberrima vestris,
Laurus & hic vero Principe digna viret.
Qua genus humanum deuicta morte triumphat
Arbore, cui nostræ stemma salutis inest.
Ipsa Dei pietas ramorum amplexibus hæret,
Et riguus Christi sanguine vernat apex.
De trunco fidei pendent mysteria nostræ,
Maiestate Deus, corpore verus homo.
Radicem cruor innocui purissimus agni,
Qui lauat humanæ vulnera sortis, alit.
O Crux, ô columen, spes vnica, planta salutis,
O lignum ætherij fertile depositi.
Noxia prima fuit miseris mortalibus arbor,
Damna sed hæc medica nostra resarcit ope.
Protulit illa necem, vitam hæc: erat illa doloris
Mater, at hæc plausus, letitiæque fuit:
Perque nefas, vitiumque suo de semine, celum
Clauserat illa, fores hac reserante patent.
Illam Tanario fallax è gurgite serpens
Occupat, impietas, & furor, ira, dolus:
Hanc natus genitore Deo, qui fœderis obses,

Lethæo

*Lethæo veteres carcere traxit auos.
 Nec voluit seros Erebo parere nepotes,
 Colla sed excusso libera ferre iugo.
 Victricis vexilla Crucis, credentibus omen
 Extulit, imperij signa futura sui.
 Umbrarum hæc oculis haud aspicit arbiter æquis;
 Scuit, & auxiliis expedit arma nouis.
 In Crucis excidium Latias aptare secures
 Apparat, & dominæ concitat vrbis opem.
 Primaque Cæsareus tentauit verbera lictor
 Incassum, & rabie proficiente nihil.
 Nam lignum Crucis ad quosuis obduruit ictus,
 Statque magis, quanto caditur illa magis.
 Christiadumque fides numerum cruciatibus auget,
 Et Crucis imperium crescere pœna facit.
 Crux vicit crucis artifices, tormenta propago,
 Vnus & innumeros Christus in orbe Deos.
 Non tamen antiquus furiarum in sede quiescit
 Hostis, at indicto praelia Marte ciet.
 Omnia conquirat pœnarum inuenta, tyrannos,
 Monstra, faces, laqueos, flagra, metalla, feras.
 Donec Romuleos Christi victoria fâsces
 Subdidit, & victo Cæsare iura dedit.
 Hinc aquila cessere Cruci, vastumque per orbem
 Crux fuit augustis gloria prima viris.
 Ut quoties fera barbaries, aut nominis hostis
 Christiadium, sacre mouerit arma Cruci;
 Arsacides, vel mollis Arabs, Macedumque phalanges,
 Pontus, & Ismarij Luna superba ducis;
 Aut Scythæ, vel Garamas, mediis vel Syrtibus Ammon,
 Errorum aut furis gens agitata nouis;
 Protinus intrepidis animis, armisque paratis,
 Sancta salutifera pro Cruce turba stetit.
 Nunc idem, & rabie nunc imminet hostis eadem,
 O proceres, eadem caussa tuenda Crucis.
 Iungite communes fata in communia dextras;
 Ne pereant omnes, dum sibi quisque cauet.*

*Crux acies uolet in medias, hoc vincite signo,
 Cui didicit famulas mors dare victa manus.
 Quod stygij tremuere lacus, quod mundus, & hostis
 Quo viso, trepida perdidit arma fuga.
 Hec monet antiqui scrutator Lipsius æui,
 Et stimulos scriptis subdit ad arma suis.
 Vile crucis quondam leti genus eruit umbris,
 Pœnaque supplicij quanta, quibûsque fuit.
 Exemploque docet, tantum si dedecus insons
 Mortis, ob humani criminis acta tulit;
 Si Deus esse reus voluit, culpamque piauit,
 Deleuitque necem morte, cruore nefas;
 Hortari benefacta Crucis vos stringere ferrum
 Pro cruce, coniunctas sumere tela manus.
 Hoc vos sancta fides (nam defensoribus istis
 Tempus eget) pietas, officiumque rogant.
 Arma dabunt superi victricia, tessera Christus,
 Crux signum, noster buccina Iustus erit.*



B

MAXÆ-

MAXAEMYLIANI DE VRIENDT,

SENATVI GANDAVENSI

A SECRETIS, AD IVSTI LIPSI

de Cruce libros,

Epigramma.

Supplicij ferale genus, trabs hospita leti,
Cruce olim, & dirus fontibus horror erat.
Tormentum inuisum, durum, execrabile lignum,
Quo grauius nullum terra nouerca dabat.
At postquam sata patre Deo, sata Virgine proles
Diluit in celsâ crimina nostra Cruce:
Victima pro seruis dominus, pro fontibus insons,
Pro laesis medicus, pro grege pastor amans;
Ilicet ex illo, Cruce lux, mors vita, trophaeum,
Furca, decus probrum, poena medela fuit.
Hospite pressa Deo tanti Cruce numinis, olim,
Cruce scelerum Nemesis, nunc scelerum una salus.
Hoc olim tam grande decus, tam nobile pignus
Terra diu ceco texit auara sinu:
Dum veluti postliminio tandem extulit illam,
Et luci lucem* Caesar habere dedit. *Constantinus.
Fallor? an & IVSTVS ceu Caesaris amulus, atra
Nocte laborantem tollit ad astra Crucem?
O factum iustè: sic rident lumina iustis,
Inuidiâ iniustis lumina fracta dolent.

Anumam rex Delius indit.

DE IVSTI LIPSII^{II}
LIBRIS DE CRUCE,
MICHAELIS VANDER-HAGHEN
ANTVERPIENSIS

Ad Lectorem Epigramma.

SI te prisca iuuant : hoc, docti, DE CRUCE, LIPSII,
Ingentis plenum, volue, laboris opus.

Supplicium Crucis ille vetus describit ad vnguem,

Quale fuit, nostram SALVIFICAMQVE CRUCEM:

In qua hominum lapsus, scelerumque Piator, atrocem

Mortem, insons, multo sanguine passus erat.

Vnde noua extinctis lux extitit, vnde sepultis

Vita oriens, rutilam sustulit alta facem.

Vnde redemptio & alma reconciliatio manant:

Vnde perennantis flumina pacis eunt.

Ista vetustatis referat penetralia, Lector,

Vtere eo; & quantus, disce, vir ille fiet.



IN CLAR. VIRI
IVSTI LIPSI
DE CRUCE LIBROS.

LIPSI, *Palladia decus corona,*
LIPSI, *delicium nonem Sororum,*
Quo nec est melior benigniorque :
Iam loquax nimium, nec aqua lingua,
Quae, vah, artibus abrogare sanctam
Virtutem solet ac politiori
Doctrina, reprimetur illa. nam tu,
Qui doctissimus unus es virorum,
Vnus es simul optimus virorum.
Est cura pietas, & ipsa virtus,
Hac doctrina velut politur auro.
Testes DE CRUCE sunt tres Libelli:
Docti, Jupiter! & pij libelli.
Coniunctam, bone lector, hic videre
Virtutem licet eruditioni.

Balthasar Moretus I. F.

IVSTI LIPSI

DE CRUCE

LIBER I.

CAP. I.

Precatiuncula. Materies & ordo operis.



AGGREDIOR de CRUCE scribere, sed tuam prius opem auxiliúmque inuocans qui eam consecrasti, & infame illud lignum instrumentum fecisti publicæ salutis. Tu Deus à Deo genite, homo ex homine genite, hominibus genite, da mihi vera, da recta scribere, tibi in honorem, Cruci in splendorem, nobis in fructum. Materies & ordo mei operis iste. *Quid* Crux, & *Cuiusmodi* fuerit: *Vbi*, *Quare*, *Quomodo*, & *Quatenus* vsurpata. Hæc omnia non distinctè solum, sed diffusè dicam: nec displicebit accuratio illi, cui salutare hoc signum placebit.

CAP. II.

Crucis nomen polysemon. Hæc nostra Gabalus etiam dicta, item Infelix lignum, & Infame. Sed & Crux non in ligno.

*Crux quid-
quid cru-
ciat.*

CRUX significatione duplici, Laxâ & Adstrictâ. Illa est, cum pro omni angore, tormento, atque etiam interitu sumunt. ut Comici passim, qui *Abire* iubent in *malam Crucem*: ut Gracchus, qui dixit (alio etiam genere) *Malo Cruce perire*: ut Plautus de hominemerso aquis, *Abstractum* Menach. Prolog. in *maximam malam Crucem*. Sed & Terentius à cruciando, Meretrices dixit *Crucis*: nec dissimiliter Plautus, *Aliqua mala* Aulular. *Crux semper est, quæ aliquid petat*. Paullò diuersius illud eiusdem: *Quæ te mala Crux agitat?* quod ad fine istis, *Quæ lar-* Ibidem. *uæ, aut quæ intemperie?* At Adstricta significatio est hæc mea, & vulgò receptissima, cum peculiariter cruciatum & interitum notamus in ligno. Quid ita? credo, quia eximius ille, mors tarda & planè cum sensu. Dixerunt & alio nomine *Gabalum*. Nonius ex Varrone citat: *Nos barbari quòd no-* In Gabal. *centes in Gabalum suffigimus homines, vos non barbari noxios absoluitis*. Quæ vox etiam in priscis Glossis, sed vocali mediâ mutante: *Gabulum*, βδραυος. explicatque laxè, ut vides, & pro quocumque tormento. Dixerunt aliter, *Infelicem arborem, lignum, stipitem*. In carmine horrendo apud Liuium: *Caput* Lib. i. *obnubito, arbori infelici suspendito*. De Cruce accipi res docet, & Cicero, qui in eâ pro Rabirio palàm sic interpretatur. & Seneca: *Inuenitur qui velit adactus ad infelix illud lignum trahere animam tot tormèta tracturam*. Minutius Felix: *Deus ligneus,* In Osta. uio. *rogi fortasse vel infelicitis stipitis portio*: id est, Crucis. Dixit & In Catalect. Virg. *Infamem* Poëta incertus.

*Mors in
ligno.*

Gabalus.

*Infelix ar-
bor.*

*Infelix li-
gnum.*

*Infelix sti-
pes.
Infamis
stipes.*

*Noxius infami districtus stipite membra,
Sperat & à fixâ posse redire Cruce.*

Natæ appellationes à iudicio & sensu vulgi, quibus hoc supplicium in horrore pariter & vilitate. Itaque Apuleius (in meo quidem & prisco libro) *Damnatam Crucem* Dixit. * *Dam-* Lib. i. de Alin. *nnata*, inquit, iam crucis candidatus: bene, & pro hoc sensu. Etsi autem Crux propriè in ligno: tamen adnoto, similitudine

* Vulgò
destinata.

dine etiam ita dictam suspensionem aut fixationem in aliâ paraturâ. puta in monte aut petrâ. Sic Tertulliano sunt *Cruces Caucasorum*, alludenti ad Promethea illuc affixum: quem ipsum Lucianus describit & appellat *σάκεος δέντρον*. Sic & Manilius de Andromedâ, quæ in scopulo vinctâ & ceto exposita: *Et cruce virginêâ moritura puella pependit.*

CAP. III.

Nomina phrasêve ad hoc supplicium: Figere, Configere, Cruciare. item Cruciarus, pro appendendo.

CRUCIS hæc nomina: supplicij quod per eam, ista. *Cruci suffigere*. vt Velleius de piratis, quos Cæsar, inquit, *Cruci suffixit*. *In cruce suffigere*. vt Hirtius. Iuba Numidas eos, qui loco amisso fugâ se receperant, in cruce omnes suffixit. Item *Cruci affigere*, & *Cruci figere*, crebra in libris. Illud minùs, *Figere* *Figere*. *ἀναδένδρως* & sine additione. Tertullianus sic vitur: *Taceo quòd figitur* (Christus:) *in hoc enim venerat*. Quod idem *Confi-* *Configere*. *gere* Paulinus Nolanus Episcopus dixit:

Agnoscant trepidi, quem confixere rebelles:

de Christo ad iudicium venturo. Etsi Tertullianus paullo aliter, *veterem hominem confixum esse Christo* dicit: quod vulgò, *vnâ crucifixum*. Suo etiam & proprio verbo appellarunt, *Cruciare*. Ausonius:

— *Cruciauerat illic*

Spreta olim, memorem Veneris, Proserpina Adonim.

Hegesippus: *Capiebantur innumeri* (Iudæi,) *quingenti ferme ad diem cruciabantur*. quod est in crucem agebantur: atque Iosephus in istâ ipsâ re dixerat, *ἀνεσταυρώτο*. Paulinus:

— *Cruciatâ in carne coruscum*

Agnoscant trepidi.

Glossæ veteres: *Cruciat, crucificat, σάκεος*. Nota ibidem & *Crucificat*, quod in iisdem glossis alibi: *Crucificatus*, *ἐσταυρωμένος*. A *Crucio* siue & *Cruce* ipsâ *Cruciarus* dictus is qui in cruce, vel qui eâ dignus. In ipsâ, vt Petronius: *Cruciarij vnus parentes vt viderunt noctu laxatam custodiam, detraxere pendentem*. Et in Declamationibus Calpurnij Flacci inscriptio: *Padagogus crucia-*

cruciarus: &: Peregrinus cruciarus. de his qui appensiam in cruce. At qui eâ digni, per conuicium aut minas quoque sic nominati. Isidorus: *Cruciarus, eò quòd sit cruce dignus.* Apuleius: *Nec tantillum cruciarus ille deterritus.* Ammianus: *Longum est, quæ cruciarus ille conflauit.*

Cruciarus
ὁ ταυράσι-
μα.

Lib. 1.

Lib. 11.

CAP. IV.

Græcorum verba ad Crucem & crucifixionem. Hesychius & Ovidius emendati, iste etiam explicatus.

Σταυρός
quid?

Vnde vox
facta?

ISTA Latinis: Græcis duo ferè Crucis nomina, Σταυρός & Σκόλοψ. Illud frequentius: quod tamen propriè non nisi stipitem signat singularem & erectum. Latine dixeris *Palum* siue *Vallum*. Eustathius: Σταυροὶ ὅρθα καὶ ἀποξυμμένα ξύλα· τὰ καὶ σταύρα ὡς τὰ τοῖς μὴ λαλῶσι δόξουσιν γίνον· δὲ ὡς τὰ ἑῖς ἀέρα σάσιν, ἢ παρὰ τὸ εἰς εὐρος ἵστασθαι. οἱ δὲ αὐτοὶ Σκόλοπες λέγον·: *Stauri sunt ligna recta & præacuta: quæ & Stauara dicuntur ab iis qui minùs ingenue loquuntur. facta vox, vel quòd ad aërem stent, vel quòd in latum.* Hi ipsi & Scolopes dicuntur. Quod ait, εἰς ὄρος vel in latum, de pluribus iunctis verum est, vt solet in castrorum vallo. Neque immuto; etsi ex Hesychio paullo aliter deriuante, possim. Ille sic: Σταυροί, οἱ καταπεπηγότες σκόλοπες, χάεσες, καὶ πάντα τὰ ἐς ὧς ξύλα. ἀπὸ τῆς ἐς ἄνω σάυροι, ἢ ἐκ τῆς εἰς τὴν αὔραν ἵστασθαι: *Stauri, defixi stipites sunt, valli, & omnia ligna recta stantia: ab eo quòd stent Stauri, vel quòd ad aëram consistant.* Allusisse ad postremum hoc etymon Prudentius videatur:

In Ody
ἐ. initio

— *CruX istum tollat in auras*

Viuentesq; ue oculos offerat alitibus.

Πιερί
Hymn

Luciani io-
rosa deri-
uatio.

Σκόλοψ
quid?

Hæc Grammatici. sed Lucianus ingeniosè & pro argumento, in Iudicio vocalium, deriuat à Tau litterâ, quæ figurâ crucem refert. Ait ἀπὸ τέτε (τὸ Ταῦ) καὶ τὰς τεχνήματι τὰς πενήρας τὴν πανεραὴν ἐπανομίαν σωελθεῖν: ab istâ etiam, instrumēto pessimo (cruci) pessimum nomen venisse. Atque hoc in fine etiam dialogi iterat. Iam Σκόλοψ propriè, vallum, sudemq; significat acutam. Hesychius: Σκόλοπες, ὀξεία ξύλα, ὀρθά: *Scolopes, acuta ligna, recta.* Homerus:

— Σκόλοπες γδ' ἐν αὐτῇ [τάφρῳ]

Ὀξείας ἐς ἄσιν.

Iliad.
vcl. 6

Ibi

Ibi Eustathius : Σκόλοπες, ὀρθὰ ξύλα καὶ ὀξεία, αἱ καὶ σταυροῖς ἐκάλουν· ἐφ' οὓς οἱ κρεμασθέντες ἀνεσταυρώθη καὶ ἀνεσχοποῦντο ἐλέγοντο : Scolopes re-
eta ligna & acuta, quæ & Stauros vocabant : in quibus appensi,
cruci aut vallo figi dicebantur. Et benè, quòd duo illa verba
 suggerit, quibus ipsam crucifixionem signabant, *Ἀνασταυρῶ*
& Ἀνασκοποῦν. Ita enim plerumque compositè, ad clatio-
 nem scilicet fixationemque in alto notandam : etsi aliàs etiam
 simpliciter, *Σταυροῦν & Σκολοπίζω.* Sunt & alia duo verba,
 quibus vulgò valdè vsi, *Προσηλῶν & Κρεμᾶν* siue *Ἀνακρεμᾶν.* quo-
 rum illud clauationem ipsam in ligno propriè notat, hoc
 suspensionem. In illo, scriptoris aliquis error videtur apud
 Hesychium : *Προσήλω, ἀνέσχο.* atque ego rescribam, *ἀνέσταυρο-* *Hesychius*
ται. In isto, sæpe interpretum, qui ad suspensionem vulga- *correctus.*
 riam & in laqueo aptant. Ita quod Arrianus narrat de Mu-
 sicanò : *τῆτον κρεμάσαι Ἀλέξανδρος κελεύει ἐν τῇ αὐτῇ γῇ :* aliter ver-
 sum legi, cùm sic debuerit : *Hunc Alexander crucifigi in suâ re-*
gione iubet Curtius satis præit, qui scribit *in crucem sublatum.*
 Ita quod Diodorus Siculus in eiusdem Alexandri rebus, de
 Tyro captâ : *τοὺς δὲ νέους πάντας, ὄντας ἐκ ἐλάτοις καὶ διχιδίων, ἐκρέ-*
μασεν : idem Curtius rectè : *Duo millia crucibus affixa, per in-*
gens litoris spatium pependerunt. Et exempla pluscula. Tale
 apud Latinos ipsum *Suspendere*, quod ad Crucem referen- *Suspendere,*
 dum moneo iuuentutem. Vt in Silio : *quid?*

Hunc postquam diro suspensum robore vidit.

In Senecâ : *Latrocinium fecit aliquis. quid ergo meruit? ut suspen-*
datur. In Ouidio :

More vel intereas capti suspensus Achæi,
Qui miser auriferâ teste pendit aquâ.

Quibus versibus vera historia & sensus è Polybio reddatur *Ouidius*
 iste. Antiochus rex per fraudem Achæum ex arce Sardium *explicitus.*
 deduxit, & per insidias cepit. Καὶ ἔδοξε, addit, *προῶτον μὲν ἀκρω-*
τμεῖσθαι τὰ ταλάπερον, καὶ δὲ ταῦτα τὰ κεφαλὴν ὑποτεμόντας αὐτῷ, & κα-
τάρριψαντας ἐς ἄνεμον ἀπὸν, ἀνεσταυρώσαι τὸ σῶμα : Et visum est, primò
 admutilare illum miserum & extremas partes succidere, deinde
 capite eius resecto & in asinum culleum coniecto, reliquum cor-
 pus crucifigere. Hæc res : sperne aliorum inanes logos. Sed &
 mecum lege, *teste pendit aquâ :* non triste aut rectè, quod vul- *Leuiter e-*
mendatus.

gatur. Vult enim, cum non in ipsâ auriferâ aquâ, id est Pactolo, suspensum : quî potuit? sed iuxta eam, atque illâ quasi arbitrâ & inspectante. Pactolus autem haud longè Sardes, vbi hæc gesta.

CAP. V.

Diuisio prima Crucium : & de specie vetustissimâ dictum, Affixione. Tertullianus per occasionem correctus, atque Isis eadem cum Cerere existimata.

Cruz simplex.

Eius discrimen.

VERBA non vltà me tenent : rem ordiamur. cui illustrandæ duplex genus Crucium statuo, *Simplex & Compactum*. Illud voco, cùm in vno simplici que ligno fit affixio, aut infixio. Quæ crux, meo iudicio, prima fuit, & in aliam speciem à rudi hac ventum. Sed ea quoque duplex, vt tetigi: altera ad *Affixionem*, altera ad *Infixionem*. Nam aliàs ad arbo- rem siue stipitem alligabant figebantve hominem. vt in *Cupidine crucifixo* Ausonij, quem sic describit :



Eligitur masto myrtus notissima luco,

Inuidiosa Deum pœnis. Cruciauerat illic.

Spreta olim, memorem Veneris, Proserpina Adonim.

Huius in excelso suspensum stipite Amorem,

Deuinctum post terga manus, substrictaque plantis

Vincula marentem, nullo moderamine pœnæ

Adfigunt.

Verba omnia nota: videbis & in arboris stipite appensum, nec manibus expansis, sed à tergo deuinctis, denique nec clavis sed funibus substrictum: nisi

nisi fortè in pedibus. Simile in Tertulliano, de Tiberio : qui Saturni sacerdotes, vt inquit, *in eisdem arboribus templi sui, obumbratricibus scelerum, votiuus Crucibus exposuit.* In arboribus appensio. In Martyrologio, de Paphnutio : *Ipse palmæ arbori affigitur, ceteri autem ferro necantur.* Nec ambigimus arbores plerumque huic rei seruisse, præsertim in grandi numero cruciandorum, siue recisas leuiter & ad Crucem aptatas, siue etiam comantes. Sed & in stipite simplici idem fuit. Ex Tertulliano: *Quanto* Sive in rudi stipite. *distinguitur à Crucis stipite Pallas Attica, vel Ceres Farrea, quæ sine effigie, rudi palo et informi ligno prostant?* Nam rudem ecce palum componit & assimilat cum Cruce. Sed in eius verbis menda de Cerere Farreâ. Cur enim sic appellet? Tertullianus emendatus. an quia far inuenerit? esto. atqui non omnis Ceres sic efficta, sed certa aliqua, & in loco quem voluit expressum: sicut de Pallade, quæ Athenis. Legendum arbitror, Ceres Pharia, siue Aegyptia. *Farria siue Pharia: quasi dixerit Cererem, quæ in Ægypto.* Et intelligi credam Isidem: quæ nomine diuertit à Cerere, numine communicat. Ita Herodotus: *Διμήτηρ δὲ, Ἰσις.* In Apuleio, ipsa de se Isis: *Me primigenij Phryges Pessinuntiam matrem nominât, me Eleusiniy vetustam deam Cererem.* Eusebius de Præparatione: *Φασὶ τῶν αἰγυπτίων τὸν μὲν Ὀσίην εἶναι τὸν Διόνυσον, τὴν δὲ Ἰσιν τὴν διμήντεγιν: Αἰοῦντι Ἀγυπτίῃ Ὀσίριν εἶναι Βακχὸν, Ἰσὶν δὲ τὴν Κερερην.*



rerem. Eusebius de Præparatione: *Φασὶ τῶν αἰγυπτίων τὸν μὲν Ὀσίην εἶναι τὸν Διόνυσον, τὴν δὲ Ἰσιν τὴν διμήντεγιν: Αἰοῦντι Ἀγυπτίῃ Ὀσίριν εἶναι Βακχὸν, Ἰσὶν δὲ τὴν Κερερην.*

CAP. VI.

Altera Simplicis Crucis species, Infixio. Seneca, Hesychius, Plato, Plinius, illustrati.

*Infixio qua
vulgo Im-
palatio.*

AT Q V E hæc fuit in Simplici Cruce Affixio: est & in eâdem Infixio. qualis? *cum nudum hominem erecto acutoque stipiti infigebant, eâ formâ & facie quam exempla hæc docebunt. Seneca: Video istic Cruces nec vnus generis, sed aliter ab aliis fabricatas. Alij capite conuerso in terram suspendere, ali j per obscæna stipitem egerunt. Duo in iis verbis obserues, & Cruces varias fuisse, quod nunc diducimus: & inter eas, Infixionem. Quam magis etiam aperit idem Seneca: Cogita hoc loco carcerem & Cruces, & adactum per medium hominem, qui per os emergat, stipitem. Viden' clarè medium hominem scissum & transfossum?*

*Consola
ad Mart.
cap. xx.*

Epist. xi

*Σκόλοψιν.
ea dicta.*



*Mæcenati
lux.*

Atque id imagine etiam illustrat Hesychius: Σκόλοψιν, ὡς ὁπίσσω τὸ γὰρ παλαιὸν τοῖς κακουροῦσιν ἀνεσπολόπιζον, ὁξυώντες ἔνδον δὲ ῥάχως καὶ τῷ νώτῳ, καὶ ἄπειρ τοὺς ὀπίσσω μένους ἰχθύς ἐπὶ ὀβελίσκων: Sudifixionem dixeris, quasi Affationem. Nam antiquitus maleficos sudi infigebant, acuto ligno penetrantes spinam & dorsum, sicuti affos in verubus pisces. vbi amplius discō, propriè hoc esse Σκόλοψιν; & Σκολοπίζω vbi legitur, plerumque referendum ad hanc formam. Ista Crux nescio an Mæcenati etiam descripta: cuius versus apud Senecam Epist. c. iam olim sic legimus:

*Hanc mihi, vel acutâ
Si sedeam Cruce, sustine.
Vita dum superest, bene est.*

Vult

Vult miser & adspirat viuere, etiam inter tormenta, & in istâ maximè cruciante Cruce, quam signanter dixit *Acutam*. Sed ait etiam *Sedere* : benè. Nam ille profectò habitus hominis ab infero in superum sic transfixi. Hoc ipsum genus

Ἀνασκηδυστέειν, dictum Græcis, quasi diffundere & dissecare.

Hesychius: Ἀνασκηδυστέειν, ἀναπολομένην. Plato eo verbo v-

De Re- sus : Μασηώσε), στρελώσε), τελευτήσει δὲ πάντα κακὰ παθὼν ἀνασκη- Et Platoni.

δυσθεήσει) : Flagellabitur, distorquebitur, demique omnia mala pas-

sus (Cruce diffindetur. Plinij etiam verba huc referam narran-

Et Plinio.

ib. viii. cisfixos vidisse, quia ceteri metu pœna similis absterrentur eadem

p. xvi. noxâ. Quis enim credat operosam & compositam crucifi-

xionem illam fuisse? non ego: & accipiam de hac promptâ

& fortuitâ in stipite infixione, siue etiam affixione.

CAP. VII.

In genere de Cruce Compactâ : tum de primâ eius specie, Decussatâ. & an hæc sit Andreana?

AT Compacta Crux est, quæ manu facta, idque è duplici ligno. Ita septuaginta Interpretes Ptolomæani, libro Iosue quâ vulgò est, *lignum*, & Chaldaeo paraphraste, *Cruce*, ipsi verterunt ἔξ ὁλοῦ δίδυμον: bene sanè, ad hanc formam. Hæc * Lignum geminum.

est plena & vera Crux, in qua brachia etiam explicantur, atque ideo *Patibulum* non semel dicta. Huius species triplex, Patibulum quid propriè?

vt distinctè imò curiosè edisseram, & semel tollam dubitationes aut lites. Est *Decussata*, est *Commisa*, est *Immissa*. Illa Crux Decussata.

prima mihi dicitur, in quâ duo ligna directâ & æquabilia, inter se obliquantur. Decussare hoc enim Romani dixerunt. Hieronymus : *Decussare, est per medium secare, veluti si dux regulæ concurrant ad speciem litteræ X quæ figura est Crucis*. Nec minus clarè Isidorus: *X littera, & in figurâ Crucem, & in numero decem demonstrat*. Obscurius paullò alij Patres & Doctores nostri. vt Iustinus Martyr: qui illud Platonis in Timæo, Εχλάζεν αὐτὸν ἐν τοῖς παντί: *Decussauit eum in vniuerso: adseueranter ad Christum & Crucem nostram retulit, quo nisi hoc* Iustinus explicatus.

aspectu? Iam cum transuersis obliquatisque manibus benedictionem Iacobi eodem aptant: quid nisi hæc forma in oculis? Damascenus: *Ἰακώβος προσκυῖντας τὸ ἄκρον τῆς ῥάβδου, ἐν ἀλλήλων χερσὶ τὰς ἡδὺς Ἰωσήφ εὐλογῆσαι, καὶ τὸ σημεῖον τῆς σταυρῆς σχηματίζει σαφέστατα*: Jacob adorans extremum virgæ, alternantibus manibus liberos Ioseph benedicens, etiam signum hoc Crucis describit manifestissimò. Quid *χεῖρες* istæ *ἐν ἀλλήλων* et si non ambiguum, tamen audiamus Cedrenum commodè explicantem. *Ἰσραὴλ* (idem cum Iacobo) *τὰς χεῖρας ἀμείβων, τὸ μὲν δεξιὸν ἐπὶ τῇ νεωτέρῃ, τὴν ἀριστερὰν δὲ ἐπὶ τῇ πρεσβυτέρῃ τὴν κεφαλὴν πεινῶν*: Is-

Lib. iv. d.
Orth. c. xy

Et Damascenus.



Crux Andream.

raël manus permutans, dextram quidem in iunioris, sinistram vero in senioris caput imponens. Et Tertullianum in istâ ipsâ re: *Impositis & intermutatis manibus benedixit, & quidem ita transuersim obliquatis inter se, ut Christum deformantes, iam tunc portenderent benedictionem in Christum futuram. Quomodo Christum deformarunt illæ manus? imò Crucem: & sic mihi libido aliquando legere: sed refræno, & accipio Christum crucifixum. Hæc illa est quam Andream hodie dicimus, validâ & satis veteri famâ diuum istum in eâ cruciatum.* Anne verâ? facit me ut am-

De Baptis.
cap. viii.

bigam Martyrologium Romanum: in quo hoc saltem * legas, *in Cruce suspensum.* & magis Hippolytus, qui scribit *Crucifixum Patris in Achaiâ, ad arborem oliuæ rectum.* Quid magis contra famam? Atque hæc fixio ad Simplicem nostram potius abeat, longè à Decussatâ.

* Vti & in
Abdiâ lib.
III.

In Com-
ment. Græ-
co.

CAP. VIII.

Commiffa Crux quid nobis fit? exemplis testibusque afferta, tum etiam vestigio noſtræ lingua.

IAM *Commiffam* Crucem appello, cum ligno erecto breuius alterum ſuperne, & in ipſo capite committitur, ſic vt nihil exſtet. ea forma examuſſim eſt in T litterâ, quam vno ore omnes cum Cruce componunt. Lucianus vbi Tau accuſatur: τὰς γὰρ τέτρε σώματί φασι τὰς τυράννοις ἀκολοθήσαντας καὶ μιμησάμενους αὐτὰς τὸ πλάσμα, ἔπειτα χήματι τοῖς τῷ ξύλῳ τεκτῆναντας, ἀνθρώποις ἀνασκολοπιῖεν ἐπ' αὐτὰ: *Huius enim corporis ſilum tyrannos aiunt ſecutos, eiſque ſpeciem imitatos, ſimili deinde figurâ ligna fabricaſſe, & homines in iis fixiſſe.* Palàm eſt Crucem intelligi. Tertullianus: *Ipfâ enim littera Græcorum Tau, noſtra autem T, ſpecies Crucis.* Iſidorus: *Tau littera ſpeciem Crucis demonſtrat.* Hieronymus: *Antiquis Hebræorum litteris, quibus uſque hodie Samaritæ vtuntur, extrema Tau Crucis habet ſimilitudinem.* Paulinus Nolanus: *Chriſtus non multitudine nec virtute legionum, ſed iam tunc in ſacramento Crucis, cuius figura per litteram Græcam Tau numero trecentorum exprimitur, aduerſarios Principes debellavit.* Adſtruunt etiam picturæ, & noſtra lingua. In illis quidem, paſſim hodie videas D. Antonij vetuſtiſſimi monachi penulæ & manui affui aut imponi hanc crucem. Antoniana Crux. An quia Ægyptius ille vir, quibus iam olim notum, & inter ſacra hoc ſignum? Certè in obeliſcis, qui inde Romam vecti, Ægyptiis inter notas. ſculptum ſic vidimus ☩: cum anulo tamen vel anſulâ ſuperne, nec ſatis ſolidè ſcio ad quam rem aut uſum. Sed de præcipuâ ipſâ notâ, dignum aliquid notâ Eccleſiaſtica noſtræ hiſtorix prodiderunt. Ruſſinus: *Signum hoc dominicæ Crucis, inter illas quos dicunt ἱερατικὰς id eſt Sacerdotales litteras, habere Ægyptij dicuntur, velut unum ex iis quæ apud illos ſunt litterarum elementis.* Cuius litteræ ſeu vocabuli hanc aſſerunt eſſe interpretationem, VITA VENTVRA. Sozomenus: *Φασι δὲ τὸ ναοῦ καὶ δαιτυμένου τοῦτου (τῆς Σαράπιδος) πινὰς τῆς καλουμένης ἱεργλυφικῶν χαρακτῆρον ſαυροῦ σημεῖον ἐμφερὲς ἐγκυχαλαγμένους τοῖς λίθοις ἀναφα-*

ἀναφανῶν. παρ' ἐπιτημόνων δὲ τὰ τοιαῦτα ἐρμηνεύουσιν σημαίνει τὴν ζωὴν τὴν γεγενῆσιν, ζῶν ἐπερχομένων. *Aiunt templa isto (Sarapidis) diruta & disiecta, quasdam ex iis, quas vocant Hieroglyphicas notas, similes signo Crucis inscriptas lapidibus apparuisse. Ab iis autem, qui docti hæc talia, explicatam eam notam, significare vitam venturam.* In Suidâ etiam historiola hæc breuiter. *Επὶ Θεοδοσίου τῷ μεγάλου βασιλέως κατεσπαρμέναν τὴν ἑλληνικῶν ἱερῶν, ἀρέθισαν ἐν τῷ Σαράπιδος ὁ νῦν ἱερογλυφικὰ γράμματα σαυρὲς ἔχοντα τύπας, ἀπερ διασάμωροι οἱ ἑλλήνων χριστιανίσαντες, ἔφασαν σημαίνει τὴν σαυρὲν τῷ θεῷ ἱερογλυφικὰ γράμματα ζῶν ἐπερχομένων.* Theodosio magno regnante, cum fana Gentilium diruerentur, inuenta sunt in Serapidis templo Hieroglyphicae litteræ habentes Crucis formas, quas videntes ij gentilium qui Christo iam addicti erant, aiebant significare Crucem apud peritos Hieroglyphicarum notarum Vitam venturam. Atqui & a linguâ argumentum petij, sed nostrâ. Nos inquam Belgæ hodie, bacillos in hanc formam, quos ægrorum brachiis sustentaculum subiicimus, vocamus ipsâ Latinâ voce *Cruckas*.

C A P. I X.

Affirmata Crux Immissa è scriptis maximè Patrum: ipsi alij per alios, & imaginibus per nos etiam, explicati.

*Immissa
quid?*

DENIQUE Immissa crux est, cum ligno erecto transuersum alterum iniungitur atque immittitur, sed sic vt ipsum secet. Ita eminentia hîc semper aliqua & capitellum, aliter quàm in Commissâ. Etiam anguli hîc siue fines quaterni, illic terni. Quis de istâ ambiget? Ingerunt eam oculis Picturæ pariter & Scripturæ priscae. Sed illas omitto aut differo: hæ variae & obuiæ sunt, atque ex iis eligam non colligam, nostro more. Iustinus signanter in primis deformat aduersus Tryphonem. Explicat vetus illud vaticinium de Vnicorni, & ad Crucem sic aptat. *Μορονέρεχτος γὰρ κέρετα εἰς δειρὸς ἄλλου περάματα, ὁ χύματος ἔχει ἀντις εἰπεῖν καὶ δποδεῖξαι εἰ μὴ τοῦ τύπου ὅς τὸν Σάουρον δάκνυσσι. ὁρθιον γὰρ ἐν ὄβρι τὸ ξύλον, ἀφ' ὃ ὄβρι τὸ ἀνώτατο μέρος εἰς κέρας ἐπὶ πρυμνέον, ὅταν τὸ ἄλλο ξύλον περὶ σαρμωθῇ, καὶ ἐκατέρωθεν ὡς κέρατα τὰ ἐνὶ κέρει παρεξορμήα τὰ ἀνταφαίει, καὶ τὸ ἐν τῷ μέσῳ πηχυαίον ὡς κέ-*

*A Iustino
descripta.*



ὡς κέεας καὶ αὐτὸ ἔχειον ἐστίν, ἐφ' ᾧ
ἐποχέον) οἱ σωπέρητοι: Unicornis
enim cornua alteri rei aut figuræ
haud quispiā similia dixerit aut
ostenderit, quān illi quæ Cru-
cem refert. Rectum enim unum
est lignum à quo est supremā pars
in cornu sublata, cum alterum li-
gnum aptatum est: & utrimque
tamquam cornua illi vni cornu
coniuncta, extrema apparent:
& illud in medio defixum, &
ipsum tamquam cornu eminet,
in quo requiescunt & innitun-
tur crucifixi. Obscuriuscula
alibi verba. sed hac parte li-
quidissima, quòd eminens
vnum cornu facit à vertice
crucis. Iam alij Patrum, variā
imagine, non sine lasciuiā

quādam ingeniorum & stili eam describunt & notificant.

Vt Hieronymus: Ipsa species Crucis, quid est nisi forma quadra- Ab Hiero-
nymo,
ta mundi? Aues quando volant ad æthera, formam Crucis assumūt.

Homo natans per aquas, vel orans, formā Crucis visitur. Vt Ter- Tertullia-
no,
tullianus: Victorias adoratis, cum in Tropæis Cruces intestina
sint tropæorum. Omnes illi imaginum suggestus in signis, monilia
crucium sunt. Si para illa vexillorum & cantabrorum stolæ cru-
cium sunt. Laudo diligentiam, nolistis incultas Cruces consecrare.

Vt Minutius Felix: Cruces nec colimus, nec optamus. Vos planè, Minutio,
qui ligneos Deos consecratis, cruces ligneas, ut deorum vestrorum
partes, forsitan adoratis. nam & signa ipsa, & cantabra, & vexilla
castrorum quid aliud quā inauratæ Cruces sunt & ornata? Tro-
phæa vestra victricia non tantum simplicis Crucis faciem, verum
& affixi hominis imitantur. Signum sanè Crucis naturaliter visi-
mus in naui, cum velis tumentibus vehitur, cum expansis pal-
mulis labitur: & cum erigitur iugum, Crucis signum est: & cum homo
porrectis manibus Deum purā mente veneratur. Ita signo Crucis

Maximo. aut ratio naturalis innititur, aut vestra religio formatur. Vt Maximus Taurinensis: Grande est Crucis sacramentum, & si intellegamus, per hoc signum mundus ipse saluatur. Nam cum à navis scinditur mare, prius arbor erigitur, velum distenditur, vt Crucis Domini facta aquarum fluentia rumpantur. Sed & bonus agricola, cum parat terræ solum vertere, non nisi per signum Crucis id facere conatur. Dum enim aratro dentale subicit, afficit (lege affigit) aures, suam inserit, figuram Crucis imitatur. Cælum quoque ipsum huius signi figurâ dispositum est. Nam cum quatuor partibus distinguitur, Oriente, Occidente, Meridiano, ac Septemtrione, quatuor quasi Crucis angulis continetur. Ipsius etiam incessus hominis, cum manus leuauerit, Crucem pingit. atque ideò eleuatis manibus orare præcipimur, vt ipso quoque membrorum gestu passionem Domini fateamur. Et diffusissimè omnium Iustinus:

*Iterum
Iustino.*


Κατανοήσατε πάντα τὰ ἐν τῷ κόσμῳ, εἰ ἄνθρωπος τὸ σχῆμα τοῦ σταυροῦ (σταυροῦ) διοικεῖ, ἢ κοινανίαν ἔχειν δυνάται. Θάλασσα μὲν γὰρ ἐν τέλει, ὡς καὶ τὸ τὸ ἔσχατον δὲ καλεῖται ἰστίον ἐν τῇ νηὶ σώσει μένει. γὰρ δὲ ἐν ἀρχῇ ἄνθρωπος αὐτῶν. σκαπανεῖς δὲ ἐργασίαν ἐποιεῦνται, ἐδὲ βαναυσουργοὶ ὁμοίως, εἰ μὴ διὰ τῷ τὸ σχῆμα τῷ ἐχόντων ἐργαλείων. τὸ δὲ ἀνθρώπινον σχῆμα ἐδὲν ἄλλω τῷ ἀλόγων ζώων διαφέρει, ἢ τῷ ὀρθόν τε εἶναι, καὶ ἑκτασιν χειρῶν ἔχειν, καὶ ἐν τῷ πρὸς ὡπὸ ἀπὸ τοῦ μεταπίε τεταμένον τὸ λεγόμενον μὲν ὡς τῶν φέρων, δι' οὗ ἢ τε ἀναπνοὴ ἐστὶ τῷ ζῳῷ, καὶ ἐδὲν ἄλλο δέικνυσθαι ἢ τὸ σχῆμα τῷ σταυροῦ. καὶ τὰ παρ' ὑμῶν δὲ σύμβολα τινὲς τῷ σχήματος τέτι διδάσκον δηλὰ * * * ἡμεῖς καὶ τῷ ἔσχατον δὲ ὡς αἱ τε πρόσδοι ὑμῶν πάντες ἔχουσιν, τὸ ἀρχῆς καὶ διωόμεως τὰ σημεῖα ἐν τέτοις δεικνύουσιν, εἰ δὲ μὴ νοῦντες τῷ πρὸς τέτι καὶ τὰ παρ' ὑμῶν ἀποθησκοπόντων ἀποκατόρθωσιν τὰς εἰκόνας ἐπὶ τέτοις τῷ σχήματι ἀνατίθετε, καὶ θεὸς διὰ γεγραμμάτων ἐπνομαΐζειτε. Considerate omnia quæ in mundo sunt, an sine signo hoc Crucis gubernentur, aut possint præbere sui usum. Mare enim non scinditur, nisi tropæum istud, quod malus appellatur, saluum in navi maneat. Terra non aratur sine eo. Fossores verò opus non absolunt, neque alij item operarij Mechanici, nisi per instrumenta quæ formam hanc referant. At humana figura non aliâ re belluis differt, quàm quòd, & recta sit, & manuum extensionem habeat, & in facie à fronte protensum nasum, per quæ & respiratio animalibus est, neque aliud demonstrat quàm signum hoc Crucis. Sed & apud vos notæ huius signi potentiam de-

De Cruce
Dom. Ho
mil. 11.

Apolog. 11

* Vide Not. clarant: * cum alia quædam, tum tropæa, ob quæ progressus & expeditio-

peditiones vbiq̃ue vobis sunt imperij & potentie signa in istis præferentes, et si ignorantes hoc facitis. Et Imperatorum qui apud vos mortui sunt imagines in hac figurâ ponitis, & Deos per litteras appellatis. Quæ pluscula posui, quia me quoque inter exscribendum delectarunt inuentiunculæ istæ Patrum. Spero & te, si plenè intelleges: atque adminiculum, figuras istas, habere.



CAP. X.

In quâ Crucium formâ Christus mortem tulerit? videri in vltimâ, argumento è Patribus & picturis. Ruffini non bona fides notata in verbis Pauli citandis siue explicandis.

HABES omnes Crucium species. In quâ earum ille mortuus, qui morte suâ nobis vita? Ne quærendum quidem censeam, nisi dubitasse & disputasse viderem viros

*Crux qua-
di. angula,
quo myste-
rio.*

graues & sacrorum peritos. ego arbitror & pronuncio, in hac postremâ. in illâ inquam, quæ quatuor finibus vniuersum orbem complexa est, non sine mysterio, quòd toti orbi mortuus, Saluator noster pependit. Tangit hoc & docet Sedulius:

Lib. I II


* Siue,
potenti.

*Néve quis ignoret speciem Crucis esse colendam,
Quæ Dominum portauit ouans, ratione * potenti,
Quatuor inde plagas quadrati colligit orbis.
Splendidus auctoris de vertice fulget Eous,
Occiduo sacræ labuntur sidere plantæ,
Arcton dextra tenet, medium leua erigit axem.*

D. Paulus
explicatus.

Et auctoritas etiam firma à D. Paulo. cuius hæc verba, *Ut* Ad Epho
possitis comprehendere cum omnibus sanctis, quæ sit latitudo & cap. I II
longitudo, & sublimitas & profundum, plerique Doctorum
veterum referunt ad Crucem. Augustinus: *Erat latitudo, in* In Psal.
quâ porrectæ sunt manus; longitudo à terrâ surgens, in quâ erat CIII. &
corpus infixum; altitudo, ab illo innexo ligno sursum quod emi- alibi.
net; profundum, ubi fixa erat Crux, & ibi omnis spes vitæ no- De Orth.
stræ. Damascenus: *ὡς περ τὰ τέσσαρα ἀνὰ τὸ Σταυρὸν διὰ τὸ μέσου κέν-* lib. IV.
τρὸς κατέβη καὶ συστήριζεν, ἔτι δὲ τὸ τὸ θεοῦ διὰ μέσας τὸ τε εὐχ. & cap. XII
τὸ βλάδι, μῆκος καὶ πλάτος, ἵτοι πάντα δεξιὰ τε καὶ ἀριστερὰ καὶ ἰσ-
χὲ. Sicut quatuor extrema Crucis per medium centrum vinciun-
& iunguntur: sic per diuinam potentiam Sublimitas & Pro-
funditas, Longitudo & Latitudo, siue omnis conspiciua & incon-
spiciua creatura continetur. Palam & ipse quatuor fines nomi-
nat, & verba Pauli huc adaptat. Ruffinus cui dissentit? qui
tres modò agnoscit, & ipsa Apostoli verba (nefas!) admutilat
& detruncat. Docet, inquit, *Apostolus Paulus illuminatos* In Sym-
esse debere oculos cordis ad intellegendum quæ sit altitudo, latitudo, boli
& profundum. Descriptio Crucis est. cuius eam partem quæ in ter-
ram defixa est, profundum appellauit: altitudinem verò illam, quæ
in aërem porrecta sublimis erigitur: latitudinem quoque illam, quæ
distenta in dextram leuamque protenditur. Mirum, & in ver-
bis Pauli, & in eorum sensu longitudinem vbique improuidè
omisit, an de industriâ eiecit? Culpa, si illud: crimen, si
istud. Sed ad rem. Poëtæ quoque & Pictores sunt à formâ
istâ. Nonnus disertè scribit, Christum sublatum *Εἰς δ' ἄρου-*
ρον ἐξ-

Ruffini
singularis
sententia.

πρόσθετος ἐστὶν ἐν τῷ ξύλῳ τετραγώνιον. Et in priscis sculpturis *Cruce in lapidibus.* (illis meritò fides) quadrata conspicitur hæc forma. Constantinus Imp. in Labaro suo expressit: & Deus ipse in aëre ei deformarat. In columnis eiusdem Principis, quæ nunc in cognomine vrbe (heu, quò ea recidit?) Crux eiusmodi  insculpta visitur, & vtrimque ab alâtis Geniis sustentatur. Quid, quòd in Numis plurifariam sic appâret? quorum alibi damus typos. Nec meo sensu, ambigi profectò potest, in tam veteri Christianorum sensu. Tamen sunt qui de Commisâ siue de Tau formâ contendunt. nec damno, etsi diffideo: quia & illi si Titulum supernè addis, efficere atque imaginari possis quaternos istos fines.

CAP. XI.

Apud plerasque gentium Cruces ferè vsitatas. Apud Syros, Iudæos, Ægyptios, Persas, Afros, Græcos, maximè Romanos. Quando apud eos cœperit? An & apud Germanos?

CRUCES satis vidimus: vbi gentium eæ in vsu fuerint, addam. Etsi vno verbo pænè dixerim, vbique gentium receptas. Oriens quidem plerosque vsurpauit, idque iam olim. De Syris in Elthère scriptum: *Suspensus est Aman* *Cruce Syris in vsu: Iudæis,* *in patibulo, quod parauerat Mardocheo.* De Iudæis, in Iosua: *qui regem eius (Hai) suspendit in patibulo vsque ad vespèram.* Item in Numeris: *Tolle cunctos Principes populi, & suspende eos contra Solem in patibulis.* Atque in sacris libris sepius. Ægyptios etiam vfos reperio. vt Thucydes de rege Inaro: *αἰετοειδὲς ὄνυχας* *Ægyptius,* *λῆπθης ἀπὸ τοῦ αἰετοῦ:* proditione captus, in crucem est actus. Et Iustinus, in eadem Ægypto: *Agathocles occiditur, & mulieres in vltionem Eurydices patibulis suffiguntur.* Et Persas crebrò. Herodotus de Polycrate: *Ἀποκτείνων δὲ μὴ ἐν ἀξίῳ ἀπηγῆστος Οὐρίτης ἀνέσταντο:* Interficiens eum (quod indignū relatu sit) Orætes in Cruce suffixit. Aminianus de suo æuo: *Ælianus Comes & Tribuni patibulis scelestè suffixi:* capti nempe à Persis. Sed Afros vel *Afris,* omnium creberrimè: qui non in viles modò, sed illustrissimas personas adhibebant. Atque à Senatu Carthaginien-
fium etiam *Duces,* (Valerij verba sunt) *bella prauo consilio ge-*
rentes

rentes, etsi prospera fortuna subsecuta esset, Cruci suffigebamur:
Crucis. Video & Græcos vſitasse. Certè Alexander Macedo Glau-
 cum medicum, & Tyrios, & plures crucifixit. Etiam Xan-
 tippus Atheniensis Artâyctam Persam, de quo apud Hero-
Romanis. dotum in Calliope extremâ leges. Iam Romanis *vetus ve-*
Et quando. *terrimumque* (verba Victoris vsurpabo) *supplicium patiuolo-*
rum. Si Liuius fides, statim sub primis regibus vsurparunt :
 & exemplum in Horatio, cui id sub Tullo parabatur. Etſi
 Cicero dissentire videtur, & horridum illud Carmen ad
 Tarquinium Superbum auctorem referre. *I licetor, inquit,*
colliga manus. quæ non modò huius libertatis mansuetudinisq; non
sunt, sed ne Romuli quidem, aut Numæ, sed Tarquinij, superbis-
simi ac crudelissimi regis ista sunt cruciatus carmina, Caput obna-
Cicero ex- *bito, arbori infelici suspendito. Quæ tamen aut populariter &*
plicatus. *ad causſam Cicero dixerit; aut hoc sentiens, non ab aucto-*
 re illa Tarquinio fuisse, sed illo maximè digna, & apud eum
 crebra. Vtrum horum est, video etiam liberâ rep. statim in
 vsu crucès. Dionysius de seruis coniuratis : *Καὶ αὐτίκα οἱ μὲν ἐξ*
οἰκῶν συλληφέντες, οἱ δὲ ἐκ τῶν ἀγορῶν ἀχθέντες, ἀνεσπολοπίσθησαν ἀπαν-
τες: Et ilicò alij quidem è domibus extracti, alij è foris abducti,
 omnes in Crucem acti sunt. & deinceps * *ῥαμμακόσιοι*, vt cum
 * *Infiniti,* Græcis dicam, testes. Quid Germani? numquid & illi
Et ut arena vsi? distrahor. Tacitus videtur dicere: *Proditores & trans-*
An Ger- *fugas arboribus suspendunt.* sed fortassis ad laqueum & suf-
manicruci- *focationem hoc aliquis trahat. Tamen idem Patibula etiam*
fixerint? attribuit : *Quot patibula captiuis, quæ serobes : quo nisi suo &*
Videri. Romano sensu?

CAP. XII.

Apud Romanos vile fuisse hoc supplicium, & plurimum seruo-
rum. Quas ob causſas ij affecti.

PLVRIFARIAM igitur receptæ Cruces, sed vix tamen
 nisi in homines viliores, Romano quidem ritu. Atque
 apud eos seruorum ferè hoc supplicium, aut plebeiorum
 qui iuxta seruos. De seruis mulier apud Iuvenalem :

Serui ple-
rumque in
Cruce.

Pone Crucem seruo.

Sat. vi.

Et alia

Et alia apud Petronium: *Nec Dij sinant, vt amplexus meos in Crucem mittam.* Ita enim venuste seruum cruciarium appellat, quâ facie sermonis Scelus pro scelesto. Seruus ipse apud Plautum comiter fatetur:

*Noli minitari, scio crucem futuram mihi sepulcrum,
Ibi maiores mei siti sunt, pater, auus, proauus, abauus.*

Atque adeò peculiare hoc seruis, vt nomine *Seruili* supplicij Seruile supplicij quid. Crux veniat capienda. In Tacito: *Asiaticus (enim is libertus) malam potentiam seruili supplicio expiauit: Iterum. Sumptum de eo supplicium in seruilem modum.* In Vulcatio explicatiùs: *Centuriones rapi iussit & in crucem tolli, seruilique supplicio affici.* In Capitolino: *Nam & in crucem milites tulit, & seruilibus supplicis semper affecit.* Ergo Liuium sic euolues: *De captiuis, vt quisque liber, aut seruus, suæ fortunæ à quoque sumptum supplicium est.* Suæ fortunæ: nempe Crux seruo reposita, gladius aut securis libero. Ipsum hoc ita in Hirtio legas: *Prehensi serui tres, & vnus è legione vernaculâ. Serui sunt in crucem sublatis, militi ceruices abscissæ.* Seruile igitur hoc supplicium, sed non ob leuem aut cottidianam noxam. Horatius indicat: Causse grauiiores ad crucem.

*Si quis eum seruum, patinam qui tollere iussus
Semefos pisces, tepidumque ligurrierit ius,
In cruce suffigat; Labeone infanior inter
Sanos dicatur.*

Indicat, inquam, graues fuisse & in extremo supplicio extremas causas. Sed quas illas? ægrè vniuersas dixerim: quasdam adnumerabo. Delatura domini. Pertinax apud Capitolinum, *eos qui calumniis appetiti per seruos fuerant, damnatis seruis delatoribus, liberauit, in Crucem sublatis talibus seruis.* Sic Macrino iam Principe, *συκοφαντὰς τε ἢ δούλους, ὅσοι δεσπότης κατήγαγον, ἀνεσπολοποιήσαντες: Sycophantæ, aut serui, quicumque dominos detulerant, in crucem sunt acti.* Et in genere, omnis machina Machinitio. contra dominicam salutem. Paulus: *Si serui de domini salute consuluerint (Mathematicos intellige:) summo supplicio, id est Cruce, afficiuntur.* Item Fuga, sed (vt opinor) diuturna, aut repetita. Cicero tangit: *Quæ Crux huic fugitiuo potest satis supplicij adferre?* Et Valerius: *Cruce dignissimi fugitiui.* Quin Scipio, apud eundem, transfugas Romanos, tamquam patriæ fugiti-

fugitivos, *Crucibus affixit*. Simile sub Augusto, in Sexti milite puniendo, qui ferè è fugitiuis: τὸ μὲν δεδελθὼν, ait Dio, τοῖς δαυταῖς δεδῶκε τιμωρίαν ἀποδόσθαι εἰ δὲ τοῦ μηδεὶς κ' ἐλθῶ δέριον, ἀνεπολοῦντο: *Seruitia dominis reddita ad pœnam, quorum domini non exstarent, Cruci sunt fixa* Quamquam hîc & alia caussa suberat, Hostilitas in rem Romanam. Hæc & plura in feruis: quos mitiores durioresve domini, grauius, mitius, pro arbitrio sunt puniti.

CAP. XIII.

Etiam liberi quidam in Crucem dati, sed viliores aut nocentiores: ut Latrones, Sicarij, Falsarij, atque alibi & Fures.

Crux indigna liberis.

QUID autem in liberis? Rara crux, vt prædixi. Quin. remouere prorsus ab hoc genere Lactantius videatur, vbi de Christo: *Cur si Deus fuit, & mori voluit, non saltem aliquo honesto genere mortis affectus est? cur potissimum Cruce? cur infami genere supplicij? quod etiam homine libero, quamuis nocente, videatur indignum.* Sed frænanda ea assertio est: & ciue quidem indigna Crux, nec credo vsurpatam in eos nisi præter leges, & per scuitiam: viliores liberi, & prouinciales, non ab eâ profectò immunes. Atque hæc crimina in iis cruciaria: primum, Latrocinium. Seneca: *Latrocinium fecit aliquis.*

Præsertim ciuibus.

Latrones sic puniti.

quid ergo meruit? ut suspendatur. Caue de alio suspendio interpretè. Petronius: *Imperator prouinciæ iussit Latrones Crucibus affigi.* Apuleius: *Latronem istum, miserorum pignorum meorum peremptorem, Cruci affigatis.* Callistratus Ictus: *Famosos latrones, in his locis vbi grassati sunt, furcâ figendos compluribus placuit.* Scripserat ille, *Cruce*, vt post docemus. Cum ipso Seruatore vtrunque secus latrones duo fixi: quos duo Evangelistæ disertè λῆστές appellant, Lucas paulò communius

Et Sicarij.

Deinde Sicariatus. Paulus: *Inhonestiores (sicarios) pœnâ capitis vindicari placuit, humiliores verò in Crucem tolluntur,*

Et Falsarij, aut bestius subiiciuntur.

Tertiò, crimen Falsi. Firmicus: *Faciunt in crimine falsi comprehensos in Crucem tolli.* Anne & furum? ita, sed non Romæ. Lampridius: *Cùm quæreretur à regibus, quid apud eos fures paterentur? illi responderunt, Crucem.*

Alibi & Fures.

Et mi-

Lib. v.
Inst. ca.
XXV.

Epist.

In Sat.

Lib. i.
de Afri-
Lib. xx
viii.
pœnis.

Lib. v.
Sent.
xxiii.

Lib. vi.
Matth.
cap. xx

In Ale.

Et mirum ni è Gallis Germanisve isti reges, quorum moribus etiam nunc Fures ad furcam. Alia etiam crimina in hanc pœnam, ne ambigas: sed ego fileo, quæ testibus aut tabulis non configno.

CAP. XIV.

Quæ caussa falsò assignata in Cruce Christi? videri Innouationem & Seditionem esse.

CVM hæc vidimus, piè non curiosè quæro, in Seruatore nostro quis prætextus (nam caussa nunquam fuit) ad Crucem? Blasphemiam aliquis dixerit, ex vocibus aut iudiciis Iudæorum. Atque ipsi fanè ita apud Pontificem accusant, & huic noxæ testes quæruntur, & ipse denique Pontifex eius damnat. Attamen, si legem spectes, hi tales lapidibus, non cruce puniti. An non veriùs ac simpliciùs, totum illud iudicium, etsi iudicij dissimile, Romanis moribus legibusque directum? Mihi videatur. & respondeam damnatum innoxium nostrum agnum, quasi Seditionis nomine & Regni affectati. Certè Romanâ lege, *auctores seditionis aut tumultus, pro qualitatibus dignitate, aut in Crucem tolluntur, aut bestiis obiciuntur.* Quòd autem sic etiam apud Pilatum accusatus, Lucas clarè: *Hunc inuenimus subuertentem gentem nostram, & prohibentem tributa dare Cæsari, & dicentem se Christum regem esse.* Credidit, nec credidit Pilatus: & Titulum tamen causamque mortis inscripsit, *Rex Iudæorum.* Ex Iudæorum quidem libris si rem decidimus, intricamur: nec vsquam traditum clarè quæ noxa ad crucem, nisi quod Philo prodidit de Homicidis. *contra quos ait Legislatores mille mortis genera, si potuisset, dilecturum fuisse: cum non potuit, πωρίαν ἀλλήν προσελάττε, καὶ δύνων τὰς ἀνελόντας ἀνασκοποῦντες:* pœnam aliam adiunxit, iubens homicidas & sicarios crucifigi. Sed tuâ pace Philo, vbi hoc Legislator? nusquam expressè. hoc tantum vniuersè: *Quando peccauerit homo, quod morte plectendum est, & adiudicatus morti appensus fuerit in patibulo.* Peccatum non designat: & frustra credo fore, si quis nunc quærat. Tamen Theologi vidento. ego * *ἐν ἄλλοτρίῳ χορῇ πόδα ἐτίθην.*

Christus non ob blasphemiam fixus.

Potius ob regni cupidinem.

Apud Iudæos noxa cruciaria hodie incerta.

* *In alieno chorepodem non pono.*

CAP. XV.

CruX interdum liberè & laxè vagata : in hostes, in seditiosos, in Christianos, in fœminas denique.

Hostes sic puniti.

Aut turbidi.

Grandi numero sæpe.

IN hos ergo tales ex ordine & more CruX vsurpata. Interdum regnum ei largius, & præsertim apud reges. Nam hi ex libidine sæpe ita sæuierunt in hostes aut rebelles, & vno tempore multos. Alexander Magnus, vt suprà tetigi, *duo millia Tyrriorum*, captâ eorum vrbe, *crucifixit*. Alius Minutus Alexander in Iudæâ, ἐσιώμην ἐν ἀποπνῶ καὶ τῆς παλλανίδων ἀνασταυρώσαι προσέταξεν Ἰεδαίων ὡς ὧ: *Conuiuans in publico & conspicio loco unâ cum pellicibus, iussit in Crucem dari Judeorum ad octingentos*. Quinctilius etiam Varus, ex eâdem gente, ob nescio quem motum, ἀνεσταύρωσε δὲ διχαλβίαι: *crucifixit circiter bis mille*. At Titus in obsidione illâ exitiali, *quingenos, & plures, in singulos dies Crucibus affixit*: καὶ διὰ τὸ πλῆθος χάραξ τε ἐμελεῖτο τοῖς Σταυροῖς, καὶ Σίβυρι τοῖς σώμασι: *& ob multitudinem terra Crucibus, & Cruces corporibus deerant*. Nota, nota. historica hæc fide, non attollendi causâ dicuntur, & ab eo qui vidit, Iosepho. Nec ego miseror. abi pessima natio, hæc præmia Crucis illius, quam impiè posuisti nostro & tuo (voluisses modò) Seruatori. Iam & Augustus confecto bello Siculo, * *sex millia seruorum, quorum domini non exstabant, in Crucem egit*. Et in Christianos Tyranni crebrò adhibuerunt, atque eos numerosos. Lego vno tempore, vno loco, *ad millia decem sic interfecta*. Atqui nec à fœmineo sexu abstinerunt hoc supplicium. & Tiberius, ob adulteratam in templo Iſidis Paulinam, τὰς τε ἱερέας ἀνεσταύρωσε, καὶ τὴν Ἰδὴν ὁλέσσει Ἀγομένην αἰτίαν: *& Sacerdotes crucifixit, & Idam* (ancillæ nomen) *quæ corruptelæ causâ fuerat*. E Christianis etiam Beatâ Eulalia, *ungulas flammâsque perpeſsa, demum cruci affixa martyrii coronam accepit*. Sed & in Corſicâ, *sancta Julia virgo crucis supplicio coronata est*. Plura in Martyrum historiis exempla reperies, & si voles, addes.

Ioseph. lib. xi. i. Antiq. cap. xxi.

Ioseph. lib. i. i. Excid. cap. i. i. Idem lib. Excid. cap. xxvii.

* Et idem quod ex Dione supra ca. xii.

Interdum & fœmina.

Orosius lib. vi. cap. xvi.

Martyrol. xxi. Iun.

Ioseph. xviii. Antiq. ca. vi. Martyrol. xii.

Idem xxi. Maij.

IVSTI LIPSI

DE CRUCE

LIBER II.

CAP. I.

Transitio ad Modum figendi. præmissum de atrocitate huius supplicij, quod Summum & Extremum dictum.



DIXI satis Quid Crux & Cuiusmodi fuerit, Ubi & Quare vsurpata: pergo longius, & vniuersum hoc pœnale edificiũ exstruo, per singula etiam membra. Dicam enim Quomodo vsurpata: & non animis solũ, sed pœnè oculis subiiciam sœuitiam & fœ-

Crudele hoc supplicium.

In Verr. cap. xix. an. crudelissimum teterrimumque appellauit: & poëta Nonnus

— ἐλέγχετον τινα πότμον: *damnatissimum quoddam fatum.*

b. v. Sët. xxi. viii. leg. oru. Falsi Quin etiam Iurisconsulti, nomine *Summi supplicij*, velut ob *Summum dictum,* eminentiam, designant istud. Paulus: *Summo supplicio, id est*

Cruce, afficiuntur. Ab eadem mente *Supremum* Vlpianus dixit: *Si liberi sint, ad bestias dari; si serui, supremo supplicio affici.* *Supremum* cum enim aliud non exprimat, & de seruis responsum sit, iure capio Crucem. cur non ignem? inquires: cum Tertullia-

Martyr. iv. nus etiam dixerit & censuerit, *Summam ignium pœnam?* Quia ex Iurisconsultorum mente, Crux etiam supra ignem. Certè

b. v. Sët. xvi. Paulus hoc ordine *Summi supplicij tria genera* recēset: *Crucem, Cremationem, Decollationem.* Præit, vt vides, Crux: & cum

caussâ, si infamiam, magnitudinem, & præsertim diuturnitatem pœnarum in eâ attendis. Dicta hæc ipsa *Extrema*

x. pœna. vt in Apuleio de seruo cruciando: *Certum extrema* *Et Extremum.* pœna, quæ more maiorum in eum competit. An & sic Arnobius?

i. Ad Gent. *Crucem mereatur extremam, quisquis vobis dominis supplicarit.* Quod tamen etiam laxè, & de peste aut pernicie capit interpretari.

Duplex figendi Modus, Vulgaris & Rarus. In illo Flagellatio ex more semper anteiuit.

*Disiſſo di-
cendorum.*

*Flagellati
ante cru-
cem.*

SED ſæui ſœdique quid in hoc ſupplicio fuerit, Modus ipſe dixerit: quem graphicè imus repræſentatum. Vt magis poſſit; partimur, & duplicem eum facimus: *Vulga-rem, & Rarum.* Illum, qui receptiſſimus, & quo vulgò uteban-
tur. Alterum, qui magis ſepoſitus, nec in tam aſiduo uſu. De il-
lo priùs: & quidem ordine hæc tria, Quæ ante fixationem, Quæ
in ipſâ, Quæ poſt ipſam. Ante fixationem duo adhibita: *Flagella-*
tio & Deductio. Flagellatio quidem ſollennis antecellor, &
rarò in crucem dati niſi ſic purpurati. Apud Liuium, de ſer-
uis coniuratis: *Multi occiſi, multi capti, alij verberati crucibus* Lib. xxxi
affixi. Verberatos ecce prædixit. Alexander apud Curtium,
moris huius retinens, eos qui Petram obſtinatè defenderant, Lib. vi
omnes verberibus affectos, ſub ipſis radicibus Petræ crucibus inſ-
ſit affigi. Iudæi, apud Iosephum, *μαστιγοῦντο καὶ δεσμεύονται* Lib. v.
καὶ τὰ δένδρα πάντα αἰκίαν, ἀνεσκαπούτο: flagellati & præcruciati Excid. ca.
ante mortem omne genus verberibus, crucifigebantur. Philo item xxxi.
narrans Iudæos Alexandria in crucem actos à Flacco: hoc
addit: *καὶ τὸ αἰκίσασθαι ἐν τῷ θεάτρῳ: poſtquam flagellati fuiſſent in* Contra
theatro. Sollennis ergo mos, imò lex: & horrendum Carmen Flaccum
diſertè canebat: *Verbera intra aut extra pomerium: & tum de-* Apud L.
nique ſuccinebat: Arbori infelici ſuſpendito. lib. i.

CAP. I I I.

Flagellorum & Virgarum discrimen. Illa magis vilis, & magis acerba eſſe. ſolere & talis aſperari.

*Flagra
cruciaris
proſoria.
Cicero ex-
plicatus.*

VERBERATI igitur: ſed utrùm virgis an flagellis? Il-
las interdum reperio: ſed magis crebrò iſta. Discrimen enim eſſe ſcimus: & quia Virgæ honeſtiores, inhone-
ſtiſſimo huic ſupplicio adtributa Flagra. Cicero illudens & cauillans in Labienum: *Porcia lex Virgas ab omnium ciuium* Orat. pr.
corpore amouit; hic miſericors flagella retulit. Quomodo re- Rabin.
tulit? vnâ cum Cruce ſcilicet, cui hæc adiuncta. Dixi perd.
in ho-

inhonestiora fuisse. Ita, & propriè seruorum. Sic apud Terentium,

— ad necem operiere loris. S A N. loris liber?

Terentius,

Exclamat & indignatur, vt in re insolenti, quòd libero intentata lora. Et ab hac notâ seruilem conditionem Menæ Horatius approbat :

Sectus flagellis hic triumphalibus

Horatius.

Praconis ad fastidium.

Significat à Triumuiris (Imperium iis & animaduersione in seruos) cæsum flagris publicè, idque sub præconis voce.

Itaque & Macer I. C. tus scripsit, *Ex quibus caussis liber fustibus, ex his seruum flagellis cadi.* Et Impp. rescripserunt, mulierem habere iustas diuortij caussas, *si se verberibus, quæ ingenuo aliena sunt, afficientem maritum probauerit.* Flagra hæc ipsa intelligunt: quæ cum ab ingenuis, tum à feminis remota maximè. Atque vt nouum & seuerum in Licinio Pontifice narrat Valerius: quòd ei virgo Vestalis, quia parum diligens

Macer,

ignis aterni custos fuisset, digna visa est, quæ flagro admoneretur.

Valerius.

Flagella autem hæc aspera. adeò vt Vlpianus scripserit, *ministrorum immanitate, multos sub eiusmodi flagellis interuisse.* Et

Horribile etiam id Horatio visum agnominare:

Nec scuticâ dignum, horribili sectere flagello.

Flagella
taxillata.

Quod magis fuit, cum ea insitis talis aut officulis exasperabant. Factum Romæ, atque alibi. Eustathius dici notat

ἀσεργαλωταὶ μάστιγας, τὰς ἐξ ἀσεργαλῶν ἐνείερομένων καὶ ἀνεστραμέναι: Flagra talaria, quæ talis insertis inuolutisque confecta sunt. Apud

Athenæum quispiam recenset, in Parthis optimates quoque & Satrapas, vbi visum Regi, *ῥαβδοὶς καὶ ἱμάσιον ἀσεργαλωταῖς μάστι-*

γῶδες: virgis & loris taxillatis cadi. Apuleius agnoscit, & Flagrum pecuinis ossibus cathenatum, scitè appellat. Ille idem Gal-
lis Matrisdeum adscribit. Arrepto flagro, inquit, quod semiviris illis proprium gestamen est, contortis tenuis lanosi velleris prolixè fimbriatum, & multiugis talis ouium tessellatum, indidem sese multinodis commulcant ictibus. Et Plutarchus appositè ad eius lucem: Οὐδὲ μάστιγος ἐλευθέρας δόμῳ, ἀλλὰ τὸ ἀσεργαλω-

Gallus vfi-
tata.

τῆς ἐκείνης, ἢ τὰς Γάλλους πλημμελουῦντας ἐν τοῖς μητέροισι κολάζουσι: Nec qui liberæ verberationis egeat, sed flagri illius taxillati, quo Gallos

aliquid

Christus
flagris ca-
sus.

aliquid offendentes in sacris Magnæ matris cœrcent. An tale ali-
quod flagri genus, quo Christus etiam noster cæsus? imagi-
nantur aut pingunt per pietatem nonnulli. Haud ego assero:
sed illud Euangelistæ, cæsum esse & quidem flagro. Sic e-
nim Matthæus, corruptâ ipsâ Latinâ voce: Τὸν δὲ Ἰησοῦν ρα-
γελώσας παρέδωκεν ἵνα σταυρωθῇ. *Jesum cùm flagellasset, tradidit ut*
crucifigeretur. ἱμάθλιω, id est, loreum flagellum appellat
Nonnus.

Πηχθανῇ Χριστοῦ δέμας φοίνιξεν ἱμάθλι,
Horribili Christi corpus rubefecit habenâ.

CAP. IV.

Solitos ad Columnam verberari; atque aliàs per viam. De ipsâ
columnâ cui sacrum corpus annexum.

Plurifariâ
flagellatio.

Ad colum-
nam domi.

Plauto lux

SED observa. Flagellatio hæc non vno semper loco, aut
tempore. Aut enim ante Deductionem utebantur, id-
que domi, aut in prætorio: quod in Seruatore factum. aut
in ipsâ Deductione, per viam: quod moris fuit magis pris-
ci. Si domi, ligabant interdum ad columnam. Firmamenta
huic ritui non tam multa reperio, reperio tamen. Artemi-
dorus ubi somnium narrat Ierui, qui visus sibi ab hero δέφε-
σαι, deglubi & turpiter tangi: addit, πρὸς διδρις κλονι πολλὰς ἔλαβε
πληγὰς: *columnæ alligatus, multas accepit plagas.* Phileas etiam
apud Eusebium, sæuitiam in Martyres, qui Alexandriæ, re-
ferens: Ἄλλοι δὲ πρὸς τοῖς κίονιν ἀντιπρόσωποι ἐδύντο: *Alij autem ad*
columnas vultibus inter se aduersis, astringebantur: & de flagel-
latione sentit. An & Plautum sic accipimus?

Lib. vii r
Eccl Hi
cap x.

Bacchid.

— Abducite hunc

Intrò, atque adstringite ad columnam fortiter.

1a Christo
factum.

Ego quidem: etsi ad custodiam modò id factum aliquis
pertendat. Sed de Seruatore nostro non ambiguum, piis qui-
dem & in religione antiquis. Etsi enim Euangelia non ex-
primunt: tamen securi Patres. Prudentius clarè, & cum ri-
tus quoque pris-
ci attestatione:

Nouo T
flam.

— atque columna

Annexus, tergum dedit, ut seruire, flagellis.

Hiero-

pist. ad
Astocho.

idem.

e Glor.
art.
p. II.
ib. III.
p. III.

Hieronymus & suo ævo exstitisse commemorat. *Ostendebatur illi* (Paulę) *Columna, Ecclesię porticum sustinens infecta cruore Domini, ad quam vincetus dicitur & flagellatus.* Indicat fulcri vsum habuisse in ædificio templi : quod ipsum Prudentius. *Perstat adhuc, templumque gerit veneranda columna.* Et si Bedę tempore in medio Ecclesię fuisse, ipse testatur. Meminit huius quoque, & miraculorum per eam, Gregorius Turonensis. Hęc domi flagellatio, & ad columnam : quid per viam? sub furcā id factum, de quā in * loco dicam.

CAP. V.

Crucem suam tulisse, aut totam, aut eius partem.

p. II.
XLI.tardā
vin-
ā.ron.
r.

XIX.

erfus
cos
.

AD Deductionem venio, in quā duo observo, *Ludibrium & Tormentum.* Ludibrium, quod ipsi coacti crucem suam ferre, aut certè eius partem : vt verè esset illud quod dicitur, *Suo sibi iumento malum.* Artemidorus : *βασιλεις πνα τῆς δαιμόνων χονίων κακούργου μὲν ἰδόντι Σταυρὸν αὐτῶς σημαίνει, εἶκοι γὰρ καὶ ὁ Σταυρὸς θανάτου, καὶ ὁ μέλλων προσηλθεὶς ποτέρον αὐτὸν βασιλεις : ferre aliquem Deorum inferorum, malefico quidem id videnti Crucem prodicit. Similis enim ē Crux morti, & qui in eā figendus, prius eam portat.* Plutarchus etiam comparatione quadam utili : *καὶ τὸ μὲν σώματι τῆς κολαζομένην ἕκαστος τῆς κακούργων ἐκφέρει τὸν αὐτοῦ Σταυρὸν, ἡ δὲ κακία τῆς κολασθείαν ἐφ' ἑαυτὴν ἕκαστος ἐξ αὐτῆς τεκνέεται : Et corpore quidem quisque maleficorum suam effert Crucem : malitia autem cruciatuum quemque in se, ex se, gignit & fabricatur.* Benè hoc & salubriter Plutarchus : *Ὁ δὲ Θεὸς (ait quispiam) quàm malè est extra legem viventibus ? quidquid meruerunt, semper expectant.* Sed repono me in gradum. Ferebant Crucem. atque ita Iohannes de Christo : *βασιλὼν τὸν Σταυρὸν αὐτοῦ ἐξῆλθεν εἰς τὸ γὰρ μόνον καὶ νῦν τόπον : baiulans suam Crucem, exiit in locum Calvarie dictum.* Quā solā causā vetera quadam vaticinia aut imagines Doctores nostri ad Christum trahunt. Vt Tertullianus hoc de Isaaco. *Cum, inquit, Isaac à patre hostia duceretur, & lignum ipse sibi portaret, Christi exitum iam tunc denotabat, in victimam concessi à Patre, lignum passionis suę baiulantis.*

Fecit Christus.

Vates testati sunt.

Idem

Idem in Isaïæ verbis istis: *Cuius imperium factum est super humerum ipsius. Solus, ait, nouus rex Christus nouæ gloriæ potestatem & sublimitatem in humero extulit, id est, Crucem.* Et Christus sanè totam plenamque Crucem tulit. Ni fecisset, quid opus erat auxiliatore & subsequâ, qui adleuasset? Alij non semper totam: atque ideo cautè prædixi, *eius partem.* Nam qui ritu veteri sub furcâ cæsi ducebantur, * ferebant non nisi istam. Imò interdum nec istam. Nam fac in arbore aliquâ crucifixum, & subito: profectò, præter se, nihil tulit.

* Vide
III.

C A P. VI.

Deductos cum vexatione, Stimulis etiam actos.

*Trahi per
viam.*

TORMENTVM etiam in Deductione: quia trahere, diuexare, & stimulis agere per viam solent. Dionysius de tractione: *δι' ἀγορᾶς αὐτὸν μαστιγώμενον ἐκέλευεν ἔλκειν: per forum flagellatum ipsum, trahere eos iussit.* Nec dubium est quin impulerint, deiecerint, erexerint, per sæuitiam aut per lusum. De Stimulis etiam non temerè addo. & apertè auctor adfirmandi Plautus, apud quem conseruo seruus:

Lib. vi.
Antiq.

*Et stimulis
fossi.*

*Plautus
illustratus.*

*O carnificinum cribrum! quod credo fore,
Ita te forabunt patibulatum per vias
Stimulis, si noster huc reuenerit senex.*

Mostel.

Habes *Stimulos*, idque in *Patibulato* (ad furcam astricto) & *per vias*. Iungit iterùm cum Cruce Plautus: *Stimulos, Laminas, Crucesque.* & aliàs meminit, sed sic vt seorsim eos fuisse sciamus inter cruciatus & tormenta, sicut laminas & ignes. Pictores nostri asserculum siue tabellam imæ Christi vesti appingunt, quæ clauis præacutis confita pedibus calcibusque euntis illidatur: nunquid alludentes ad hanc Destimulationem? quæ tamen stimulis aliis facta. quos oblongos, siue è sudibus præacutis, siue & ferro præfixis, gestabant ad hunc vsum. Sumptum à bubus, quos sic extimulabant. Sed nisi ea Pictorum mens, ipsi vidento: ego inuentiunculæ eius nec auctor sim, nec interpret.

Afinar.

CAP. VII.

In ipsâ Fixione nudi in crucem dati : an altam, an in terrâ depositam? id quæsitum, & vtrumque firmatum.

ISTA sunt quæ Ante fixationem : nunc quæ in ipsâ. Tria confidero, *Suspensionem, Astrictionem, Inscriptionem*. Suspensio præit, & ante illam etiam Nudatio. quia simul ad crucem ventum, spoliabant hominem, & sic in eam dabat. ^{Nudati an: e fixationem.} Receptum hoc in plerisque suppliciis, velut Naturæ suasu, quæ nudos induxit in vitam, & educit : etiam in isto. Artemidorus : Σταυροῦ δὲ ἀγαθὸν τὸ πέμπειν καὶ γὰρ ὁ ὕψις ὃς ταυροβολεῖς τοῖς δὲ πλουσίοις βλάπτεται γυνὸς γὰρ σταυροῦ. (*Crucifigi bonum pauperi, quia sublimis est crucifixus: noxium verò diuiti, quia nudi crucifiguntur.*) In Christo factum hoc obserues: quem Euangelistæ narrant recepisse vestes post flagellationem iam deducendum, & posuisse iterum deductum. Ergo nudi dati in crucem : sed Iacentem an Erectam? Pro Iacente, Acta vetera de Pionio Martyre : *Utrò se vestimentis spoliavit, & in caelum suspiciens ac Deo gratias agens super lignum seipsum extendit, militique tradidit ut clavis confingeretur.* Satis clare: atque etiam mox clariùs : *Eum igitur ligno fixum erexerunt.* Dici nihil potest, quin fixio hîc in Iacente facta fuerit, quæ post erecta. Et ratio etiam aliqua suadet. Nónne enim facilius hominem sic affigere supinum & inclinatum: quàm tollere in erectam, pendulum, labentem, fortasse & reluctantem? videtur. Tamen quòd in Erectam, plursculi adfirmant testes. Cicero in ^{Pro Subl-} *Gauianâ cruce describendâ : Quid attinuit, cum Mamertini more atque instituto suo Crucem fixissent post urbem in viâ Pompeiâ, te iubere figere in viâ quæ Rhegium spectat?* Et verba & rei seriem vide, obseruabis fixam primò crucem, & tum in eam datum. Idem in Rabirianâ : *In campo Martio Crucem ad ciuium supplicium defigi & constitui iubes.* Stabat iam defixa, dum causa diceretur, & cruciarium suum expectabat. Galba apud Suetonium, cuidam inclamanti se ciuem Romanum esse, *multo præter ceteras altiorẽ & dealbatam crucem statui iussit.* Statui, ac tum suffigi. Iosephus de Iudæo quodam

à Romanis capto : Ο δὲ βάσις & προσέταξε καὶ πηγνύει Σταυρὸν, Lib. vii. Excid. Iu.
 ὡς ἂν τῆς κρεμῶν τ' Ἐλεάζαρον : Bassus iussit defigi crucem, tamquam
 statim suspensurus in eâ Eleazarum. Denique & libro Eldrâ : Incap. vi.
 Ut omnis homo qui hanc mutauerit iussione[m], tollatur lignum de
 domo ipsius, & erigatur, & configatur in eo. Vtrobique hîc e-
 rectio, fixationem antecedit. Nec video quid obduci possit :
 nisi istud infirmum, statutas quidem, sed sub aduentum no-
 xij iterum demissas. Quis credat ? aut irriti laboris quæ ra-
 tio ? Abnuunt etiam phrasæ veteres, quas scimus plerum-
 que adsimiles rebus ipsis. Dicunt enim Tollere, Agere, Ferre,
 Dare in crucem : quæ omnia elationis sunt aut molitionis.
 Item in ipsis fontibus, Excurrere, Ascendere, Salire, in cru-
 cem : quæ mihi videntur conuenire non nisi in Erectam.
 Priorum phrasium exempla nota atque obuia sunt : poste-
 riorum cape ista. Plautus :

Reiectio
 canilli.

Iterum pro
 Sublatâ.

Ego dabo ei talentum primus, qui in crucem excucurrerit.

Mostellar

Prudentius :

Cruce illa nostra est, nos patibulum ascendimus.

Πατρ. εὐφ.
 Hym. x.

Plautus :

Credo hercle adueniens nomen mutabit mihi,

Bacchid.

Facietque extemplo Crucisalum me ex Chrysalo.

Sed & testes, in ipsâ narratione, pro Erectâ. Nonnus de
 Christo :

Εἰς δ' ὄρου τετραπλόωρον, ἐπήκοον, ὑψόθεν γαλῆς.

Ορθιον ἐξετάσσουσιν.

In lignum quadratum, altum, terraque leuatum,
 Rectum extenderunt.

De eodem Nazianzenus :

In Christ
 patientes

Αὐτίχ' ὄμιλος θεανοδὲ μὲν ἔϋλω

Ἀνῆγον, ἦγον, ἦγον εἰς ἄκρον τέλος.

Ορθός δ' ἐς ὀρθὸν αἰθέρ' ἐστηρίζετο.

Ἐσιλῶνα δ' ἐγκάρσιον ἄλλον ὀρθέως.

Ἐτεταν, ἐξέτεταν, ἠλώσαν χεῖρας,

Πόδας δὲ καθήλωσαν ἐν πικρῇ ἔϋλω.

* Neque
 scio an ipsa
 Tragedia
 germana
 Nazianze-
 ni.

Quorum versuum (haud fanè * optimorum, liberè dicam)
 hæc sententia. Ductum & subductum in altam crucem, ad vlti-
 mum eius finē : rectum ita statutum : tum ad transversarium lignum
 manus

manus fixas : denique & pedes ad stipitem defixum. Atque ista pro Erectâ. In disensu autem nos quid definimus? consensum, quâ licet. Dicimus vtrumque vsurpatum, sepius tamen hoc postremum. Imò interim necessariò hoc postremum. Pone enim in arbore suspensos (sæpe factum:) quomodo demitti ea potuit, & tunc attolli?

CAP. VIII.

Clavis figi solitos, interdum funibus adstringi.

SED iam ad *Adstriktionem* transeo; quæ facta clavis, aut funibus, sed plurimum illis. Seneca: *Cùm refigere se crucibus conentur, in quas unusquisque vestrum clauos suos ipse adigit.* Ita legendum, *non adicit.* Illi, inquit, conantur tollere se de crucibus suis: vos contra, magis magisque affigitis, & clauos adigitis in lignum. Meminit & Apollo in oraculo quopiam, de Christo:

Γόμοις ἢ σκολόπτεσι πυρρῷ ἀνέτλησε τελευτῆν:

Clavisque & palis mortem exantlauit acerbam.

Loquitur de hac eius morte per crucem: quia, vt Artemidorus ait, ἐκ ξύλων καὶ ἡλων γέγονεν ὁ σταυρός: *ex lignis & clavis crux confecta est.* Atque ab hac re Græcis passim ipsa crucifixio, *προσηλωσις* dicta: quasi dicas *clauifixio*. Vlpianus in Demosthenem explicat *προσηλωσας, Σταυροῖς προσηλωσας τοῖς ἡλκοῖς: cruci affigi clavis.* Et fortasse cò respexit Strabo cùm de Cantabris dixit, ἀναπεποιητάς ἐπὶ τῶν Σταυρῶν: *suffixos in crucibus.* Ergo de clavis certum: an etiam de funibus? sunt exempla. Ausonius suum Cupidinem facit

Deuinctum post terga manus, substrictaque plantis

Vincula mærentem.

Et communi ligandi verbo in hac re Artemidorus vsus:

Σταυροῦνται, inquit, ἀρδεὶ ἀγάμω γάμον προσαγορεύει, διὰ τὴν δέσιν:

Crucifigi (in somnis) viro calibi nuptias designat, ob *ligaturam*, quia scilicet ligno iungitur copulaturque. Plinius inter magicas ineptias *Spartum* etiam è cruce numerat, id est sparteos funes. Quid, quod D. Andreas ita alligatus? Abdias

apertè, & causam etiam addit: *Proconsul mandat questionariis, ut ligatis manibus & pedibus, non clavis affixus suspenderetur, quo diutino cruciatu deficeret.* Ex quo colligas, habitum id magis sæuū. Etsi prima fortasse crucifixio talis, & in Liuij priscis scriptisque libris legas: *Arbori infelici recte suspendito.* Recte, inquam, additur: quod tamen heri ac nuper eiecerunt correctores. An sic quoque appensi latrones bini, qui cum Christo? Vulgò sentiunt, nec aliter pingunt. Tamen falsò: quia illi, pariter ac Christus, fixi. Nonnus Lib. III. Hist. Apo. Lib. I. Incap. XI. adfirmat.

κέντροις ἀντιτύποισιν ἐπὶ Σταυροῦ δένοντες:

In cruce praeclavis fixi, inque ligati.

Et magis Historia prisca, quæ est de Helenâ Constantini matre. Ea cum venisset sacra & Deo-homini trita loca, cupidine visendi & venerandi: de Cruce etiam inquisiuit nostrâ illâ seruatrice. Fodit, tres reperit, ac diu animi anceps hæsit quæ esset illa vera. Nam Titulus, quo dignosci potuisset, iacebat seorsim disiectus. Denique miraculo & diuinâ indicatione opus fuit ad discernendum. Quid autem opus, si vestigia clauorum modò in vnâ? Argumentum certum est, & res ipsa per Ecclesiæ annales.

C A P. I X.

In quibus partibus clauī, & quo numero?

CLAUOS autem istos, siue & funes, in manibus pedibusque fuisse satis notum. Nonnus de Seruatore:

Καὶ ποσὶ καὶ παλάμῃσι σιδῆρεα κέντρα κομίζων:

Et pedibus manibusque ferens stimulos ferratos.

Tertullianus de veteri vaticinio: *Foderunt manus meas & pedes] quæ propria atrocitas crucis.* Habent atrocita libri scripti: & rectè, ut amat loqui ille scriptor. At quàm multi isti clauī? enimuero dissident. Alij de ternis asserunt. ut Nonnus, qui Christum depingit.

Quot clauī in pedibus.

Tres quidam volūt.

— ἀμείψω δὲ πεπαρμένον ἄλκιμον ἄλκιμον:

Διπλόον ἥτορ ἔχοντα μὴ τετορημένον ὁρμή,

Ποσσὶν ὁμοπλεκέσσιν.

Aduers. lud. cap. 2.

Facit.

in Christo
patiente.

Facit ecce magno & singulari clauo pedis vtriusque pectusculum transfigi, & quidem vno ictu, idque pedibus mutuò impositis & complicatis. Clarum est. etiam illud Nazianzeni, pariter de Christo, vbi cruce deponitur:

Γυμνὸν ἑστῆλ' αὐτὸν κείμηνον ἐύλ' αὐτὸν λαβὼν:

Nudum triclavi repositum ligno auferens.

De Glor.
ap. vi.

erm. De
passione.

Moſtellar.

At contrà tamen tendunt alij, & suggerunt quaternos. De eodem Christo Gregorius Turonus: *Clauorum dominicorum, quòd quatuor fuerint, hæc est ratio. Duo sunt affixi in palmis, & duo in plantis.* Sed & Cyprianus melior maiorque auctor *πανθεωπηγῶς* scripsit: *Clavis sacros pedes terebrantibus.* Quid, quòd Plautus ex more astruere videtur tantos?

Ego dabo ei talentum; primus qui in crucem excucurrerit,

Sed ea lege, vt offigantur bis pedes, bis brachia.

*In Plauto
noua expli-
catio*

*Pluribus
clavis fixi.*

v. Noueb.

x. No.
emb.

Nisi is tamen ibi sensus. vt seruulus ad maiorem quasi cautionem, & ne facilè se refrigeret, voluerit non semel manus pedesque, sed bis singula figi: ita inquam, vt bini in quoque membro essent clavi. Quàm magis considero, tam magis hoc dictum censeo: cùm id quoque reperiam, per scæuitiam multiplicatos alibi clauos. Vt in Martyrologio: *Agricultam plurimis clavis Cruci affigentes interemerunt.* Interdum & in aliâ corporis parte. In eodem Martyrologio: *Philomenus manibus pedibusque, ac demum capite clavis confixo, martyrium consummauit.* Itaque si morem veterem vides; arbitrium fuit de clavis, & frustra litigemus. Si de Christo tamen queritur; nescio, & in dissensu Patrum non est meum arbitrari.

C A P. X.

Ordo & Modus affigendi. An lignum aliquod in Cruce suppedaneum?

AD D O magis de figendi modo. Is fuit, vt manus primum figerent, inde pedes. Graphicè Lucianus in Dialogo vbi Prometheus figitur. Vulcanus Mercurio loquitur: *Ἀνεστυράμεθα, ἐκπετασθεὶς τῷ χεῖρ' ἀπὸ τούτῃ πρὸς τὸ ἐναντίον: Cruci-figatur, extensus ambas manus ab hac parte in aduersam.* Atque initium à manu dextrâ. Ibidem Mercurius Prometheo:

Αλλ' ὅρεγε τὴν δεξιάν. σὺ δὲ ὦ Ἥφαιστε, κατὰ κλει, καὶ πορσθήλῃ, & τὴν σφίον
ἐρρῶμένως κατὰ φερε. δὲ καὶ τὴν ἐτέραν, κατελὶφθω δὲ μάλα καὶ αὐτῇ: Sed
præbe dexteram. tu autem Vulcane, astringe, & confige, & mal-
leum fortiter demitte. Da & alteram, quò illa etiam rectè astrin-
gatur. Tum itum ad pedes. Sed ambigas, Manúsne fuerint

An ferre
potuerint
pendulum
corpus?

An semper
in ipsâ volâ
fixi?

De tabellâ
suppedaneâ

toti moli ferendæ? Apparet enim corpus omne (præsertim
si quis pedes inflecteret) pependisse à manibus solis. Ego ita
arbitror. Quidni? Duræ & nervosæ illæ partes, & lentæ fran-
gi. Fortasse nec in mediâ semper manus volâ clavi fixi, sed
superiùs paullò quâ cum brachio coit, id est circa carpum.
Plautus facit suspicari, qui disertè scribit *brachia offigi*, non
manus. Sed puto equidem amplius. si corpus grauius, aut
manus tenuior, adminiculum sæpè fuisse funes. Illos quo-
que additos, & circa humeros aut pectus medium, ad cru-
cem adstrictos. Hoc malim, quàm cum aliis asserculum siue
tabellam inducere, in quâ innixi & fixi simul pedes. Nimis
accurata ea fabrica, imò delicata. Tamen in Christi cruce
Gregorius Turonicus agnoscit; quiane fuit, an quia piè ima-
ginatus est? Ipse quidem sic: *In stipite erecto foramen factum
manifestum est. pes quoque parvæ tabulæ in hoc foramen insertus
est. super hanc verò tabulam, tamquam stantis hominis, sacræ affixæ
sunt plantæ.* Nec scio an illuc Innocentij hæc referenda: *fue-
runt in cruce dominicâ ligna quattuor, stipes erectus, & lignum
transuersum, truncus suppositus, & titulus superpositus.* Nam vi-
di qui de Trunco sic acciperent: etsi vox videtur abnuere:
quæ parùm apta ad minutam illam tabellam. Verba etiam
plura & sequentia Innocentij cùm examino, sentire cum di-
xerim non de hac impositâ, sed verè (vt loquitur) *supposito
trunco*, è quo ipsa crux surgat. Ita enim sensissè videtur: trun-
cum aliquem fuisse, siue fulciendæ cruci in imo appositum
(ἀντὶ τοῦ ὄζυς Græci id genus obliqui sustentaculi vocant;) siue
sub ipso recto stipite in terrâ, cui ille immissus, vt firmior
staret. Neque ego assero id factitatum: sed mentem scripto-
ris pono. Trahunt etiam Irenæum istuc, qui crucem sic de-
format: *Ipse habitus crucis fines & summitates habet quinque:*

De Glor.
Mart. cap
vi.

Serm. y.
de vno
Mart.

Lib. 11.
cap. xlii

finis

luerf.
rph. Iud.

finis tabella est, in quâ corpus requiescit. Fateor verba huc ire, nec temerè contenderim de alienâ mente. Tamen Iustinus martyr, è quo sumpta hæc videntur, sic de isto fine: *Kai τὸ ἐν τῷ μέσῳ τῆς σταυροῦ ξύλον ὡς κέραν ἐν αὐτῷ ἔχον ἐστὶν, ἐφ' ᾧ ἐποχέοντο οἱ σαυρέμωτοι*: Et illud in medio defixum lignum, ut cornu ipsum etiam eminet, in quo feruntur & quasi inuehuntur, qui crucifiguntur. Cornu id appellat, & notare vult: quomodo aptè in planâ hac tabellâ? Videndum ne vterque ille scriptor aliud intellegat à iam dicto sensu. Diuidunt crucem in quinque

*Vide sup.
Lib. I. cap.
IX.*

b. III.
uerf.
arc. cap.



noti sunt & incurrunt: quintum, quem in mediâ cruce collocant, vbi lignum transversum scindit transitq; stipitem defixum. Hac consideratione, quinque sunt fines: & vnus ille stipes (sed sectus) facit ternos. Quod autem aiunt *inuehi & requiescere*: verum est. corpus acclinatur ei & quasi innititur à tergo. Augustinus hoc sensu scripsit, *Longitudinem crucis à*

*Vide supra
lib. I. cap. X.*

terrá surgentem, cui corpus erat infixum. An totum corpus? imò pedes tantum quod liquet: sed adfixum innixumque intellegit, nec scio an *innixum* scripsit. Tamen in pieturis sculpturisq; etiam

CAP. XI.

De Titulo, quid is Latinis? quomodo ascriptus, aut praelatus.

Titulus
quid Latini?

POST Astrictiōem *Inscriptio*. Quid ea est? Causa supplicij, & ipsum crimen, & Romanâ voce *Titulus*: quâ & Iohannes est vsus. Atque item Nonnus:

Γράμμα, τόπερ καλέσει Λατίνῳ Τίτλον ἰσῆ.

In cap.

Matthæus *Αἰτία* benè & signanter dixit Glossæ Græcanicæ veteres: *Αἰτία*, *caussa*, *materia*, *titulus* Exdem Latine, *Titulus*, ἑλέγχον. Latini etiam passim pro causâ. Vt poëta:

Et poteris titulum mortis habere meæ?

Damnatis
ante ferri
solitus:

Valerius: *Fine vitæ nostræ variis & occultis causis exposito, interdum quædam immerentia supremi fati titulum occupant.* Atque hic Titulus præferri aut apponi solet damnatis. Præferri, vt in Suetonij Caligulâ: *Præcedente titulo qui causam pænæ indicaret, per cætus epulantium circumducitur.* Epistola Lugdunensium, de Attalo Martyre: *Παραχρῆς ἐν τῷ ἄμφιθεάτρῳ, πῖνακος αὐτὸν περιέχοντι, ἐν ᾧ ἐγγράφητο ῥωμαῖς, Οὗτο ἐστὶν Ἀττάλος ὁ χριστιανός: Circumactus per amphitheatrum, tabellâ ipsum præeunte, in quâ Latine scriptum, Hic est Attalus Christianus.* Sed & appen-

Lib. ix
cap. xi

Cap. xx
viii.

Apud
feb. lib.
cap. i.

vel iis ap-
poni.

di, aut apponi damnatis solet. Suetonius Domitiano: *Patrem familiâs detractum è spectaculis in arenam canibus obiecit cum hoc titulo, Impiè locutus parmularius.* Quintilianus ostendit Gladiatorum quoque sic productos: *Quidam vt patrem sepeliret, auctorauit se. Die muneris productus sub titulo causæ, rudem populo postulante accepit.* Sed facit propriè ad Crucem Dionis locus, de seruo, quem dominus agi in crucem, idque per forum iussit: *Ἐν γαρματῶν τῷ αἰτίᾳ τῆς θανάσεως δηλούντων: Cum litteris (siue Titulo) quæ causam mortis aperirent.* Sæpe etiam neglecto aut spreto titulo contenti Superdictione fuerunt, id est vt Præconis præeuntis voce populo id nuntiaretur: de quo more alij, & ego aliâs.

Cap. x.

Declam
cccii.

Lib. li.

Loco eius,
sæpe vox
præconis.

CAP. XII.

Post fixationem, quomodo mortui in cruce? languore, aut fame. Vitalitas quorundam.

BENE iam & fideliter fiximus: quid post fixationem? *Mors varia in Cruce, sed ferè lenta.* hæc tria, *Mors, Corruptio, Custodia.* Mors, lenta, molesta, & vel à stillante paulatim sanguine, vel à fame. Quid si etiam ab auium ferarumque laniatu? videbimus, & singulatim diducemus. De sanguine quem demittebant fixi, clarum est, nec testimonij eget: & tum eâ causâ, tum ex acri verberatione quæ præiuerat, credo inuvalidiores multos obiiisse. At de fame, Eusebius ubi Martyres narrat crucifixos in Ægypto: *Ἐπορεύθητε τὴν ζῶντες, εἰς ὅτε καὶ ἐκ τῶν αὐτῶν κινεῶν λιμὸς διεφθάρειν: & seruati sunt viui, donec in ipsis patibulis fame morerentur.* Itaque legas quosdam diu in crucibus vixisse, vt ingentium scilicet robur erat, aut vires. Beatus Andreas *in cruce suspensus, in eâ populum docens, (ô athletam Deo dignum!) biduo superuixit.* Victorinus sub Neruâ, *iussus suspendi capite deorsum, ita per triduum vixit.* Quod sanè miror in schemate illo minime apto ad longam vitam. Magis etiam istud: quòd *Timotheus & Maura in Cruce nouem diebus viui pendentes, ac se ipsos in fide corroborantes, martyrium consumpserunt.* Vnde hæc vis aut vitalitas, nisi à vitæ ipso fonte? Quâquam & alij quidâ animosè egisse in extremis istis rebus legantur. velut Bomilcar ille apud Iustinum: *qui patibulo suffixus in foro medio, magno animo crudelitatem ciuium tulit: adeò vt de summâ Cruce, veluti de tribunali, in Pœnorum scelera concionaretur.* Quidam etiam petulanter: vt proteruuli apud Senecam, *qui ex patibulo spectatores suos conspuunt.* Atque etiam adnotavi, quosdam miseratione Principis, aut Magistratuum è Cruce ablatos, post vixisse. Iosephus in vitâ suâ recitat: *Redibam, inquit, è vico quodam, & vidi multos ex hostibus (Iudæis) crucifixos: & tres ex iis adagnoscens, cum quibus antè mihi consuetudo, valdè in animo dolui, & cum lacrimis progressus, dixi Tito. Ille autem statim depositos eos mandat diligentissimè curari, atque ex iis duo inter ipsam curam obierunt, tertius superuixit.*

CAP. XIII.

Quosdam à volucris, aut feris etiam vivos laceratos, & plerofque omnes mortuos. interdum & lanceis interfectos.

*Ab aui-
bus laniati.*

** canibus
laniena
Atque aui-
bus cunctis.*

AT de laniatu etiam addidi, & causam illam quoque feci mortis: Haud temerè. quia sic ligati, & cùm se non commouerent, dati reuera *ἐλώεῖα, vt cum poëtâ dicam, *κυνέας ἢ οἰωνοῖσι τε πάντα*. Atque id etiam viui. Prudentius:

— *Crux illum tollat in auras,*

Viuentesque oculos offerat alitibus.

*Horatio
lux,*

Horatius aspexit:

Non hominem occidi. non pasces in cruce coruos.

quia ficiarij scilicet & homicidæ dari solent in crucem. Item

Iuuenali,

Iuuenalis:

Vultur iumento, & canibus, crucibusque relictis

Ad factus properat, partemque cadaueris affert.

Quin reperio in sententiâ iudiciali quoque id aliquando expressum. Actis Martyrum: *Claudius, Asterius, Neon, cruci affigantur, & corpora eorum auius laceranda relinquantur*. Itaque

Apuleio.

Apuleius proprium hunc refert *Patibuli cruciatum, cùm canes*

& vultures intima protrahunt viscera. Addit autem & *Canes*:

& discas licet cruces non semper fuisse per-altas. Quomodo enim, si canes attingerent, atque etiam lupi? Nam & hos

*Opinio de
Catulliano
Epigram-
matio.*

Catullus addit in Epigrammatio, quod mihi quidem non nisi circumlocutio videtur cruciarię huius mortis.

Si Comini arbitrio populi, tua cana senectus

Spurcata impuris moribus, intereat:

Non equidem dubito, quin primum inimica bonorum

Lingua exsecta auido sit data Vulturio:

Effossos oculos voret atro gutture coruus,

Intestina canes, cetera membra lupi.

*Lanceis
transfixi
quidam.*

Istæ mortes. nisi quod interdum lanceis etiam transuerberatos lego, an ad accelerandum fatum, an explorandum? Illud fuit in Marcelliano & Marco: *quibus ad stipitem ligatis in pedibus eorum affixi sunt clauis; cumque transisset vnus dies & nox, insit ambos (Fabianus iudex) lanceis per latera verberari.*

At istud

*Περὶ τῆς
Hym. x.*

*Lib. i.
epist. xv.*

*Lib. vi.
De Afina
in fine.*

*Martyr.
xviii.
Iunij.*

At istud in nostro Domino; cui miles iam mortuo lanceâ
latus aperuit, scilicet periculum an bonâ fide obiisset.

CAP. XIV.

*Crurifragium à Cruce remotum. Quid fuerit, in quos receptum,
& quomodo?*

NON autem & crura iis fracta, inquires, atque ita inter-
empti? Vulgò inualuit hæc opinio, sed vulgò. Qui <sup>Crura non
iis fracta.</sup> penetrant & examinant, vident disparata hæc supplicia &
seorsim fuisse. Induxit vulgum, quòd in sacrâ historiâ latro-
nibus duobus crura fracta leguntur. Atque sciant pro mori-
bus Iudæorum id fuisse: atque illic fortasse tantum. Lactan-
tius monuit: *Suffixus itaque Christus cum spiritum deposuisset,* <sup>Nisi forte
in Iudæa.</sup> *neccesarium carnifices non putauerunt ossa eius suffringere, sicut eo-
rum mos ferebat.* Ait cautè eorum mos: nempe Iudæorum. Et ^{Cur ibi?}
cur hoc Iudæi? ne fraus legi fieret, quæ iusserat ad Solem oc-
casum suspendiosos deponi. At deponi nisi mortui non de-
bebant: diutius autem plerique viuebant: ergo hac aut aliâ
viâ mors festinanda. Aliâ etiam dico viâ: nec crediderim
fuisse hanc solam. Lex quam tango, est in Deuteronomio, &
vertit sic doctor Afer: *Si autem fuerit in aliquo delicto, ita vt iu-
diciu mortis sit, & morietur, & suspendetis eum in ligno, sed &
sepulturâ sepelietis eum ipsâ die.* Ergo crurifragium propriè ni-
hil ad Crucem: tamen quia se ingerit, & vile, atque item sæ-
uuu est iuxta crucem, breuiter de eo dicam. Vox ipsa proba
& vetus. Glossæ priscæ: *Crurifragium, πειρονομία.* atque alibi
Crurifrangium rectè etiam scribunt. Nam *Tago & Tango, &
Frago & Frango*, dixerunt: sed prior scilicet scriptio magis
pro archaismo. Diuisit elegantie gratiâ Apuleius: *Vxor di-
ras in eum deuotiones deprecata, & crurum eius fragium abomi-
nata.* vbi *adominata* pro vero magis & pro sensu. Ipsa res an-
tiqua, & iam Plauti, & antè æuo, passim Crurifragium mi-
nati seruis. In eius Afinariâ: <sup>Olim in
usu.</sup>

*De Cruri-
fragio.*

*Olim in
usu.*

*Cruxa hercle offringentur,
Age impudicè, nisi istum percies.*

Et credam, vt crucem ipsam, peculiare fuisse seruis. Se- <sup>Ferè in
seruos.</sup>

neca: *Magnam rem sine dubio fecerimus, si servulum infelicem in ergastulum miserimus. Quid properamus verberare statim, crura protinus frangere?* Suetonius Augusto: *Thallo à manu, quod pro epistola prodita denarios quingenos accepisset, crura effregit.* Idem in Tiberio: *Vtrique mox (ministro cuipiam, & tibicini) quod mutuo flagitium exprobrassent, crura fregisse.* Ergo in servis: sed ita, vt liberi non immunes. siue in crimine, siue potius per scuitiam vindicantis. Ita M. Mario Gratidiano Cornelius Sulla *perfringi crura, erui oculos, amputari manus iussit.* Et Spendiani rebelles in Africâ, cum Pœnorum optimates cepissent, *Κολοβάσαντες, καὶ συνήσαντες τὰ σέλη, ἐπὶ ζώντας ἑρπίσαν εἰς πᾶς τὰς πρὸς: admutilantes, & crura conterentes, adhuc vivos proiecerunt in foueam aliquam.* Et in Martyres nostros plurariam sic scuitum. Eusebius de his quæ in Arabiâ aut Cappadociâ: *ἤδη Μαρτύρων τὸ πέλους ἀναιρημένων, τὸ δὲ τὰ σέλη καταγυμένων: Martyribus aliis securibus interfectis, aliis Crurifragio punitis.* Martyrologium memorat Hadrianum Nicomedie, cum aliis vigintitribus, omnes sub Diocletiano martyrium crurifragio consummasse. Idem de pluribus, atque innominatis: *Commemoratio SS. Martyrum, qui in persecutione Maximini fractis cruribus necati sunt.* Et sæpius. Modus huius supplicij, vt incus cum malleo, vel vecte ferreo inferretur, ac tibiae incudi imponerent, validis ictibus sic frangendas. Colliges ex Actis Martyrum priscis, quæ Surius vulgavit. Sublatum hoc supplicium à Constantino Victor asseuerat, de quo in * loco.

Interdum
& liberos.

Martyres
sic occisi.

Ratio fran-
gendi crura.

Sen. de
iii. cap.
xviii.

Polyb. i.

Lib. vi
cap. xii.

iv. Mar

xxi. i.
Maij.

Tom. v.
viii. Sep.

* Lib. i.
cap. xiv.

C A P. XV.

Corrumpi in cruce passi sunt, & nefas sepelire.

CORRUPTIO iam post Mortem. Quam sic intellego, quod nec mortuos deponerent, sed tabo illic passi sunt diffuere, & à Sole ac pluuiâ corrumpi. Valerius impresè hoc narrat de Polycrate, qui ab Oræte cruci affixus: *E quâ, inquit, putres eius artus, & tabido cruore manantia membra, atque illam leuam, cui Neptunus annulum manu piscatoris restituerat, situ marcidam, Samos latis oculis aspexit.* De quo ipso

Corrupti in
Crucibus.

Lib. vi.
cap. ix.

Afer

ertull. de Afer noster, vt solet, succinctè: *Polycrati Samio filia Crucem*
imā. *prospicit de Solis vngvine & lauacro Iouis.* Tangit historiam, &
b. i. r. somnium quod in Herodoto, & tu ab eo pete. Sed hæc mens *Tertullia-*
 somnij, sublimem in cruce madidandum à Ioue cum plue- *nus expli-*
 ret, à Sole vngendum cum is calidus è nudo corpore saniem *catus,*
 eliceret adipemque. Hanc in cruce putrefactionem intelle-
 xit Theodorus Cyrenæus, cum Tyranno minanti eam re-
 spondit: *Sua nihil interesse, humi, an sublimi putresceret.* Neque
oud Cic. aliam Artemidorus, cum malum diuitibus ominatur à som- *Et Arte-*
Valer. niatâ cruce: *τὰς γὰρ σάρκας ὑπολλύουσιν οἱ σωεσθέντες:* *midorus.*
b. ii. *Carne enim*
p. lviir. *amittunt qui in cruce fixi.* Ita inquam, amittunt: siue tem-
 pore & defluxu: siue & lanienâ volucrum ferarumque, de
 quâ dixi.

CAP. XVI.

Custodia & miles ad Crucem, ne quis detraheret.

ontra **I**TAQUE hoc fine asseruati in Cruce, & deponi rarum om-
acc. nino fuit. Nisi quod Philo tamen notat, *receptum mori-*
b. i. r. *buisse in Natali Imperatoris, aut simili die festo quosdam è cru-*
p. lviir. *cibus deponi, & permitti ad sepulturam:* at Flaccum contrâ, nouos
 etiam tum ius affixisse. Ne quis autem deponeret, miles & cu- *Custodes*
Satyr. stodia asêdit. Petronius: *Miles cruce asseruabat, ne quis corpo-*
ra ad sepulturam detraheret. Plutarchus in Cleomene: *Ολίγαις*
δὲ ὕστερον ἡμέραις οἱ τὸ σῶμα τῷ κλειμένει ἀνεστειρωμένον φυλάττοντες, εἶδον
ὁμοζήτην δεξιαντα τῇ κεφαλῇ δεξιὰ πλάγαν, καὶ ὑποκρύπτουσα τὸ δεξι-
ωπον, ὥστε μηδὲν ἔρειον ἐφίπτασθαι σαρκὸς φάγον: *Paucis post diebus, ij qui*
Cleomenis cruci affixum corpus custodiebant, viderunt magnum
serpentem capiti eius circumplexum, & faciem velantem tegentem-
que, ne qua carniuora auis attingeret. Vbi vtrumque habes, &
 custodiri solitos mortuos; & aues faciem in primis inuolasse.
arth. Possis ad hanc custodiam illud Euangelistæ referre: *ἔχετε κ-*
vii. *εῖς τὴν αἰῶνα, ἀπ' αὔγε:* *Habetis custodiam, abite.* Quæ Pilati vox fuit
 ad Iudæos petentes asseruari monumentum. Videtur autem *Ambiguus*
 intelligere custodiam, quæ paullò antè ad crucem. nisi quis *intellectus*
 malit, *Habete custodiam;* quasi ab imperante, & indignanter *in Euan-*
 dante. Vox enim Græca in vtriuvis valet. *gelistâ.*

IVSTI LIPSI DE CRUCE LIBER III.

CAP. I.

*Transitio ad Rarum figendi Modum. Furca diuisa, & hîc de
Ignominiosa dictum.*

*Quadrarius
modus?
Is diuisus.*



*Furca du-
plex.*

*Iterum
duplex.
Ignominio-
sa.*

AVNDE, quæ ad *Vulgarem* crucifigendi modum, diximus: *Rarus* superest, quem ipsum pari curâ inus expunctum. Eum suprâ descripsimus (& vox præfert) *sepositum*, & *minus in assiduo vsu*. *Sepositum æuo*, *Inusitatum vel Schemate vel Fine*. De his tribus ordine & partitè dicam (iuuat in his talibus) & in lucem fortasse protraham, quæ vsque adhuc parum claro oculo conspecta. *Æuo seposita Furca* est: olim quidem in creberrimo vsu, sed quæ paulatim desuit atque aboleuit. Mentio crebra non in historiis solùm, sed Comœdiis priscis: mentio tamen magis, quàm explicatio. ego hîc faciam, & pro copiâ ingenij dabo in splendorem. Ut possim, duplicem illam facio, *Veterem & Nouam*. Priorem, quæ priscis Romanis (non enim apud alias gentes legi) vsitata: atque hanc iterum duplicem. *Ignominiosam & Pœnalem*. Illa est, quâ collo *impositâ serui circumduci solent ob culpam aliquam, ostentui & ad irrisum*. Isidorus: *Furcifer dicebatur olim, qui ob leue delictum co-* Lib. x.
Orig.
gebatur à dominis, ignominia magis quàm supplicij causâ, furcam circa urbem ferre, prædicans peccatum suum, & monens ceteros ne quid simile peccarent. Plutarchus in *Coriolano*, *Humanè habitos seruos à priscis dominis notat.* & addit: ἦν δὲ μεγάλη κόλασις οἱ κέτε πλῆμμελίσσαντος, εἰ ἔρλον ἀμάρτης ᾧ τὸν ῥύμον ὑπερείδων ἀράμην, διεξέλθοι ὡς δὲ ῥεῖνίαση. ὁ γὰρ τὸ το παθὼν καὶ ὀφθεὶς, ἐκείν πίνει εἶχον, ἐκαλειτο δὲ Φυρκίφερ: *Erat autem magna castigatio serui delinquentis, si*
lignum

lignum currus; quo temonem sustentant, tollens & ferens exiret circa viciniam. Id enim passus, & sic conspectus, non ultra fidem habebat, & vocabatur Furcifer. Talia idem in Quæstionibus Romanis. Et Glossæ veteres: Furcifer, ταιροπόμιος, δικαιοφόρος. οἱ παύοντες ἀντὶ πινώλειας δίνεον ἐν τοῖς ῥαχίλοις ἔχοντες ἀεικνύμιζον, & τὸ πολέως ἀειγόμενοι: qui patibulum fert, qui furcam. Qui peccaverant, pro pœnâ furcam in collo habentes circuibant, per urbem undique ducti. Atque hæc illa prima est, ab ipsâ re & fine Ignominiosa à me dicta: quæ origo aut exemplar tamen Pœnalis.

CAP. I I.

De Furcâ Pœnali, & casus sub eâ ad mortem.

EA est, quâ item collo impositâ circumducti, sed cum verberibus & pœna caussâ. Atque adeò mors plerumque huic consequa: siue sub ipsâ Furcâ ad necem cæsis, siue cum eâ ^{Sub furcâ cadi.} in crucem latis. Seorsum utrumque explicabo, & firmabo. Sub eâ ad mortem cæsi: ex Suetonio, qui pœnam more maiorum ^{Ad mortē.} interpretatur, nudi hominis cervicem inseri furcæ, corpus virgis ad necem cadi. Atque idem etiam Victor: *Senatus sententiâ constitutum, ut, more maiorum, collo in furcam coniecto, virgis ad necem caderetur.* Ac reperio exempla etiam in historiâ, etsi haud crebra. Liuius * incestum cum Vestale sic punitum ^{* Vide Festum in Probrum.} ostendit: *L. Cantilius scriba Pontificum, quos nunc minores Pontifices appellant, qui cum Floroniâ stuprum fecerat, à Pontifice Max. eoque virgis in Comitio cæsus, ut inter verbera exspiraret.* Dionysius in culpâ simili, & de iis qui Urbiniam stuprârât: *Ἦν δὲ ἡγεαγέμενων τῶν ἀνοσίαν φθορὰν, ὁ μὲν ἕτερος ἐαυτὸν διεχειρίσσειτο, τὸ δὲ ἕτερον οἱ Ἦν ἱερῶν ἐπίσκοποι συλλαβόντες, ἐν ἀγορᾷ μάστιγι αἰκισάμενοι, καὶ ἀπὲρ ἀνδράποδον, ἀπέκτεναν: Ex iis autem qui illicitam corruptionem patrauerant, alter seipsum interemit, alterum ij qui sacris præerant (ij sunt Pontifices) comprehendentes, in foro flagris secantes, tamquam mancipium, interemerunt.* Nam etsi neuter furcæ hîc mentionem faciat, tamen cum verberibus ad necem datos denarrent, probabile id ita ritu prisco factum: hoc magis, quod Dionysius quasi indicans addidit, καὶ ἀπὲρ ἀνδράποδον, servilem in modum. Quod autem

Non ad
mortem.

autem liberi etiam sub furcâ interdum cæsi, exemplum in Epitomâ Liuij clarum, de C. Marieno: qui *accusatus apud Lib. IV*
Tribunos quòd exercitum in Hispaniâ deseruisset, damnatusque,
sub furcâ diu virgis cæsus, & sestertio nummo variit. Nam etsi ille non ad veram mortem cæsus, tamen ad ciuilem, & libertatem ciuitatemque pariter amisit. Atque ideò dixi *plerumque* mortem consequam: cùm & in Plauto legam:

Et ob eam rem in carcerem ted esse compactum scio,

Menæd.

Et postquam es emissus, cæsum virgis sub furcâ scio.

Quæ obiiciuntur seni viuo etiam & videnti.

C A P. I I I.

Ligatos ad Furcam in crucem solere tolli, Furcam & patibulum videri eadem, aut haud longè diffita.

Cum Fur-
câ appensi.

Arnobius
obiter cor-
rectus.

SED cum Furcâ in crucem latos etiam dixi: quod rei nostræ facit, atque id tale fuit. Ligati ad Furcam, & sub eâ cæsi, per viam ducebantur; fixi deinde ad eam, tollebantur in crucem. Firmamus veterum scriptis. Arnobius: *Seruus* Lib. VI
peffimè meritum per Circi aream mediam traduxisse cæsum virgis, aduerf.
& ex more, multasse post patibuli pœnâ. Ita legimus, non pœ- Gent.
nam. Et quod ait, *ex more*, huic rei seligimus: quasi recep-
tum videlicet & tralaticium post cæsiōnem hanc, suspendi.
Nam etsi Arnobius non expressit sub Furcâ cæsum: tamen
ita fuit, & in ipsâ hac narratiunculâ alij omnes cōsensu pro-
dunt. Liuius: *Seruus quidam paterfamiliâs nondum commissus* Lib. I
spectaculo, sub Furcâ cæsum, medio egerat Circo. Cicero: *Seruus* De Di-
per Circum, cùm virgis caderetur, Furcam ferens ductus est. nat. I
Valerius: *Cùm seruus suus verberibus multatus sub Furcâ, ad* Lib. I.
supplicium egisset. Denique Lactantius, qui & Patristiciæ VII.
nomen expressit: *Antonius Maximus* (potiùs *Autronius*, ex Lib. VI
Macrobio) *diuerberatus seruus sub Furcâ, medio Circo ad sup-* cap. VI
plicium egerat. Ergo sub Furcâ ad supplicium acti: sed nun-
quid in eâ appensi? Ita. quia hæc Furca non aliud quàm Pa-
tibulum fuit. Certa auctoritas Macrobij: qui de illo ipso fa-
cto. *Autronius*, inquit, *Maximus quidam seruus suus verbe-* Lib. I.
ratus turn. c.

Furca &
patibulum
eadem.

ratus

rell. *ratum, patibuloque constrictum, per Circum egit. Quid hoc est,*
patibul. *patibulo constrictum, nisi quod alij omnes Furcam dixerunt,*
 & Liuius de Horatio, *sub Furcâ vinctum* ? Nam ita res fuit.
 Alligari brachia manusque ad hanc furcam solent : atque
 ita circumduci, mox in eâ attolli. In Plauto legis, *Dispersis* *Plantinis locis facta lux.*
manibus patibulum habere. item : *ire patibulatum per vias.* Et
 quod Nonius ex eo citat : *Patibulum ferre per urbem, deinde*
affigi cruci. Nota verba & seriem : *Ferre, deinde Affigi.* Quæ
 ipsa in Licinij historici fragmento apud eundem Nonium :
Ad patibulos (ita mutato genere, pro *patibula*) *deligantur, &*
circumferuntur, cruci defiguntur. Clarè omnia. Habes, vt in
 Macrobio, ligari constringique ad patibulum ; habes, cir-
 cumferre ; habes defigi. *Circumferre* inquam. nam quod vul-
 gò est *circumferuntur*, vereor vt rectum sit. quia non profe-
 ctò circumlari, sed ipsi pedibus suis ibant : nisi tamen cà-
 pias quasi circumductos. Sed ego malim, *circumferunt* repò-
 ni. vt sit ligatos ad patibula, ea ipsa circumtulisse. Ita Plau-
 tus : *Tu quidem hodie canem & furcam feras.* Nam ibi Furcam,
 quod patibulum aliàs, dixit. sicut & hîc : *Cum furcâ in vr-*
bem, tanquam Carbonarium. Atqui docendum etiam est, in-
 quies, in eâ appensos : Nónne res clamat ? Si enim Furca idem
 quod patibulum : quid ambigas ? Constat certè in patibulo
 suspensos. Sed firmo & testibus. Festus : *Furcilla siue Furcilla,*
quibus homines suspendebant. Cedò de quibus aliis hoc acci-
 pias ? Plinius : *Supplicia annua canes pendunt, inter ædem Iuven-*
tutis & Summani, furcâ sambuceâ, arbore fixi. Vix est vt aliter
 intelligas, quàm in furcâ ad arborem fixos. At clarissimè
 iam Firnicus : *Seuerâ animaduertentis sententiâ patibulo suffi-*
xus, in crucem crudeliter erigetur. En, primò patibulo suffigi-
 tur, deinde tollitur in crucem. Atque hinc illa phrasis, *Pa-*
tibulo crucis affigi : quia patibulum scilicet, hoc sensu, pars
 crucis. Distinguit & Tacitus : *Patibula, ignes, cruces.* & quod *Patibulum propriè à Cruce di-*
 patens hæc transuersaque pars sic dicta, Seneca indicat : *Alij*
brachia patibulo explicuerunt. sicut inferior defixusque stipes,
Crux propriè dictus.

CAP. IV.

Quæ forma Furcæ fuerit, obscurè traditum in veterum scriptis.

*Quid Furca
quaesitū?*

*Plutarchi
designatio.*

*Dubitātū
de Hesychij
loco.*

*Fortassis
emendan-
dus.*

*Dionysij
verba de
Furcā.*

SED qualis hæc suspensio, & quâ verâ germanaque facie
ip̄sa Furca; vt ingenuè dicam, hæreo, & velut inter So-
lem & Orcum erro. Video, non video; probo, improbo; &
planè quod Græci dicunt, τὴν γνάμιν τελαντεύω. Suidas Fur-
cam sic describit: Φέρκα ὡς ῥωμαίοις ξύλον διδύμον: *Furca Ro-*
manis est lignum duplex siue geminum. Plutarchus paullò magis *In Causs*
videtur aperire: διπλὴν ξύλον ὃ τὴν ἀμάξαις ὑφίσταται: *duplex lignum*
quod curribus subiiciunt. Tamen hoc ipsum satis ἁπλῶς & ἀο-
ρίτως. itaque distinctiùs alibi: ξύλον ἀμάξης ὃ τὸν ῥυμόν ἐπερείδουσι: *In Cori-
lano.*
lignum currus, quo temonem sustentant. Atque addit: ὃ δὲ ἑλλῶες
ὑποσάτην & στήριγμα, τὰς ῥωμαῖοι Φέρκαν ὀνομάζουσι: *quod enim Græci*
Hypostaten & Sterigma (suffulcimentum & sustentaculum)
id Romani appellant Furcam. Benè & clarè pro suis Græcis:
nos an scitiores? In Hesychio hoc saltem reperio: στήριγμα
(idem quod σπρίγμα) dici à quibusdam, τὸ διπλοῦν ὅπερ ὑποτίθεται
τῷ τὴν ἀμάξης ζυγῷ: *illud biceps aut furcatum, quod subiiciunt cur-*
rus iugo. Iuuat, an moratur? istud potius, quoniam ζυγὸν scri-
bit siue *Iugum*, quod Plutarchus *Temonem* & ῥυμόν. Vtri acce-
dimus? Plutarcho magis, nec video quid Iugo fulciendo
subieceris, quod dependet & fertur collo boum. Ergo, me
quidem arbitro, Hesychius, in vicinis oculis, sic corrigatur.
Atque ex istis rem factam habeamus, si nota veterum cur-
ruum membra. Opinamur tamen similia nostris fuisse, &
Dionysium etiam audiamus. In eo, vbi pœnam describit
serui illius Autronij Maximi (de quo pluscula supra) hæc le-
*Lib. vi
Antiq.*
go: Ἄνὴρ ῥωμαῖος ἐκ ἀφανῆς δεράποντα ἰδίον ἐπὶ τιμωρίᾳ θανάτου ὡς
δὲ τοῖς ὁμοτέλοισι ἄγαν, ἵνα δὴ περὶ ἀφανῆς ἢ τιμωρία τὴν ἀνθρώπου γένῃ, δι'
ἀγορᾶς αὐτὸν μασιγούμενον ἐκέλευσεν ἔλκειν, καὶ εἴ τις ἄλλος ὡς τὸ πρότερον
τόπος ἐπὶ ἀφανῆς. οἱ δὲ ἄγοντες τὴν δεράποντα ἐπὶ τῷ τιμωρίαν, τὰς χεῖρας
ὑποτίναντες ἀμφοτέρω, καὶ ξύλῳ περσόδησαντες περὶ τὰ σέρνα τέ καὶ τοῖς
ἄμοις, καὶ μέχρι τὴν καρπῶν διήκοντι, παρηκολούθουσαντες ἑαμέντες μάλιστα γυμνὸν
ἔντα: *Vir Romanus haud ignobilis, seruum suum ad mortis suppli-*
cium tradens conseruis alius ducendū, vt conspicua & illustris pœna
homi-

hominis eius fieret, per forum verberibus affectum trahere ipsos iussit, & si quis alius in urbe locus celebris. Qui autem ducebant eum ad pœnam, manus eius ambas extendentes, & ad lignum alligantes, quod circa pectus & humeros ad manuum volam pertingeret, sequebantur flagris cadentes sic nudum. Iam Plautus imagine etiam videtur voluisse expressam:

Plauti comparatio.

— ego remittam ad te virum
Cum furcâ in urbem, tamquam carbonarium.

CAP. V.

Ex iis tres sententia eruta, & singula explicata. Tertiâ m-
suavitate videri.

HÆC sunt quæ apud veteres quidem legerim rei huic illustrandæ. Nos ex iis sententias, an somnia nostra proponemus: impetrabili tamen veniâ, sicubi in antiquitatis illis tenebris subsistemus, aut labemur. Sententias, dixi. nam tria sunt quæ ex descriptiunculis elicio iam dictis. Primum, Furcam potuisse esse facie quâ nostrum hodie Patibulum: atque idipsum reliquias & exemplar esse à pœnâ priscâ. Ait Plutarchus, *curru aut temoni subiectum fuisse*. quid olim, nescio: tale aliquid in nostris curribus supra ipsum axem. Ait Dionysius, *per humeros, per pectus iisse*: hoc in isto, si collo imponas. Obstat tamen huic, quod disertè aiunt *ξύλον διπλοῦν, διμεγῶν, διδύμων*. lignum duplex, biceps, geminum. Nam certè hoc triplex lignum est: etsi ista quoque forma Furca olim dicta. Sententia altera, Lignum fuisse geminum, quod à tergo per humeros, & ante per pectus, hominem medium includeret, atque ita rectum ad expansas utrasque manus iret. Forma, quam Dionysius ingerere videtur & suadere. Quid tamen hîc simile Furcæ? quomodo in utroque isto ligno homo suspensus? Nam antè illud incômodauerit, iunò ad guttur stingularit. Sed nec in curribus quid simile, scio. Sententia tertia. Furcam, veram esse furcam: quam hodieque dicimus, & quam Varro indicat, ubi Vallum *ἐν τῷ ῥοστί*: quod singula ibi extrema

Opiniones
tres de
Furcâ.

Prima.

Secunda.

Tertia:
atque ea
firmata.

bacilla furcillata figuram habeant litteræ v. Pro hac sententiâ multa sunt. Primum quod *Furca* δ' ἰσπανός, in bonis priscisque Glossis. item *Furcifer*, δ' ἀγροφόρος. Atqui δ' ἰσπανός Hesychius describit τὰς ἀπὸ μιᾶς ἀρχῆς ἐπὶ δύο ἐκινδύνας, οἷον δύο τέλη ἔχουσας: *eas quæ ab vno initio & capite in duo desinunt, tamquam duos fines habentes.* Est planè figura Varroniana, & litteræ iam dictæ. Quid, quod in curribus hodie, quâ Temo cum axe coit, Furca est sustentando illi aut fulciendo? Quâ mente in Sidonio, de Baccho:

*Vite capistratas cogebat ad effeda tigris,
Intrabat duplicem quâ temo racemifer arcum.*

Denique cum descriptione Dionysij mihi conuenire videtur examussim. Da Furcam istam paulatim diuaricantem; ab humeris per pectus, & inde manus veniat; est illud ipsum lignum quod descripsit. Iam Plauti Carbonarium, quò nisi huc referas? Ecce qui lignarios falces aut carbonum saccellos hodieque ferunt, furcam iungunt. cuius caput cum exstantiâ aliquâ bacillorum à tergo est; longiores duo fines diuersi per pectus descendunt, & manu utrâque (quasi ad contranixum) sustentantur. Atqui, inquires, manus hîc non in alto expansæ. Fateor non in alto, expansæ tamen: & cùm funibus traherentur, ligatis ad extremas manus, etiam protendebantur tollebanturque. Quin alius locus Plauti est, qui videatur ab hac modestâ expansione, si attendis. Nam in Milite, seruus quispiam in ostio stabat, mulierculâ redituram exspectans, & nequa elaberetur. Ad eum seruus alter:

*Credo ego istoc tibi exemplo eundum esse actutum extra portam,
Dispeffis manibus, patibulum cùm habebis.*

Benè est, inquit. forma & status in te, qui mox erit; cùm herus alligatum te patibulo per urbem ducer. Atquin sterisse ego eum opinor, manibus ante se proiectis & leuiter diductis, habitu quo solent captantes & apprehensuri.

*Initio
temoia.*



CAP. VI.

Ratio suspendendi per singulas illas formas exposita, atque etiam oculis proposita.

TRES sententias super Furcæ formâ habes: tu elige: etsi nos ad ultimam vides proclinos. Quomodo autem nunc Suspendio? Pro formis distinguenda est. Si prima placet, res facilis. in trunco absciso, in paxillo infixo, imò in fissurâ supernè factâ, potuit firmiter appendi. Imaginem (oculorum enim magis res quàm verborum est) infrâ habes. Si altera, tùm sic censeo, ductos quidem cum duplici ligno ad Crucem, sed non cum utroque in eam actos. Quod ante pectus, depositum putem: manus fixas in altero, atque id ipsum in trunco, paxillo, fissurâ (vt priùs) firmatum. Imaginem vide. Nec absurda aut vero nimis extranea sententia est: cùm & Patibulum reperiarn singularem eiusmodi re-
ctumque stipitem dictum. Nonius ex Titinio citat:

*In primâ
Furcâ ap-
pensio.*

In secundâ.

*Patibulum
vnius stipis
etiam.*

H 3

si quis-

* Malim,
præter hæc,
ut post hæc,
ante hæc.

— si quisquam hodie* præter hanc
Posticum nostrum pepulerit, patibulum hoc
Ei caput defringam.

In Patil-
lum.

Et interpretatur *Seram*, quâ ostia occluduntur, quò hac remotâ
valve pateant. Credo cum ex ipso argumento fabulæ sic pro-
ferre, & quòd ianitor aliquis atque ostij custos hæc dicat.
Certè quidem *Sera* est lignum transversum quod ostiis op-
poni solet, in postem vtrunque immissum. Hodie quoque
usus. Itaque Glossæ: *Sera*, *μελλος θυελας*. Et Poëta aliquis

Furca spe-
ctis.

— excute poste *seram*. Atque ego amplius arbitror. etiam si
olim Furca aliâ facie fuerit: tamen commodi causâ, & quia
pronior faciliorque hæc appensio, successisse singulare hoc
rectumque lignum, & id tulisse in humeris, manibus inibi
reuinctis, in eoque mox figendis. At si tertia sententia se-
deat, facilis suspensio. siue in ipsâ Furcâ defixâ in terram
simpliciter; siue cum eâ in altiore arborum aut lignum
sint sublatis. Figuræ videantur.

Ouid i-
Amor.

In tertiam
appensio.



CAP. VII.

*De nouâ Furcâ, quæ nostrum Patibulum. Tribonianum substituit-
se passim in Legum libris.*

DE veteri Furcâ, sic censemus, cum lege resipiendi & re-
filiendi, si quis meliora. Mutare in his talibus non
mihi probrium. *Noua sequitur quam dixi, quia inferioris*
æui inuentû. Ea est instrumentum è ligno triplici, formâ Iugi Ve-
teris, cui appensos homines laqueo strangulamus. Hodie quoque
vsum & speciem hanc habet in plerâque Europâ. Non &
priscis cognita? non arbitramur. Pœna quidem laquei Ho-
mero expressa, qui facit impudicas ancillas ab Vlyssæ sic pu-
niri. atque idem infamem *ἡ μὴ ναύαρον δάμαρον* (ita loquitur)
& *impuram mortem ostendit: uti & Plinius, qui præposteram*
dixit. quia spiritus intercluditur, cui exitus quærebatur. Sed à
Græcis vsurpatam vix reperiâs: nec à Romanis quidem in
publico. etsi ij, in carcere, damnatis gulam * laqueo fran-
gebant. Credo cœpisse, cùm crux desuit; & vicariam illi fa-
ctam. Isidori quidem æuo nomen hoc & vsum habuit. *Pa-*
tibulum vulgò, inquit, Furca dicitur (ita nunc quoque in Hi-
spaniâ, vbi ille scripsit) *quasi ferens caput. Suspensum enim &*
strangulatum hæc exanimat. In libris legum, quas Tribonianus
atq; eius adiuvæ collegerunt, satis frequens hoc nomen: &
ut opinor, significatione nouitiâ: quia sublato Crucis sup-
plicio, quidni etiam Furca vetus? Itaque ipsos Iurisconsul-
tos vsurpasse, non habet fidem aqud * iuris & moris antiqui
peritos. qui verè notant, substitutum id pro Cruce: causâ
apertâ & liquidâ, quia Constâtinus lege latâ sustulerat Cru-
cem. Ergo ipsi quoque, qui leges collectum ibant in æui il-
lius & sequentis vsum. Exempla plura sunt, & notata aliis:
quædam etiam vbi ininspectio. ut in isto Callistrari, de
Pœnis: *Famosos latrones furcâ figendos placuit.* Ininspectè, in-
quâ, imò ineptè. Quid? ad Furcam nouam homines figun-
tur? certum est alstringi. Sed fuerat *Cruci figendos*: mouerunt
alterû, altero retento, quod non debebant. Simile in Vlpiani
de Pœnis: quod exscriptor etiam fortasse corrupit. *Decurio-*
nes in metallû dari non possunt, nec furcæ subiici. *Cruci in Vlpiano*
fuerat:

*Quid noua
Furca?*

*Laqueo an
prisci neca-
uerint.*

** Sed non
ut appen-
derent.*

*Quando id
cœperit.*

** Cuiaciû,
Fabrum,
alios.*

b. v.
rig.

xxix.

ix.

* Ut in li-
bris ali-
quoties
scriptum
vidimus,
causam
corruptelæ.

fuerat : sed quis dixerit, *Cruci subiici* ? Itaque * *subfigi*, vel *sus-
figi*, verum censeam ; & eandem ἀποθεωσίαν hîc agnoscam.

CAP. VIII.

*De Raro modo in Schemate. & primùm de Inuersâ sus-
pensione.*

*Varij figen-
di modi.*

AD F A T I M de Furcâ, quæ inter Raros figendi primus
Modus fuit. Alter, qui *Schemate* à vulgari diuersus.
Intellego, cùm alio atque alio habitu hominem affigebant. Id quo-
que factitatum, vt ingeniosa crudelitas est in pœnas. Iose-
phus, vbi narrat Iudæos iussu Titi crucifixos : Προσθήλου δὲ οἱ
σερπῶν δὲ ὄργην καὶ μίσος τὰς ἀλόντας, ἄλλον ἄλλω χήματι, πρὸς χυλῶν :
*Affigebant milites, ab irâ & odio, eos quos ceperant, alium alio sche-
mate, ad ludibrium.* Hæc schemata varia fuere ; quæ in lectio-
ne vidi, tangam. Est illud, quod *Inuersum* dixeris, cùm ho-
minem in caput suspendunt, pedibus sublatis. Seneca : *Alij
capite conuerso in terram suspendere.* Eusebius ostendit Marty-
ribus in Ægypto id factum, καὶ ἄλλοι πάλιν μὲν ἀναπολοπιθέντες,
οἱ μὲν καὶ τὸ σωέδεις τοῖς κακέρχοις, οἱ δὲ καὶ χειρόνως ἀνάπαλιν κατωκίεον
προσπλάθεντες : *Atque alij iterum crucifixi quidam more in maleficis
recepto, quidam etiam deterius, inuersâ figurâ, et in caput penden-
tes.* Quod ipsum in D. Petro, sed eo rogante, ne assimularetur
Magistro. Abdias : *Et accedens ad Crucem, rogauit vt inuer-
sis vestigijs figeretur.* Chrysostomus : Χαίρεις Πέτρε, ὃ καὶ ἐν τῇ
σταυρῇ ἀπολαύσας, καὶ καθ' ὁμοίωσιν τῇ διδασκαλῇ σταυροῦσθαι καὶ τελέσας
ἐν ὁρδίῳ χήματι, ἀλλὰ μᾶλλον ἐπὶ κεφαλὴν, ὡς εἰς ἐρετὸν τὴν πορείαν ἐπὶ
γῆς ποιεῖσθαι : *Gaudeas ὁ Petre, crucis lignum degustans, & ad in-
star Magistri crucifixi recusans in recto schemate, sed magis in ca-
put obuersus, tanquam in calum viam à terra faciens.* Et Petrum
quidem etiam clauis inibi fixum, idem Chrysostomus te-
statur : Ὁ εὐλογοῦμενοι ἦλοι, οἵτινες τὰ ἄγια ἐκεῖνα μέλη διῆλθον : *O bene-
dicti Clauis, qui sacra illa membra penetrarunt ! Sicut & Callio-
pius martyr, post tormenta, verso in terram capite Cruci affi-
xus est.* Affixus, non deuinctus. Tamen & funibus adstricti.
vt Simeon Metaphrastes de Philippo Apostolo : *Flagris cæ-
dunt & verberant, deinde cùm funibus à talis vinxissent, sub-
limem*

Lib. v. l.
cid. cap.
xxv. i. i.

Consol.
ad Mar-
cap. xx.

Lib. vii.
cap. vii.

Orat. in
Petr. &
Paul.

Martyr
vii. Ap.

xxi. *limem suspendunt præcipitem. In cruce enim aut stipite sic suspensum accipio. Nec aliter Ammianum : Dracontius & Diodotus, iniectis per crura funibus, exanimati sunt.*



CAP. IX.

De obliquâ suspensione, de varicante, & inter arbores scissione.

REPERIO & obliquos super crucem crucisque pos- *Obliqua infixio.*
 tos: vt in Plutarchi Artaxerxe : Is narrat Parysatidem
 regis matrem infensam Eunuchis cuiusdam, arte eum rede-
 gisse in suam potestatem. tum iussisse ἐκδεῖραι ζῶντα, καὶ τὸ μὲν σῶ-
 μα πλάγιον διὰ τῶν σταυρῶν ἀναπῆλαι, τὸ δὲ δέρμα χωρὶς δεπαπταλεῦ-
 σαι: cutem viuo detrahi, & corpus quidem obliquum iacensque
 tribus stipitibus siue crucibus infigi, pellem seorsim in palo poni.
 Video & inter duos palos dispensis manibus pedibusque al- *Decussata.*
 ligatos, vt in Martyrologio, de Anastasiâ : *Manibus & pe-*
dibus extensis ligata est ad palos. Video & inter arbores appen-
I
sos, &

fos, &, reductis iis, scissos. De Coronâ martyre: *Ipsa inter arbores scissa, Victor autem decollatus est.* Quod ipsum Schema ad Cruces referendum Propertio faciliè accredam, qui sic appellat:

*Arboreasque cruces Sinis, & non hospita Graiis
Saxa, & curuatas in sua fata trabes.*

Senecam etiam huc traham, si fidem libris priscis habeo, qui inter genera Crucium recenset, *distracta in diuersum actis cruribus membra.* Ita libri inquam, quos ego vidi. Est tamen vulgò *curribus*, bono & suo sensu. ad Metium enim respiciat: etsi vetus desitumque id supplicium, nec inter v̄sitata fortasse ibi referendum.

C A P. X.

De modo qui Fine diuersus. primùm de his qui in Cruce v̄stulati.

Fumonecati in cruce.

TERTIVS figendi modus Rarior, qui Fine diuertit à vulgato. Quem intellego, cùm *cruces aliò spectant, & hominem capiunt moriturum in ipsis, non per ipsas.* In exemplis discas. Tale, cùm appensi flamâ aut fumo necati. Olim factum ex Cicerone discas: qui fratrem obiurgans, *Quid opus fuit, inquit, eiusmodi litteris, quas ad ipsum misisti? Illum crucem sibi constituere, ex quâ tu eum antè detraxisses. te curaturum fumo vt comburatur, totâ plaudente prouinciâ.* Verba Quinti & minæ eò spectant, vt homo in cruce fixus v̄stuletur fumo. Alexander etiam Imp. quempiam qui fumum vendiderat, quasi cōpari poenâ affecturus, ad stipitem ligari præcepit, & fumo apposito quem ex stipulis & humidis lignis fieri iusserat, necavit, præcone dicente, *Fumo punitur qui vendidit fumum.* Atq; in Martyribus nostris hoc genus crebrum. Acta vetera de Pionio: *Confixus clavis in cruce, aggestis lignis, flamâ combustus est.* Nec aliter Polycarpus mortuus, antistes Smyrnæorum. ipsi in epistolâ: *Μελλόντων δὲ αὐτὸν καὶ παρασχεῖν, εἶπεν, Ἀφετέ με ἕτοις. ὁ γὰρ δίδος ὑπομένειν τὸ πῦρ, δώσει καὶ χάρις τῇ ὑμετέρᾳ ἐν τῷ ἥλων ἀσφαλείας αἰσχύλατος ἐπιμεῖναι τῇ πυρρῇ. Οἱ δὲ ἐκβαλέωσαν, προσέδωσαν δὲ αὐτόν: Cūm pararent eum cruci suffigere, dixit, Relinquire me sic. qui enim dedit exspectare ignem, dabit & sine vestrá clauorum firmitate, solutum manere in rogo. Illi autem non confixerunt eum, sed ligarunt.* *Quin*

Martyr.
xiv. Mai.

Lib. i. a
Q. Frat.
epist. i. i.

Lampr.
Alex.

Apud E
feb. lib. i
cap. xv.



vno etiam tempore plures,
appensi pedibus in sublime (nota
hic & Schema inuersum) ca-
pite verso deorsum, suffocati su-
mo, et lento igne consumpti sunt.

Non ergo iniuriâ Tertullia-
nus scripsit: *Licet nunc Sar-
mentitios & Semaxios appelle-
tis, quod ad stipitem dimidij axis
reuincti, sarmentorum ambitu
exurimur.* significat enim a-
deo crebrum in maiores il-
los nostros & in religione
proceres supplicium hoc fuisse;
vt in illudium conuitiumq;
venerit; & Christiani vulgò
Semaxij, à stipite cui astrin-
gebantur, & Sarmentitij, à sar-
mentis quibus vrebatur, sunt
dicti. Atque hoc est quod

*Tertullia-
nus expli-
catus.*

Axem vocat alibi incendio constrictum, id est, ad incendium
iam cum homine ligatum.

C A P. X I.

De his qui bestiis in Cruce obiecti.

CRUX & ista *Fine* alia, cum homines in eâ fixos bestiis
obiiciebant. In publicis spectaculis id sepe factum.

*Bestiis ob-
iecti in cruce.*

Epistola Lugdunensium, de Blandinâ Martyre: *Βλανδινὰ ἐν
ξύλου κρεμαδεῖσα παρέκειτο βορὰ τῆς εἰσβαλλομένης θύρας. ἡ καὶ διὰ τοῦ
βλέπεσθαι τοῦ χήματος, καὶ διὰ τὸ ἐν τῷ περὶ τοῦ θανάτου ἀποδοῦναι τοῖς
ἀγωνιζομένοις ἐρεπτοίαι: Blandina in ligno suspensa prostituta est esca
& lamina incurrentium ferarum. Quæ & quod in specie Crucis
videbatur, & ob continuam orationem, multam alacritatem ini-
ciebat certantibus. Sed factum & non Christianis. vt illi apud
Martialem Laureolo:*

Qualiter in Scythicâ religatus rupe Prometheus

Aſsiduam nimio pectore pavit anem,

Nuda Caledonio sic pectora præbuit vrsō

Non falsā pendens in cruce Laureolus.

*Martialis
explicatus.*

Nec satis capiunt, certè non reuelant, interpretes. Vult quempiam sustinuisse velut in fabulâ personam Laureoli: & cùm is pro argumento crucifigendus esset, sed in speciem



Tertullianus,

Et Suetonius.

& moris causâ: rem ex fabulâ Titus fecit, & noxium quempiam ita fixit, & fixum bestiis etiam obiecit. Dico obiecit. atque ita propriè: aliud est, dare ad bestias. Vopiscus in Aureliano: *Sanè Mnestheus postea surrectus ad stipitem, bestiis obiectus est.* Surrectus, valet rectus ligatus. Hic est stipes, quem Tertullianus appellat *Leoni concessum.* Ita lego, non *Leone*, libello De Pudicitia extremo. Atq; ad hunc ipsum morem infamis & infanda illa turpitudine Neronis: *quâ viros feminasq; ad stipitem deligatos, ipse feræ pelle contectus, emissus è caueâ, medios inuadebat.* Xiphili-

*Sueton.
cap. XLII.*

nus è Dione: *Μερίμνια καὶ κόρας σαυροῖς ὑμνῶς προσδόντες, θηρία τε τινος ἐν Νείῳ δόξαν ἀνελάμβανε, καὶ παρὰ τῶν σφισιν ἠσέλθωντες, ὡς περὶ τὸ ἐσθύν.*

CAP. XII.

De mortuorum in Cruce suspensione.

*Mortui in
Crucem
dant.*

AC postremò Crux Fine alia, cùm non viui sed mortui in eâ appensi. Notabis. & quod nobis sollenne in rotâ exponere supplicio iam affectos, ad notam sceleris & infamiam, id olim in Cruce, & Orientalibus præsertim. De Romanis nondum legi. nisi quòd Cæsar piratas, à quibus

*Sueton.
LXXIV.*

captus esset, cùm in deditionem redeisset, quoniam suffixurum se

cruci

cruci iurauerat, iugulari prius iussit, atque ita suffigi. Sed id per clementiam, & vt subtraheret diuturnæ pœnæ. Alij per sæuitiam & ad infamiam, vt dixi. Ita Carthagenenses in Han-
none. qui captus virgisque casus, effossis oculis, & manibus cru-
ribusque fractis, velut à singulis membris pœnæ exigenterentur, in
conspectu populi occiditur: corpus verberibus lacerum in cruce si-
*gitur. Idem Parysatis in Eunuchis, de quo * supra. Item Pto-*
lomæus Ægypti rex, in Cleomene. qui etsi manu suâ ani-
mosè cecidisset, tamen δεσπότης τὸ σώμα κρεμάσας κατὰ βυρσώσαν-
τας: iussit corpus crucifigi, cum cutem prius detraxissent. Vbi ob-
feruo obiter, antiquum hunc morem excoriandi in suppli-
ciis, Ægyptiis Persisque fuisse, quem & hodie Ægyptij te-
nent. nam grassatores sicariosque ita puniunt, diu viuos, do-
nec ad vmbilicum carnifex perueniat: quod narrat Iohan-
nes Leo, qui cum fide satis & iudicio res Africæ & Ægypti
scripsit. Nec cadauer solùm, sed imagines sublata in cru-
cem. exemplo in Celso: cuius corpus à canibus consumptum
est, & nouo iniuriæ genere imago in crucem sublata. Auctor Pol-
lio in x x x. tyrannis.

*Plerumque
post mul-*
licationem.

*Neglubere
olim crebrâ
Orientali-*
bis.

CAP. XIII.

*E quo ligno Crux fuerit? Item in monte plerumque defixam, ipsam
sæpe altiusculam.*

PEREGIMVS, de Formâ & Modo: duo velut succi-
 sua & extra diuisionem relicta; nunc adiungo *Mate-*
riam & Locum. E quâ materie Crux? ex obuio & prompto ali-
 quo ligno. E quâ nostri Seruatoris? censemus è quercu. Pri-
 mum quia viri fide digni asserunt, frustra sacratissimi huius
 ligni quæ hodie exstant, speciem hanc referre. Tum, quia
 crebra & frequens in Iudæâ olim & nunc quoque illa arbor.
 Tertiò, quia robustum lignum & fixationi laturæque aptum.
 Itaque Silius in eo etiam crucifigit.

Crux Chri-
sti è quercu

*Quem postquam diro suspensum * robore vidit.*

Iterum:

— Erecto suffixum robore mæstis

Ostentabat ouans populis.

** possis ta-*
men pro
quouis li-
gno cape-
re, more.
poëtarum.

* Cedrum,
Palmarum,
Cupressi,
Olivam.
Cruces ubi:

Iuxta vias.

In alto.

* Sive etiā,
vt magis
notabilis
conspiciua-
que esset.

Nam quod superioris aliquot æui scriptores tria aut * qua-
tuor genera ligni in Cruce dominicā agnoscunt, curiosè ma-
gis dictum arbitramur quàm verè. At quis *Locus* cruci? In-
certus, & pro arbitrio: tamen plerumque conspectus ali-
quis, & iuxta vias. Exempla enim exempla esse desinunt; ni-
si aliorum animum oculosque in se vertant. *Quintilianus:*
Quoties noxios crucifigimus, celeberrimæ eliguntur viæ, ubi pluri-
mi intueri, plurimi commoueri hoc metu possint. Ita Alexander
Imp. Eunuchum in crucem tolli iussit per eam viam, quā erat
seruis suis ad suburbana Imperatoria iter frequentissimum. *Quin-*
etiam opida, certa loca habuisse videntur, huic rei adtributa.
Sic Mamertini, more atq; instituto, crucem fixerunt in viā Pom-
peiā. Sic Romæ iuxta Urbem Tacitus agnoscit Locum serui-
libus pœnis sepositum: quod de Cruce & Crurifragio interpre-
tamur. Hac ipsā de causā posita ea sæpe in monte. Vt Ser-
uatoris nostri, in Caluariæ: vt Polycratis, in excelsissimo My-
calensis montis vertice. Quin ipsa sæpe alta, præsertim in no-
xio aliquo insigni. Irrisio Galbæ huc pertinuit. qui cuidam
imploranti leges & ciuem Rom. se testificantem, quasi solatio & ho-
nore aliquo pœnam leuaturus, mutari, multoque præter ceteras al-
tiorē, et dealbatam, statui crucem iussit. Altiorē, vt dignio-
ri; albatam, * vt ciui, qui in veste albā. Tale in Iustino, de
Cathalone: quem pater, cum ornatu suo, in altissimam crucem,
in conspectu urbis suffigi iussit. Et Pœni factitarunt in Regulo.
Apud Silium:

— vidi cū robore pendens

Italiam cruce sublimis spectaret ab altā.

Ipsæ cruce:
sæpe alta.

Cruz om-
nia am-
plexa.

Iam illa Amanis præalta: qui Mardochæo crucem quinquaginta cubitorum posuit, sed ipsi ascendendam. Sanè pleræque omnes altiusculæ. atque ideò communiter Tertullianus: *Ti-*
mebit forsitan caro gladium grauem, aut crucem excelsam. Quam ipsam rationem Lactantius in Dominicā assignat. Nam quoniam, inquit, is qui patibulo suspenditur, & conspicuus est omnibus, & ceteris altior: crux potius electa est, quæ significaret illum tam conspicuum tamque sublimem futurum, vt ad eum cognoscendum pariter & colendum cunctæ nationes ex omni orbe concurrerent. O inopinatam, sed veram dictionem! cui fides maximè

Declam.
CCLXXV

Cic. v. i.
Verr.
Annal.

Valer. li.
vi. cap.

Sueton.
cap. ix.

Lib. xv.

In Est.
cap. vi.
vi i.

Ad Ma.
cap. iv.

Lib. xv.
cap. xxv.

maximè nostro ævo facta : cùm, virtute & gloriâ magnâ Hispanicæ gentis , Nouus etiam orbis venit in Christianas leges.

CAP. XIV.

Cruce sublata, atque etiam Crurifragium fortasse. Quando id factum, quæsitum.

NUNC pedem in vltimo velut spatium pono, quod est Quatenus Crux usurpata. Postquam enim Vitam ipsam interfecit, non diu illi vita : & sustulit ex humanis, aut certè Romanis rebus, Constantinus. Serio iam ille Christianus, noluit salutare signum subseruire ad perniciem ; & colendum illud atque eximium , pœnis vilescere damnatorum. Ergo sustulit. Victor : *Vetus veterrimumque supplicium patibulorum, & cruribus suffringendis, primus remouit.* Cassiodorus : *Supplicium Crucis, quod primitus apud Romanos erat in usu, lege prohibuit.* Atque efficaciter etiam sustulit : nec postea reperiēs reductam. Augustinus : *Antea homines cruci figebantur, quod postea edicto prohibitum, manet.* Scholiastes Iuuenalis ad illud — *Partemq; cadaueris adfert,* notat : *Hominum nam antiqui crucibus figebant.* Non ergo eius ævo. atq; ex eo discas non nimis antiquum ipsum, etsi antiqua doctum. Quando autem sustulit? serò, nec nisi sub imperij extrema. Colligo, quia illo iam imperante mentio etiam crucium: quid, quòd apud ipsum? Lex in eius nomine exstat Theodosij Codice : quâ serui ac liberti, qui dominos aut patronos accusare aut deferre tentauerint, denegatâ audientiâ, patibulo adfiguntur. Iam Iulius Firmicus, qui eius regno scripsit, non semel Crucis meminit vt recepti supplicij atque vsitati. Suprà exempla reperiēs, atque adde istud de latronibus : *Hi, inquit, in crucem tollentur, aut publicâ animaduersione damnati crudelissimâ nece peribunt.* Atquin illa ipsa Firmicus scripsit, sub finem eius imperij, & liberis iam adultis. Discēs ex fine libri primi. Ergo serò, vt dixi, & sub vitæ finem. Indicat clarè Sozomenus, qui inter omnes ab eo leges hanc recenset postremam. *Ἀμύλητοι ὡς ἔτι ἐσσι, inquit, νομοθετήσαντες Ῥωμαίοις τὴν τῆς σταυροῦ τιμωρίαν*

Constantinus crucem è supplicio tulit.

Tempus inuestigatum.

Appensa
verba So-
zomeni.

An Cruri-
fragium
una subla-
tum.

μωείαν τόμω ἀνείλε τ' ἡρώσεως τ' δ' ἰμασνείων : Denique prius *usitatum* Romanis crucis pœnam, lege sustulit ex usu tribunalium ac iudicorum. Ait, *ἰμασνείων* : an hoc indicans, quòd nondum sublata ex usu omni priuato ? & quòd dominis etiam in seruos vetus suum ius ? cogitandum sit. Sicut & illud, satísne Victor ex vero de Crurifragio pariter sublato scripserit, verbis quæ iamantè dedi. Ratio vix esse videtur. Quid enim Cruci aut Christo etiam cum Crurifragio ? nisi quia latrones fortasse iuxta Christum. Ridiculum videatur. & si fuit, illud magis sit, quòd martyres multi eo tætro supplicio sint interfecti. Sed profectò sub Constantio eius filio viuum id reperiò. *Apollinares ambo*, ait Ammianus, *pater & filius, vt mandatum est, fractis cruribus occiduntur*. Firmicus etiam agnoscit : *Hi tales aut in crucem tolluntur, aut illis crura publicâ iudicum aduersione franguntur*. Vbi notabis, palàm, vt diuersum, à cruce seiungi : quod suprà monui.

Lib. xiv.

Lib. vii.
cap. vi.

C A P. XV.

Honores quos Constantinus Cruci habitum iuit. Signis ea & vexillis imposita, aut inserta.

Honores pri-
mi Cruci.

HI c exitus Pœnalis Crucis fuit : & iam à Constantini primordiis Salutaris nostra cœpta honorari. Causa & origo à victoriâ contra Tyrannum. Nam cum Maxentium aggressurus esset, *ἀγωνιῶντι διὰ τοῦτο, τύπος αὐτοῦ σωεῖς με-
σίσης ἡμέρας δι' ἀστέρων ἐφάνη κατ' ἕραν, καὶ γραφὴ περὶ τ' σωεῖν Ῥωμαί-
κοις τοιαύτης, Ἐν τέτρω νίκα. Ἐκ χειρὸς τοῦ αὐτοῦ χάρις αὐτοῦ σωεῖν καὶ
τ' φανέντα τύπον αὐτοῦ, καὶ τῶν κελύουσας σεσηπῆς αὐτοῦ ποροποιεῖας, τοῖς
τ' Μαξεντίου οὐρήνῃ* & ὑπερτερῇ : *ambigenti & animo anxio ob ista, figura ei crucis media die, stellis efficta, apparuit in calo, & scriptura circa eam Romanis litteris, In hoc vince*. Igitur ex auro statim subitario opere efformans crucem, iuxta speciem quæ apparuisset, & hanc iubens prægredi exercitum, cum Maxentianis prælium commisit, & superauit. Itaque statim victrix illud signum militaribus signis inseruit, & maximè Labaro quod inter ea primum. Prudentius ad ipsam Romam :

In signis
militaribus

Zonar.
Constan-
tino.

Contra
Symm.

Agnoscas

*Agnoscas Regina lubens mea signa necesse est,
In quibus effigies crucis aut gemmata refulget,
Aut longis solido ex auro præfertur in hastis.*

Dupliciter Poëta notat Crucem insitam signis, semel in vexillorum purpurâ, gemmis intextam & expressam: iterum in hastarum vertice superstantem, solido auro formatam. Sed, ut dixi, in Labaro maximè ea conspicua. de quo Prudentius:

*Christus purpureum gemmanti textus in auro
Signabat labarum.*

Quomodo Christus? quia & nomen eius in ipso velo ex- ^{Duplex} pressum, & crux nihilominus in hastâ. Eusebius diffusè: ^{nota in} ^{Labaro.}

Ἰψὺν δὲ ὄρου χρυσοῦ κατημφεσπιδόν, κέρας εἶχεν ἐγκάρσιον, σαυρὲς ἡμίαι πεποιημένον. ἀνω δὲ πρὸς ἀκρῶ τῆ παντὸς, σέφανος ἐκ λίθων πολυτελῶν καὶ χρυσοῦ συμπεπλεγμένους κατεσκήλειτο. καθ' ἃ τὸ σωτηρίας ἐπιτορίας τὸ σύμβολον δύο σοιχεῖα, τὸ Χρυσοῦ τοῦ Θεοῦ δηλουῦντα ὄνομα, διὰ τῶν πρώτων ὑπεσήμενοι χαρκατήσαν, χαζόμενα τὸ P καὶ τὸ μεσαιτάτον: Sublimis hasta auro circumvestita, cornu transversum habebat effictum in formâ crucis. Suprà verò, in ipso culmine omnium, corona è lapidibus pretiosis & auro contexta infigebatur: iuxta quam salutaris appellationis symbolum, duæ litteræ Christi nomen exprimentes, per primos dumtaxat characteres, litterâ Græcanicâ P scilicet decussatâ & scissâ per medium ipso X. Neque cruces modò signis inferi voluit; sed hoc amplius, solas: καὶ τὸ χρυσοῦν ἀγαλματιον, ὅποια πρὸς τὸν αὐτοῦ ἐξ ἑδρῆς ἦν, τὸ μνηδέν: & aurearum imaginum cuiusmodi antea solebant, nullas. Intellegit aureas imagines vultusque Imperatorum. Forma ecce in Nummis.



CAP. XVI.

Crux in Militum armis : in Imperatorum capite & manibus; & pro insigni.

NEC verò in Signis solum Crux expressa, sed etiam ipsorum militum armis. Eusebius: Ἡ δὲ ἐν τῷ αὐτῷ τῷ ὀπλῶν τὸ τῷ σωτηρίας τροπαίᾳ σύμβολον καὶ τροπαίᾳ ἐποίει: *Iam verò in armis ipsorum militum salutaris tropaei signum iussit exstare. Quibus armis? duplicibus, Clypeis & Galeis: sed ita, ut Christi quidem ipsum nomen (litteris & notis, quibus in Labaro) clypeis inscriberetur, Galeis autem imponeretur supernè Crux ipsa. Prudentius sic discriminat:*

*In clypeis
Christus.*


*Crux in
Galeis.*

clypeo-

ontra
ymmach.

— clypeorum insignia Christus

Scripserat, ardebat summis crux addita cristis.

Et meritò Christus in clypeis, eo ritu quo solent nomina Imperatorum. Atque etiam hodie Constantinopoli sunt columnæ, à Constantino, ut putatur: in quarum basibus clypei cum his notis 

Sed & crucem in suum caput & ad Diadema Imperator transtulit, hincne, an alius? In Hieronymo quidem le-

*Crux in
Diademate*

pist. ad
æram.

istoria
ripart.

ib. i.
p. ix.

go: *Regum purpuras & ardentis diadematum gemmas patibuli Saluatoris pictura condecorat.* Et credo ab ipso esse Con-

*Et ineffigie
Imperatoris.*



stantino: qui, & in figuratationibus solidorum & imaginibus propriis signum crucis iussit inscribi. Id Sozomenus quoque asserit: Πλαττομένω τὲ ἐν νομισμασι, καὶ εἰκόσι γεγραμένω, ἐκέλευσεν αἰεὶ συγγράφεσθαι καὶ συντυποῦσθαι πῦτο τὸ δεῖον σύμβολον καὶ μαρτυροῦσιν εἰς ἐπινυὼ εἰκόνες αὐτῶν ὅτι τέτα ἔσται τὸ χήματος: Impresso autem sibi in nummis, aut picto in imaginibus, iussit semper adprimi & adpingi istud diuinum symbolum: & testantur etiam nunc ima-

*Manu eam
tenet.*

e vitā
onst. i. r.
p. xxx.
i. & ali-

gines quæ in eo schemate exstant. Statuam etiam sibi erigi fecit Romæ in vrbe mediâ, quæ manu hoc salutare signum teneret, cum inscriptione quam apud Eusebium, qui vollet, leget. Et exemplum secuti Imperatores alij, in quorum * Nummis hodieque cruces variè videmus. Aliàs vi-

* Etiam quo-
rundā, qui
nec Christi-
ani. Oc-
co notat in
Gallieno &
Romulo
Augustis.

ctoriæ sunt quæ manu eas leuent; aliàs ipsi, idque dupliciter. aut enim solam eam gestant, aut globulum cui ea infixæ. De globulo Suidas etiam tangit, & causam aperuit, in Iustiniano. Qui, inquit, ἔθηκε τὴν ἑαυτοῦ εἰκόνα ὅτι κίον  ἐφ' ἵππου. καὶ τῇ μὲν ἀριστερᾷ χειρὶ φέρει σφαῖραν, ἐμπνετηγὸς τῷ σωτηρῷ ἐν αὐτῇ, ὑποσημαίνοντος ὡς δὲ τῆς εἰς τὸν σωτὴρ πείσεως, τῆς γῆς ἐγκρα-
τὴς γέγονε, σφαῖρα μὲν γὰρ ἡ γῆ, δὲ τὸ σφαιροειδὲς τῷ αὐτοῦ χήματι . πείσε δὲ ὁ σωτὴρ, δὲ τὸν ἐν αὐτῇ σαρκεὶ προσηλωθέντα θεόν: Iustinianus imaginem suam posuit super columnam in equo. Ea sinistra manu fert globum, cruce in eo infixæ: significante quod per fidem in crucem, terræ dominus sit factus. Globus enim terra est, ob hanc eius rotundam formam: fides autem crux, ob Deum qui carne in eâ affixus. Nec tamen Iustinianus inuenti eius au-

*In globo
fixa.*



etor: exstant Theodosij aliorumque nummi sic insigniti diu ante illum. Quin obseruo Principes Byzantinos in progressibus publicis crucem hanc prætulisse suapte manu. Ioannes Europalates: Ἀπὸ μὲν οὐκ ἦν τοιαύτων φορημάτων φορεῖ ὁ βασιλεὺς οἷα αὖν βέλοιοτο, τὴ δὲ χειρὶ αὐτὸν ἐν δεξιᾷ φέρεται αἰεὶ. *E reliquis gestaminibus gestat Imperator quæ voluerit cunque: Crucem autem dexterâ semper gestat.* Atque infra: Καὶ τῇ μὲν δεξιᾷ χειρὶ κατέχει τὴν σαυρὸν, ὡς συνήθες ἔστι κρατεῖν τὴ βασιλείᾳ ὄντων καὶ τὸ στέμμα φορεῖ: *Et dextrâ quidem manu tenet crucem, sicut solenne est teneri ab Imperatore, quoties & Stemma fert, id est diadema.* Ab hoc ritu etiam nunc crucifer ille globus inter Sacri illius Imperij insignia: quod tu RVDOLPHE CAESAR per tot inclytos maiores ad te missum tenes, tenebisque diu (ita voveo) bono Christiani orbis.



CAP. XVII.

Laudatiuncula Crucis.

SED iam mihi salve

Ω ξύλον μακαριστόν, ἐφ' ᾧ θεός ἔκτανύσθη.

O lignum felix, in quo Deus ipse pependit.

Quod his elogiis cum Damasceno lubens meritò afficio,

Θυρεός κ' ὄπλον Ἐτερόπαιον κ' ἡ δ' αὖ βόλας, σφραγίς ἵνα μὴ θίγῃ ἡμῶν ὁ ὄλο-
θρευών, τῆς κειμήλιων ἀνάστασις, τῆς ἐσώτων στήριγμα, ἐσθενῶν βακτηρία,
ποιμαινομένων ῥάβδος, ὅπως ρεφόντων χειραγωγία, περικοπόντων τελεείωσις,
ψυχῆς σωτηρία κ' σώματος, πάντων τῆς κακῶν ἀποξόπαιον, πάντων τῆς ἀ-
γαθῶν πρέξενος, ἀμαρτίας ἀναίρετις, φυτὸν ἀναστάσεως, ξύλον ζωῆς αἰωνίου :

*Clypeus & armatura & tropæum contra diabolum, signaculum ne
tangat nos euersor, iacentium erectio, stantium fulcrum, infirmo-
rum scipio, pastorum virga, reuertentium manuduectio, proficien-
tium perfectio, animæ conseruatio & corporis, omnium malorum
auersio, omnium bonorum conciliatio, peccati perniciēs, stirps re-
surrectionis, lignum vitæ æternæ. Da hanc nobis Ô ÆTERNE.*

FINIS LIBRI III.

DE CRUCE.



IVSTI

Sibylla
apud So-
zom. i.
cap. i.

Lib. iv. l.
Orig. Fid.

IVSTI LIPSI AD EOSDEM LIBROS NOTÆ.

ALLOCVTIO.



AD TEXTVM etiam meum, Lector, visum fuit breuiter hac notare. Cur non in ipso? quia non pro omnium gustu hac talia, & plerisque satis est capita rerum delibasse. Causa etiam, quia placuit quadam explicatiùs aut firmiùs iterare. Debui sanè, ut hoc auum est: in quo calumnia, ut ille inquit,

Quasi herba irrigua, succrerunt vberimè.

In culpâ sumus, siue quid commisimus, siue etiam omisimus:

& plerisque pulchrum, non nisi* τὰς ἀκαθὰς τὰν βιβλίων ἐκλέ- * Spinas
librorum
eligere.

xi. Ego verò scio neminem esse tam felicem, qui non subiectus sit errori, & hoc nō dementis esse proprium, verum hominis.

Itaque ne nunc quidem cum caueo, satis cauero: utique in isto vario & diffuso scribendi genere, in quo, alius alio plura inuenire potest, nemo omnia. Quo magis mirum,

quosdam nobis insultare: nec cogitare quàm multa ipsi foras se non repperissent, si primi quassissent. Non sum tam Lynceus, inquiunt, quàm mihi videor. Egone? testor te summe

Deus, non videor: & siquid olim in calidâ illâ ætate calidius, mihi videtur, & verisime pretis nunc æstimo & pendo. Quò longius

in hac vitæ viâ progredior, magis magisque aspicio circumfusam animo caliginem, corpori imbecillitatem. Heracleitus,

ut opinor, olim dicere solitus, Se cum iuuenis esset, nihil scire; cum senex, nihil ignorare: mihi planissimè contrà euenit, &

qui

qui olim aliquid scire visus, nunc parum aut nihil. Et ô m
 feri, quid nos, doctrina, fama sumus? Ipse pulvis, illa opini
 ista ventus. Atqui etiam tangunt quasi manum iniecerim
 scriptis alienis. Vellem parcius: certè non merito meo fit, q
 prolixè & libenter honorem ingeniis inuentoribus q̃ habitu
 iui, nisi sicubi Dialogorum ratio & decorum id impediui.
 Tale in Saturnalibus. neque negamus virū magnum mul
 ante nos in eo argumento obseruuisse: sed scripta eius exstan
 quid detraximus? Illud tamen non arbitror, ibi aut alibi in
 signiorem notam aut correctiunculam malâ fraude in nome
 meum transscriptam. Tetigit aliquis hanc aut illam mate
 riam? quid tum? ego fortassis impleui. Et ut seriò loquar, l
 ctionis aut collectionis tota ista res est: cur alteri imputemu
 Tot iam annos, imò lustra, in iisdem illis scriptoribus versor
 voluo reuoluo in easdem curas: malè me hercules de industri
 ingenioq̃ nostro sentit, quisquis aut non lecta ea nobis censeat
 aut neglecta. Vt è fonte quod haurimus, nostrum est, quisqu
 tamen suo vase: sic quod è communibus illis scriptoribus, se
 quisque pro iudicij sui modo. Denique legere, aut colligere pa
 rum est: seligere, disponere, eloqui, poscit laudem. Hæc & ta
 lia satiare nos scriptionis poterant: melior ratio reuocauit
 & sua sit publico prodesse quâ possum. Opes atq̃ arma nostra
 stilus. Quem tamen in alium numquam stringam aut profe
 ram: absit: Christianum me commemini, id est, Sacerdotem
 pacis. Habet quidem gloria, ait Plinius, præsertim in studiis
 quiddam * ἀξιοῦν τε: nolo in me expetere. & quancumqu
 moriar, feram mecum hanc conscientiam, nullius me fam
 inuidisse, quosdam me æ. Quod si auum hoc parum etiam gra
 tum sit: quid noui? Suum cuique pretium posteritas repen
 det. Tu Lector vale, & iuuantem, aut certè volentem, ama

* Infocia-
bile.

NOTÆ AD LIB. I.

CAPVT II.



GABALVM.] Exoticam vocem esse per me suspicabar, didici & Hebræam origine à Mart. Antonio Delrio, doctissimo & amicissimo viro. nam illis *Gab*, excelsum: *Gabal*, terminus, aut rectus stipes in agris. Quid nisi tale crux, quæ erecta, & in excelsis Reperio & in Persicarum vocum indice (à Franc. Raphelengio nostro habui) *Gali* notare excelsum. Iam nostras vox quantulum abit, qui patibulum *Galgam* appellamus? Sed nec Gallica valdè abludivit.

Cruces Caucasorum.] Potes pro ipsis suppliciis accipere, & cruciariâ morte. Aufonius de hac quoque Prometheâ:

Sic inter rupes Scythicas stetit alitibus crux.

Vnde Prometheo de corpore sanguineus ros.

Iunius Bassus apud Senecam lib. I. Controu. III. *Nihil amplius putabam adiaci istius audaciæ posse, quàm quòd in illâ cruce Vestam nominauerat.* Nusquam sanè crux, sed virgo deiicienda de saxo erat, Vestam inuocauit, & cecidit illæsa.

AD CAP. III.

Confixum esse Christo dicit.] Est illud Pauli ad Romanos cap. VI. *Ὁτι ὁ παλαῖος ἡμῶν ἄνθρωπος συνεσταυρώθη.*

Cruciaris.] Quo modo & *Verberonem*, *Flagrionem*, *Mastigiam* dicimus, verberare, flagro, mastige dignum. Tertullianus aliter hac voce vitur. *Febris per cruciarios & mortiferos exitus erogat hominem*: id est, cruciantes. Quâ mente & *Vinum crucium* in Lucilio Festus obseruat, insuaue, acerbum.

AD CAP. IIII.

Σταυρὸς & Σκόλοψ.] Nec tamen nego pluribus etiam verbis in hanc rem vti. Ecce & *Ἰκρίον* appellant crucem. Scriptor anonymus apud Suidam: *Ἰκρίῳ Ἰουδαῖοι τὸν σωτῆρα προσήλωσαν: Ligno recto Iudæi Seruatorem affixerunt.* Sunt qui ita hoc verbi explicent & vertant in Thucydidis vitâ quam scripsit Marcellinus: *Ἰκρίον ἐπὶ τῇ τάφου κεῖσθαι. τὴ κενοταφίᾳ δὲ τοῦτο γνώρισμα εἶναι ἐπιχώριον καὶ νόμιμον Ἀττικὸν ἢ ἐπὶ τοιαύτῃ δυσυχίᾳ τετελευτηκότων, καὶ μὴ ἐν Ἀθήναις ταφέντων:* Ait quosdam opinari Thucydidem peregrè & in exilio mortuum. *Lignum enim siue Tabulam super sepulchrum eius positum esse. Hoc autem inanis & honorary tumuli patrium signum & solenne Atticum haberi, in iis qui tali infortunio obuissent, nec Athenis sepulti essent.* Sunt, inquam, qui *Crucem* aut *Furcam* vertant, nec mihi probant. Magis est, ut *Ἰκρίον* hîc lignum nauale sit (peregrinantis, aut absentiae indicium, quoniam mari ferè ex Atticâ abitur) de quo Hesychium vide. Ille idem Grammaticus addit: *Ἰκρίον, σανίδωμα, ἢ ξύλον ἐν ᾧ κακῆργοι ξέονται.* Melius δέονται. id esset, *lignum siue axis in quo malefici ligantur.*

L

Atque

Ex versu
174.

Atque ita Eustathius in Iliad. x. Σανίς, ἐν ᾗ τοὺς κακούργους ἔδεν. *Affer, in quo maleficos ligabant.* Item Aristophanes: βατανίζων πάντα ἔδωπον, ἐν πίνανι δῆσας: *Omni modo torquens, in asserē ligans.* Reperio & in Eusebio Iuρίον pro cruce, & supra adduxi, lib. i i. cap. xii. Σανίδα in hac re dixit Herodotus in extremâ Calliope: Απαγαγόντες δὲ αὐτὸν ἐς τὴν αἰκτὴν, σανίδα παρὰ πᾶσιν αὐτῶν ἀνεκρέμασαν. Quod vertunt: *Additum hunc in litus depactus humi asseribus suspenderunt.* Vide an non σανίδα legas potius, hoc nostro sensu: *Abducentes eum ad litus, asseri affigentes suspenderunt.* Esset affixio in stipite simplex.

Κρεμᾶν.] Ita palam Plutarchus in Cæsare, de piratis: πολλάκις ἠπέλιψε κρεμᾶν αὐτούς: *Sæpe minatus crucifigere eos*, vt Latini omnes loquuntur & narrant. Est & Antiochi regis edictum, quo philosophos regno pellit, & pœnam etiam affectantibus ponit istam: τῶν δὲ νεανίσκων ὅσοι ἐὰν ἀλίσκωνται πρὸς τοῦτοις γνώμῃοι, διότι κρεμάσσονται, καὶ οἱ πατέρες αὐτῶν ἐν αἰτίαις ἔσονται μεγίσταις: *Iuuenum verò quicumque reperiuntur apud istos, ἃ suspendentur, & patres eorum hærebunt in maximâ noxâ.* Ita Athenæus recitat lib. xii. sed vtūrm de hac nostrâ in cruce suspensione, an de aliâ in trabe accipimus? in trabe, inquam, ad verberandum flagellandumque. quem morem Græcis Latinisque fuisse, comœdiæ atque alia docent.

Lib. x. pæ-
nærg. cap.
xxiiij.

Aliorum inanes logos.] Ita verè, inanes. Nam Alciati quale est? Ait *Histiæum Milesium* intelligi, quem Sardibus propositum Artaphernes & Harpagus cruci fixerunt, capite desecto & ad regem missò. Ita Herodotus, inquit, libro sexto. Quod verum est: sed quid Histiaeo, cū Achæo? Respondet, idèο sic vocari à ποιῆτᾳ, quia Histiaeus Milesius fuit, Milesy coloni Ionum, Iones Achæi. Ergo à patriâ, Achæus. Quis color in hoc sermone? Sed nec amicum nostrum audio sine auctore scribentem: *Achaum* intelligi *Lydiæ regem, qui ob auaritiā necatus in Pactoli aquis pependit.*

AD CAP. V.

Memorem Veneris Proserpina Adonim.] Aufonius fabellam aspicit, quæ est ista. Venus iam olim puerū hunc deamauerat, & vt sola frueretur, clam deposuerat apud Proserpinam. Sed hæc mox in eadem flammâ: ac repetenti Veneri negat dare. Lis est, itur ad Iouem. Ille rem sic componit, vt Adonis, quod ad vsum, in tres anni partes secaretur. Primâ, vt Adonis, Adonidis esset: secundâ, Veneris: tertiâ, Proserpinæ. Acquieuerunt. sed enim Adonis pronior in Venerem, suum quoque trientem illi tribuit. Hæc Apollodorus lib. i i i. Bibliothecæ. Ergo istud est, quod Proserpina nunc cruce vindicat. Theocritus & ipse huc aspexit. Eidyll. xv.

Ἐρωίς ᾧ φίλ' Ἀδωνί, καὶ ἐνθάδε κ' εἰς Ἀχέροντα
Ἡμιθέων, ὡς παντὶ μινώτατος.

*Migras, o hanc Adoni, isthuc & ad infera regna,
Semideum, vt dicunt, solus.*

Nam vult non alteri concessum, vt modò ad inferos, modò ad superiores iret, & alternis copiam sui faceret duabus deabus.

Arbores recisas leuiter.] Ad has, vel ad nudum alium stipitem, allu-
fit

fit *Quinctius* in epigrammate quo poëtam Græculum faceret est vltus. Ille *Philippum* & *Macedones* insigni victoriâ fregerat, cuius laudem ad *Ætolos* transferre *Alcæus* quispian voluit Græcâ leuitate. Scilicet quia in auxiliis Romanis fuerant *Ætoli*. Scripserat igitur:

Ἀκλαυσοὶ καὶ ἄδαπτοι, ὁδοιπόροι, τῶ δ' ὅπῃ τίμβω

Θεσσαλίας, ἔισαι κείμεθα μυριάδες,

Αἰτωλῶν δ' μνηθέντες ὑπ' Ἀρεος, ἠδ' Ἐλατίνων,

Οὐδ' ἴστος εὐρέως ἦγαγ' ἀπ' Ἰταλίας:

Indefleti, inhumati, his campis ecce iacemus

Thessalia, cæsi millia ter decies,

Ætolo domiti sub Marte, & Marte Latino,

Quos Titus è latâ duxerat Italiâ.

En *Ætolos* Romanis prepositos, & quasi hi accessio illorum. Momordit *Titum*, & vltus est, sed versus versu, Rescripsit alludens:

Ἀφλοῖος καὶ ἀφυλλος, ὁδοιπόροι, τῶ δ' ὅπῃ νώτω

Ἀλκαίῳ σαυρὸς πῆγνυ' ἠλίβατος:

Corticibusq; & fronde carens, hæc monte, viator,

Alcæo crux desigitur aëria.

Quibus versibus significat crucem defixam ibi stare, quæ hominem illum exspectet. *Plutarchum* in *Quinctio* lege: & simul nota, altâ hîc Crucem poni, quasi in scelere insigni suo loco à nobis dictum.

Isidem verò Cererem.] Ipse *Tertullianus* hoc affirmat, de Coronâ militis: *Prima Isis repertas spicas capite circumtulit*. nam quæ hæc *Isis* quæ spicas repperit, nisi *Ceres*?

AD CAP. VI.

Nescio an Mæcenati descripta.] Ambiguè profero, quia etsi *Mæcenatis* verba nobis faciunt, vix tamen *Senecæ*, qui velut interpretans subdit: *Suffigas licet, & acutam sèssuro* (ita legendum, non *sensuro*) *crucem subdas, est tanti vulnus suum premere & patibulo pendere districtum*. Atqui *pendere*, & *patibulo* quidem, vix est vt conueniat in nostrâ *Acutam*. Nisi si tamen *patibulum* etiam de vno ligno, in quo homo quomodocumque expansus: quod haud nimis velim spernî. Si displicet: alia interpretatio quærenda sit crucis hîc *acutæ*. An ideò talis, quia cum dolore acri necat? vt morbi quidam acuti medicis. Lentè probem: & mauelim opinari genus aliquod crucium triste, rarum, in quo stipes, cui homo acclinatur, stimulis clauisq; acutis sit præfixus. vt cum acquiescere vellet (*sèssuri* vox in *Senecâ*) pungeretur ac scinderetur in corpore auerso. Nihil super hoc legi, fateor: commentum est merum, nisi si quid iuuat illa *Reguli* machina, quæ sic armata, & in eam ipse inclusus. Quæ etsi nostra crux non fuit (aumarium potius quoddam & arca) tamen & crucem *Seneca* appellauit epistolâ xcviij. itemq; libro de *Prouidentia* cap. iij. Certè quidem *Acutæ* vocem in *Mæcenatis* versibus non sic leuiter & in ventum additam, ipse indicat *Seneca*, qui eam attollit ac repetit (tu vide) quasi in eâ sententiæ momentum.

Iam olim sic legimus.] Nempe in curis secundis: idq; è libris tan-

tum: imò ante me Pincianus, vir fidei & iudicij bonus. Muretus tamen aliter: sed qui benè examinat, stabit à nostrâ. cuius sententia, *Hanc vitam mihi iustine & proroga, etiam sedenti in acutâ cruce.*

AD CAP. VII.

Ipsi verterunt ξύλον δίδυμον.] Quod ipsum pro cruce posuit incertus scriptor apud Suidam: Ευρών δὲ ἰλλοῦσον φθορέα, ἐπρέμασεν ἐπὶ δίδυμου ξύλου: *Inueniens Illustum corruptiorem, suspendit in gemino ligno.* Id est cruce: etsi Suidas interpretatur, τὴν παρὰ ῥωμαίοις φοῦρην. Vide ipsum in voce Δίδυμον, & ἰλλοῦσος.

Vt Christum deformantes.] Puto scribendum, *ut Chi deformantes.* Intellego. X. litteram Græcanicam, quæ verè figura manuum illarū fuit.

AD CAP. VIII.

Penula aut manui.] In penulâ aut veste monachorum crux, imò & cruces, si rectè capio Nicephorum Gregoram, qui sic de Imp. Andronico monacho nouello: Ἀνω μὲν ἐρυθρὸν προὔθηκε τὸν τοῦ Θεοῦ σταυρὸν τύπον, κάτω δὲ μέλανα: *Supernè rubrum prætulit diuinæ crucis signum, infernè nigrum.* Duas diuersi coloris cruces appositas videtur dicere: nisi tamen vnâ intellegit, sic distinctam. Quod manu autem tulerint, hodieque in Æthiopibus siue Abyssinis ille mos, vti vulgus reliquum cruces è collo pendulas gestet, monachi hoc amplius etiam manu. Auctor Damianus à Goës in illorum rebus. Illud etiam mihi nouitium lêgi, miseros oppressosque cruces prætulisse, haud aliter quàm olim infulas & velamenta. Ligurinus lib. viii. de Italis hoc notat, qui ius auxiliumque poscebant ab Imp. Frederico:

— *ex omnibus undique multi*

Vrbibus ac vicis aderant, querulôq; ferebant

Innumeras clamore cruces. hoc quippe querelas

More solent aperire suas.

Cum anulo vel ansulâ.] Ansulam Becanus facit, & interpretatur (ita ingenium & scopus viri fuit) μυσικῶς, quasi moneamur apprehendere crucem, & eam tenere. Quid si oculum esse dicam? Iuuat aliquid Macrobius, qui inter notas Ægyptiacas refert, & significare ait Solem. Lib. i. Saturn. cap. xxi. *Osirim Ægyptij ut Solem esse asserant, quoties Hieroglyphicis litteris suis exprimere volunt, insculpunt sceptrum, inq; eo speciem Oculi exprimunt, & hoc signo Osirim monstrant: quia Solem, Iouis oculum, appellauit antiquitas.* Et sanè quia signum hoc Tau *Vitam venturam* designauit: nōne appositè Sol ascriptus, qui auctor vitæ?

AD CAP. X.

Vnicornis enim cornua.] Curiosè & pænè dixerim morosè explicat Iustinus. simplicius multò Tertullianus aduers. Iud. cap. x. *Tauri decoreius, cornua vnicornis cornua eius, in eis nationes ventilabit pariter usque ad summum terræ. Non utique Rhinoceros destinabatur unicornis, nec Minotaurus bicornis: sed Christus in illo significabatur: cuius cornua essent crucis extima. Nam & in antennâ nauis, quâ crucis pars est, hac extremitates huius cornua vocantur; unicornis autem medij Stipitis palus.*

* ἄλων

* Ἀλων μὲν καὶ τῶν Τροπαίων.] Mutilus locus. & aptant quidem hæc ad tropæa vulgaria, siue monumenta victoriæ: ego cū in verba intendendo, ambigo: & nescio quid de fascibus potius subolet dictum. *Per illos* (ita verterim δι' ὧν) *progressus in publicum sunt*: illi verè *signa imperij & potestatis*. Atque cum insertâ securi, crucem referunt planissime.



Nōne etiam Tropæa? inquires. Quis nescit: sed præiuit fortasse aliquid de Tropæis illis: hic magis de fascibus (mihi quidem) dixisse videtur. Nec moueor quod Τροπαίων voce vtatur: nōne & suprâ Malum in naui sic vocauit? & Eusebius etiam Labarum illum militarem. Possunt & verba alia excidisse. Nec pono tamen ista, sed propono.

Αὐτοκρατόρων ἀποθνήσκοντων τὰς εἰκόνας.] Quæ illæ sunt? quis me docet? In Nummis, in statuis nihil tale video. nec vsquam in cruce propolitos Principes defunctos. Subdubitabam an ad aquilas respiceret, quæ volantium habitu, & in cælum tendentium passis alis conspiciuntur in Nummis, & additum CONSECRACTIO. Scilicet quasi Iouis illa ales animam defuncti ferret in gremium

Iouis. Certè quidem eam formam crucis esse & Patres monent & res ipsa docet. Sed non placet. Hoc nunc magis, intellegere cum imagines defunctorū Principum, quæ ordine innexæ in militaribus signis. Nec enim viuorum solūm illi effigies, sed magis mortuorum. De isto ipso æuo Constantini Eusebius, lib. 11. De vitâ eius, cap. xvi. Describit Licinij milites in pugnam, more veterum, id est, gentilium excentes: οἱ δὲ, inquit, πολυπληθείᾳ θεῶν θαρρύντες σὺν πολλῇ δυνάμει χεῖρὸς στρατιωτικῆς ἐπήρσαν, νεκρῶν εἰδῶλα θανόντων ἐν ἀλύχοις ἀγάλμασι προβεβλημένοι: *Hi quidem numero deorum freti cum multâ manu militari ingruiebant, mortuorum imagines in signis inanimatis præferentes*. Et scripsi de hoc more in Militiâ Romanâ. Ergo hoc Iustinus exprobrat, Vos, inquit, cruces colitis, cū Imperatorum & quidem Diuorum imagines proponitis in hastis & vexillis, quid nisi in crucibus? Nam ea illis figura. Respexi etiam aliquando ad Tertullianum, in Apologetico: *Quod non simulacrum prius argilla deformat, cruci & stipiti superposita*: Sed hoc diffusum nimis est, nec tangit Imperatores tantum.

AD CAP. XI.

Populariter & ad causam Cicero dixerit.] Quod historicâ fide, non opinor. Plinius non ei fautor lib. xxxvi. cap. xv. *Nouum & inexcogitatum antea posteaq, remedium inuenit ille rex* (Tarquinius superbus) *ut omnium ita defunctorum figeret crucibus corpora, spectanda ciuibus, simul & feris volucribusq, laceranda*. Nam liquet eum loqui de mortuis & iis qui se interficerent laborum tædio, quos ille crucifixit. At non id in viuus vsurpauit primus, vt ait, vltimusq,ue.

Arboribus suspendunt.] Haud iniuriâ ambigo, ad vtram pœnam referam, laquei an Crucis. Nam nec verba alterutrum euincunt, nec alia exempla. Lego in Martyrologio, die xiiii. Martij, de duobus

Monachis, quos Longobardi suspendio necauerunt in arbore. In ipsis Longobardorum Legibus, Tit. c. XIII. Si seruus regis Morth fecerit, ita decreuimus ut componatur ipsa persona sicut adpreciatus fuerit: & seruus ipse super fossam mortui appendatur, & in eum vindicta detur, & sit caussa finita. Plurimum (antiquorum quidem) nunc non memini: & hæc ipsa incerta, nec diiudicauerint litem.

IVSTI LIPSI

NOTÆ AD LIB. II.

CAPVT II.



CAPVT obnubito.] Quod plerisque puniendis factum, præsertim si gladio. Hegesippus lib. v. cap. XLVII. Dum percussor moratur, clausis iam fasciolâ oculis, sese proripuit ad Romanos. In vitâ Cypriani: Postea verò B. Cyprianus manum suâ oculos sibi texiit. Sed & cum ducerentur ad carcerem, aut ad mortem, caput tegebatur. Tacitus IIII. Annal. Trahebatur damnatus, quantum obductâ veste & adstrictis faucibus niti poterat, clamitans. Ammianus lib. XIII. Carnifex rapinarum sequester, & obductio caput, & bonorum ubique mulctatio. Imò & torquendis hoc factum. In Curtio lib. VI. de Philotâ. Dum obligantur oculi, dum vestis exuitur, deos patrios, gentium iura innocabat. Propriè autem de crucifigendis, vetus illud carmen quod iam explico: & in libro Esther, cum Aman ad crucem rapitur, Statim operuerunt faciem eius.

AD CAP. III.

Ἀσφαλῶτας μάστιγας.] Addo, si nosse lubet, quasdam etiam dictas σφαλῶτας, istis haud abfimiles, contortas scilicet & nodosas. Suidas: σφαλῶτες, διεσπασμένον. Καὶ σφαλῶτη μάστιξ. Addit deinde verba incerti scriptoris: Ὁ δὲ ἐκείλευσεν αὐτὸν μάστιγι τῇ σφαλῶτι μάστιγι.

AD CAP. V.

Quid opus erat auxiliatore & subsequâ, qui adleuasset?] Ita vulgata quidem opinio est, dumtaxat adleuasse. At D. Hieronymus in Matthæum censet etiam tulisse, sed seorsim & post Christum. Nam cum Ioannes apertè scribat Christum tulisse, alij tres Euangelistæ Simonem Cyrenæum: ipse conciliat, & hoc intelligendum est, inquit, quod egrediens de Pratorio Iesus ipse portauerit Crucem suam: postea obuium habuerint Simonem, cui portandam crucem imposuerunt.

AD CAP. VII.

Super lignum se ipsum extendit.] Quid si de transuersario tantum ligno capias, in eo figi solitos, & deinde subduci atque appendi? Pugna omnis cesset; & breuiter fortasse rem dixi.

AD CAP. VIII-

Clavis aut funibus.] Nescio an Lucanus non utroque memoret in his occultioris sententiæ versibus: qui quoniam toti ad crucem, ponamus, & retegamus. Lib. 6. de magâ Thessalâ.

—— *Laqueum nodosq, nocentes*

Ore suo rupit, pendentia corpora carpsit,

Abrasitq, cruces, percussaq, viscera nimbis

Vulsit, & incoctas admissis Sole medullas:

Incertum manibus chalybem, nigramq, per artus

Stillantis tibi saniem, virusq, coactum

Sustulit, & neruo morsus retinente pependit.

Quod ait *laqueum & nodos nocentes*: alij *nocentum* edunt: atq; ita haud incommode ad vincula aptes, quibus noxij ad cruces affrici. Tamen in aliquot scriptis libris, *recentes*. & id malim: credamque ad suspensiosos dumtaxat referendum, & qui seipsos illaquearunt. Reliqua iam de Cruce: & *percussa viscera nimbis, & incoctas sole medullas*. signanter dixit de corporibus quæ (vt lib. II. cap. xv. scripsi) in crucibus relicta, situ marcida & tabida fiebant, quatenus volucres non laniarent. Iam *Incertum manibus chalybem*, clauos intelligi liquebit, si emendes *Insertum*. Nam hos quoque appetitos ad Magicas artes Apuleius ostendit, in describendâ ferali illâ officina, lib. III. *Hic nares & digiti, illic carnosæ clavi pendentium*. Sed & amplius de his funibus addo. Videri, quorundam iudicio, necessarios fuisse in omni fixatione. Nam volunt manus ligatas, ne se subducerent ad ictum aut commouerent. tum etiam vt firmius & cum adminiculo penderent. deinde & alterum finem ad pectus, corpus ambiisse sub ipsas alas, eoque subleuatum hominem & attractum in summam crucem. Id porro factum ad motus utrimque scalis. Eius sententiæ vir stirpe & moribus antiquis Ioannes Boisotus est, qui amicè hoc suggessit. Et sanè de scalis, apponere eas præne necessarium videtur, utique ad Erectam crucem. Quomodo alias subduxeris, aut fixeris? Etiam de funibus sunt quæ suadeant, præter antè dicta. vt Hilarius de Trinitate lib. x. *Penduli in cruce corporis pœna, & colligantium funium violenta vincula, & adactorum clauorum vulnera*. Iungit simul & funes & clauos, vt Lucanus. Etiam illud Christi vaticinium in Petri mortem, poscit funes. Ioannis cap. XIX. *Extender manus tuas, & alius te cinget*. Cinctio ista vinculorum in cruce est. Theophylactus: *Τὴν ἐπὶ τῇ σταυροῦ ἐντασιν καὶ τὰ δις μὰ δὴ τοῦ*: *Extensionem in cruce & vincula notat*. Tertullianus in Scorpiaco: *Tunc Petrus ab altero cingitur, cum cruci adstringitur*. Videndum an non in Ausonij Cupidine simile, qui adstrictus describitur, & mox addit, *Adfigunt*. Atque ecce in tabulâ formam duplicem fixationis, pro duplici subductione.

*Aeschylus
μαρτυροῦν
λίσσας
appellat, in
Prometheo.*



Tres repperit.] An & duas latronum transtulit, non cultus sed memorix causâ? Videtur ex Suidâ, si tamen ex meo nunc sensu corrigendus. In voce φόρος inquit: κατωθεν τῷ φόρῳ κεχωσμένοι ὑπῆρχον δύο στρατηγοὶ τῶν δύο ληστῶν, καὶ ἐκίον μέγαν ὃ ἠλέειλετο ὁ χριστός, καὶ πολλὰ ἑτέρα σημειοφεικὰ, τεθέντα μὲν ἀπὸ τῶν σωσαντῶν τῷ μεγάλῳ, ἀφανιζόμενα δὲ ὑπὸ τῷ μεγάλῳ Θεοδοσίου: Nam puto legendum δύο σωροὶ. Qui verò fuerint στρατηγοί, siue duces duorum latronum? nec id sit idonei vllius sensus. Vertam igitur: *Infra forum defesse erant due cruces duorum latronum, & vasculum unguenti quo Christus unctus, & alia multa insignia, posita quidem à Constantino magno, sublata verò sub Theodosio magno.* Admonitus postea per litteras sum à Ioanne Liuncio amico nostro, seriò & sine ambitione docto, vitium esse ab imperitiâ transcriptorum, qui cùm in autographo repperissent σωροί, quod compendiarialla scripturâ σωροί erat, fecerunt flagitiosè στρατηγοί.

AD CAP. IX.

Αμοξήτω γέ.] Ita benè & doctè Franc. Nansius, cùm antea esset ὁμοξήτω. Et sane clavi isti grandes: atque ita ipse Nonnus idemtidem σιδήρεα κέντρα appellat *Stimulos ferreos.*

Contrà tendunt alij & suggerunt quaternos.] Atque ego, etsi negavi me decidere, pronior sum in hanc partem. In templis Græciæ hodie intellego passim Christum cruci affixum, disparatis pedibus sic pingi. Vidimus id ipsi Venetiis in gentis eius templo, tum & alibi in antiquioribus picturis. Audio & Treuiris clauum qui asseruatur, diserte in memoris antiquis scribi *clauum pedis dextri.* Addo autem, Constantinum Imperatorem quosdam ex his clavis (id quoque multitudinem suadet) inseruisse capiti statue quam suo nomine Constantinopoli posuit. Zonaras: Ο δὲ θεϊότατος αυτοκράτωρ εἰς οἰκεῖον ὄνομα τὸ ἀγάλμα (τῷ ἀπόλλωνος) ἐσήσε τῇ κεφαλῇ τέτε τινας τῶν ἡλῶν ἐναρμοσάμενος, οἱ τὸ σῶμα τῷ κυρίῳ προσπατάλευσαν τῷ σωτηρίῳ σωροί.

AD CAP. X.

Extensus ambas manus.] Proprium hoc Crucis, extendi. Itaque Euangeliotum vetus Gothica translatio (auctor Antonius Morillonus) vertit idemtidem Crucifigere, *Ustraem en/* quasi dicas extendere, & quidem propriè de pannis, quos in palis vallisque distendit fullo. Ea extensio ad manus maximè refertur. Artemidorus lib. I. C. LXXVIII. Εἰ δέ τις ὑψηλὸς ἐπὶ τινος ὀρχοῖτο, εἰς φόβον καὶ δέος πεσεῖται. κακοῦργος δὲ ὢν, σωρωθήσεται, διὰ τὸ ὑψος καὶ τὴν τῶν χειρῶν ἑκτασιν: Si quis sublimis in loco quoriam saltet, in periculum & metum incidet. maleficus autem existens, crucifigetur, ob altitudinem & manuum extensionem. Epictetus apud Arrianum, ab hac causâ comparat falsè eos qui in balneis se distendunt & lauandos fricandosque præbent, cum crucifixis; libro IIII. Dissertat. cap. XXVI. Ἰν' ἐν τῷ βαλανείῳ ἐκδυσάμενος, καὶ ἐκτείνας σεαυτὸν, ὡς οἱ ἐσωρωμένοι, ἔλθῃ ἐνθεν καὶ ἐνθεν: *Ut in balneo exnatus & seipsum distendens, ut solent crucifigi, fricetur hinc atque illinc.*

Vestigium huius tabella exstare audio.] Imò & video: ac misit ad me Dionysius Villerius vir veteri doctrinæ & mihi valde amicus ecty-



pon nummi Græcanici veteris, qui aureis asseruatur in monasterio Laetienſi in Hannoniâ, quem ecce habes.

Inscriptio in eo est: Κόσμου τὸ λύτρον, αἷμα τοῦ Θεοῦ λόγου: *Mundi redemptio, sanguis dei verbi.* Missus is nummus cum aliis sacris donariis est ab Henrico Imperatore, tunc Constantinopoli, anno Christi m.ccc. viii.

AD CAP. XI.

Πελαχθεὶς κύκλῳ τοῦ ἀμφιθέατρον.] Id dicunt Circumduci; sicut Traduci, cum ostentui dumtaxat per ora populi ducebantur, & sæpe alibi puniendi Suetonius in Tito, cap. viii. *Hos (Delatores) nouissimè traductos per amphitheatri arenam, partim subiici in seruos ac venire præcepit, partim in asperissimas insularum auehi.* Nescio an Martialis versus, qui iamdiu cubat in morbo, sic sanandus, lib. i. de hisipſis Delatoribus & Titi factò:

*Turba grauis paci placidaq̃, inimica quieti,
Quæ semper miseræ sollicitabat opes:
Traducta est titulis, nec cepit arena nocentes,
Et delator habet quod dabat exsilium.*

Titulis enim vult traductos Delatores. quomodo? nõnne omnium vnus est communis? non hîc: quia additum, quos & quàm illustres quisque detulisset. Exempli causâ: *Hic est Titius qui Camerinum detulit. Hic, qui Lateranum, & talia.* In libris legitur: *Traducta est getulis,* in aliis, *Tradita Getulis:* & emendarunt, *Traducta est Gyaris,* quod ego & ratio facilè refellant.

Πίνακος ὡπὸν ἀποδείκνυται.] In tabellâ enim hæc talia scribi solent: sicut & Titulus Seruatoris. Cyprianus de montibus Sinâ & Syon: *Pontius Pilatus impulsâ mente à Deo accepit Tabulam, & titulum scripsit tribus linguis: & in capite ligni clauis tribus Tabulam cum nomine regis Iudeorum confixit.* Ex cuius verbis vides etiam Tabulam non super lignum (vt multi repræsentant & pingunt) sed in ipso supremo ligno clauis fixam.

De quo more alij.] Inter eos P. Faber libris Semestrium; vbi & sparsim plura de Cruce, & quædam selecta atque edecumata.

AD CAP. XIV.

Disparata hæc supplicia.] Notauit & publicè ante nos monuit Cæsar Baronius, vir sacra profanaque doctus in Martyrologio. Sed cur frangebant iis, quos statim mortuos vellent, crura? An non causâ in Plinio? Ille lib. xi. cap. xlv. notat in iis vitalitatem esse: atque addit: *Namque in ipsâ genus viriusque commissurâ, dextrâ laeuâq̃, à priorè parte,*
gemina

gemina quedam buccarum inanitas inest: quâ perfossâ, ceu iugulo, spiritus fugit. Aliud autem est à fragio crurum, *Exsecare crura*: quod in Amiani lib. xxii. leges, in oratione Iuliani: *Quisque agmini coharens incedat, sciens quod, si remanserit usquam, exsectis cruribus relinquetur.* Hoc enim proinde est, quasi dixisset, neruis aut suffraginibus incisis. Vetus sæuitia, & Annibali vsurpata in Romanos. Ennius: *His pernas succidit iniqua potentia Pœni*. Potentia Pœni more Græco, est Pœnus. Liuius de ea ipsâ re, in clade Cannensi: *Quosdam iacentes viuos succisis feminibus poplitibusq; inuentos fuisse.* nempe ne attollerent se, & vt desolati morerentur. Vsurpatum est Tyrannis in Christianos. Sozomenus lib. i. cap. x. de Paphnutio & Maximo: quos, inquit, *Μαξιμῶς ἐν τοῖς μεταλλοῖς ἐργάζεσθαι κατέδινασε, τὰς δεξιὰς αὐτῶν ἐν ὀφθαλμοῖς, καὶ τὰς ἀριστερὰς ἀγκύλας ἀποτεμὼν*: Maximinus ad opus metalli condemnauit, dexteras eorum oculos excutiens, & sinistri pedis suffragines abscindens. Eusebius ostendit aduri etiam solere, lib. viii. cap. xii. vbi quorundam meminit *τοὺς λαιοὺς πόδας καὶ τῶν ἀγκυλῶν καυτῆρσιν ἀχρεῖς μέρων*: qui sinistris pedibus, circa poplites, ferro adustis, inuiles facti essent.

Libri non immunes.] Lego in Eusebij lib. vi. cap. xix. de Apollonio Martyre, cū is sub Commodō Principe delatus esset vt Christianus, accusatori, ex lege crura fracta fuisse. Verba huic rei: *ὅτι μὴ ζῆν ἐξὸν ἦν, κατὰ τὸν βασιλικὸν ὅρον, τοὺς τῶν τοιῶνδε μινυτάς, ἀντίκα κατάρνυται τὰ σκέλη*: quoniam viuere nefas, iuxta legem Principis, talium delatores, statim crura ei fracta sunt. Sed cuius Principis hæc lex tam commodā in Christianos? Non opinor ipsius Commodi. Nunquid M. Aurelij? de quo Tertullianus Apolog. cap. v. *Qui sicut palam ab eiusmodi hominibus (Christianis) pœnam dimouit, ita alio modo palam dispersit, adiectâ etiam accusatoribus damnatione, & quidem tetriciore.* Et quod ait de damnatione tetriciore, possis vel ad Crurifragium istud referre: vel ad Viuicomburium, quo affici accusatores Christianorum iubet eiusce Principis epistola apud Onufrium in Fastis expressa.

AD CAP. XV.

A Sole ac pluuiâ corrumpi.] Exemplum huic rei etiam in libris sacris, vt Reg. i. cap. xxi. *Dedit eos (septem viros) in manus Gabaonitarum, qui crucifixerunt eos in monte coram Domino. Tollens autem Respha filia Aia cilicium substrauit sibi supra petram ab initio mensis, donec stillaret aqua super eos de calo, & non dimisit aues lacerare eos per diem, neque bestias per noctem.* Hoc de pluuiâ: de sole, in Artemidoro lib. v. *Εδὲ οἱ τις λαμπαδὰς δὲ τῆς ἐσίας μὴ δύνασθαι ἀνέλφαι, καὶ δὲ τοῦ οὐρανοῦ ἀνάφαι, ἐς αὐράδην. κατὰ τῆς τὸν ἥλιον περὶ οὐρανὸν περὶ ἐδάπετο*: Visus aliquis faces è foco non posse accendere, & à calo eas accendit, crucifixus est. atque hoc modo igne caelesti concalescens.

IVSTI LIPSI
AD LIB. III. NOTÆ
CAPVT III.



VERBERATVM patibuloq; constrictum.] An ergo huc referas Dionis etiam illud lib. XLIX. de Antonij sæuitâ in Iudææ regem Antigonum? τὸν δὲ Ἀντίγονον, inquit, ἐμασίγωσε σαυρὰ προσδῆτας (ὁ μὴ εἰς ἄλλος βασιλεὺς ὑπὸ τῶν Ῥωμαίων ἐπεπὼνθει) καὶ μετὰ τὸ τοῦ ἀπίσφαξαι: *Antigonum flagellauit cruci siue furcæ alligans (quod nemo alius rex à Romanis unquam passus erat) ac postea interfecit.* Verba ita præferre videntur: nec abhorreat ab Antonij impotentia, vt seruihter sæuierit etiam in regem. Tamen verius puto vt capias verbaque *Palum*. Vt palo, inquam alligatus fuerit, solēni Romanis more, & tum securi percussus. Quod ipsum huic Antigono factum, etsi Dio non expressit, notauit Strabo, citante Iosepho (nam hodie non exstat) lib. XVI. Antiq. cap. I. Ἀντώνιος Ἀντίγονον τὸ Ἰεδαίων ἀχθέντα εἰς Ἀντιόχειαν πελεκίσαι, καὶ ἐδὲ οὕτως μὲν ὅτος πρῶτος Ῥωμαίων βασιλεὺς πελεκίσαι: *Antonius Antigonum Iudeum Antiochiam perductum securi percussit, & visus est primus Romanorum securi subiicisse regem.* Idem Plutarchus in Antonio.

Patens hæc transuersaq; pars (sic dicta.)] Strictè & propriè inquam. Aliàs quis nescit totam crucem sæpe venire in hoc nomen? Sallustius vtro modo acceperit haud dixerim, in loco vitiato. Fragmentum est apud Nonium e i v. Histor. *In quib; notissimus quisque aut malo dependens verberabatur, aut immutilato corpore improbi patibulo eminens affigebatur.* Lego mutilato corpore: quia mos ille frequens Orientalibus, vt priusquam crucifigerent admutilarent, aut etiam per tormenta necarent. Exempla habes in hoc libro, cap. XI I. & alibi. At illud improbi, qui reformandum ignoro. Tentavi olim *in proris*. An & impropè? quod sic compositum pro simplici, vt *inante* & talia, apud Tertullianum reperies Exhortat. ad Castitat. Cap. x. An etiam impropè? vt sit corpus fuisse impropè mutilatum? Credo enim hæc narraſſe de sæuitiâ Mithridatis in Cyzicenos, quos terrâ marique obsēdit.

AD CAP. V.

Facie quâ nostrum hodie patibulum.] Quæ sententia fuit Antonij Morilloni, viri summi futuri si diutiùs vixisset. Argumenta habebat (vidi & legi in epistolâ eius ad Lindanum, quam heredes adseruant) quod id referret formam Iugi: ferre autem iugum, ignominia & quasi comminatio huiusce mortis. itaque illinc petenda forma. Amplius, Liuius ait lib. I. Romanos spectasse furcis duodenos à terrâ spectacula alia sustinentibus pedes: eas furcas proclinantia vtrunque ligna fuisse cum tertio transuersario supernè immisso, quod genus *Capreolos* Latini vocant, & nos hodie *Schragas*: ergo hanc esse faciem furcæ. Tertiò Hebræos

bræos hodieque suum Tau sic pingere: cum eo autem comparari passim: tale igitur esse. Credo etiam addere (non firmiter nunc comminimi, sed addi potest) Ausonium cum Φ. littera Græci Crucem comparare: at ea quoque istuc abit. Sed hæc sententia, etsi arguta, proba mihi non est ob multas causas, atque hanc vnicam firmissimam, quod refellunt spectationes & monumenta omnia antiqua, omnia inquam consensu. Quid Christianis nobis fiet, si ipsa imago crucis aliter ubique non pingenda solum, sed manibus cottidie deformanda? At enim iugum tale olim. Ita, sed quid ad rem? militaris saltem ignominia illa fuit: & liberorum ea hominum, non seruorum, ut latura furcæ. De Liuiio, nihil impedit Furcas nostro vulgarique more intellegi, quibus ligna transversa iniecta, & super ea asseres, ad spectandum insistendumque. Fit & hodie, & olim primas domos sic erectas ex Polidonijs sententiâ puto Senecam alibi tradere, & uti pariter voce *furcæ*. De Hebræis, verum est, sed hodiernis. Priscas eorum litteras alias & diuersiformes fuisse, periti eius linguæ atque ipse Hieronymus tradiderunt. Iam de Ausonijs versu, is talis:

Et crucis effigie Palamedica porrigitur Φ.

Lectorem non muto, etsi alij libri proferunt *gruæ*: nec id malè. Sed esto *crucis*: verissimum est in nostra etiam formâ. quomodo? in cruce inquam vestita, & in qua homo appensus. Vide faciem & pendula

a ligno brachia, est hæc ipsa litteræ forma. Subiicio & formam crucifixionis quam imaginabatur & delineabat Morillonus.

AD CAP. VII.

Impudicas ancillas sic puniri.]
Et est sanè ignaua mors, & *Feminea* etiam Panegyristæ dicta. *Alteri manibus satellitum Britannorum gula domi fracta, & iniusta femineæ mortis infamia, ut scilicet maluisse vir ferri amantiſſimus videretur laqueo perire quàm gladio.* Victor postremam appellauit, vilissimamque, in Maximiano: *Pænas mortis genere postremo, fractis laqueo cernicibus luit.*

Patibulum vulgò Furca dicitur.]
Quo ipso sensu inferiores Græci dixerunt *φουλαίλειν* in *furcam* agere, asperiore illâ litterâ mutata. Cedrenus in Iustiniâno Rithmetâ: *Εν τῷ τείχει πάντας ἐφούλ-*



ἐφ' ἁλυσιν. quod vertendum est, *In muro omnes de furcâ suspendit.* Docet Zonaras qui in ea ipsâ re: *Εν ξύλοις παρὰ τοῖς τεύχεσιν ἀπηώρεισε: In lignis apud muros suspendit.* Credo autem hanc Furcam primò non nisi dimidiatum Patibulum fuisse, id est, facie adhuc aliquâ Furcæ; paulatim, & quo plures appendi possent, immutasse.

AD CAP. IIX.

Iniectis per crura funibus.] An magis placet hic sensus, Funes ipsos per crura eorum traiectos & transmisissos? Tale in Curtio lego Alexandrum vsurpasse in Batin quendam, lib. I III. *Per talos spirantis lora traiecta sunt, religatumq; ad currum traxere circa urbem equi.* Id factum à rege exemplo Achillis, qui Hectorem sic foedauit, vt Curtius inibi notat. Sed tamen Ammianus *Iniectos* ait, non *Traiectos*, nec id supplicij credam vulgò vsitatum.

AD CAP. X.

Moriturum in ipsis, non per ipsas.] Præter exempla quæ dedi, hoc rarum videatur in Philippo, de quo Eusebius in Chronico, anno XII. Claudij: *Philippus Apostolus Christi apud Hierapolim Asiæ ciuitatem, dum Euangelium populo nunciaret cruci affixus, lapidibus opprimitur. Quasi in ipsâ cruce lapidibus obrutus esset.* Atque hoc quidem in vulgatis libris, in veteri & probo meo manuscripto vestigium non est horum verborum.

AD CAP. XIII.

Viri fide digni asserunt.] Inter eos eximius Theologus Alfonso Ciacco, qui de signis Crucis nunc nuper accuratè scripsit.

Iam illa Amanis præcæta.] De qua accipienda quæ in Codice Iustinianæo leguntur, De Iudæis & cælic. vbi scribuntur *Iudei quodam festiuitatis suæ sollemni, Aman ad pænâ quondam recordationem incendere, & sanctæ crucis ad simulatam speciem in contemptum Christianæ fidei exurere*, atque id facere deinceps vetantur. Totidem pænè verbis in Codice Theod. lib. XVI. tit. VIII. Ex quibus vides Iudæos Amanis inimici sui mortem annuâ memoriâ repræsentasse, & in cruce suspensum cum eâ ipsâ combussisse: specie Amanem, re & mente Seruatorem & nostram crucem. Ideò meritissimò interdicti.

Novus etiam orbis.] In quo sanè hoc mirum, cruces repertas fuisse plurifariam in templis atque in sepulchris. De Indiâ Occiduâ loquor. Quâ origine aut fine? nescimus, nisi si iam tunc prouidus ille Deus exstare voluit omen & signum dominaturæ illic crucis.

AD CAP. XIII.

Edicto prohibitum manet.] Atqui in Panegyricâ oratione, sanè differtâ, quæ Theodosio dicta, mentio etiam crucis quasi licitæ & mænentis. *Et post hanc tu vocem, non illum in crucem tolli, non culleo insui, non discerpi in frustra iussisti.* Et fieri sanè potest vt apud gentiles, & Christo

Christo aduersos, supplicium etiam manserit. sicut de Slauis in Hel-
moldi Chronico scriptum lib. 1. *In illis diebus Slau quendam Danum*
saffixerunt cruci: In ignominiam scilicet diuinæ crucis.

AD CAP. XV.

In hoc vince.] Nummis hoc pluribus expressum cernitur, atque
etiam quibusdam vberius. *In hoc signo vince.* Sanè Christiani libenter
appellarunt *signum Dei*, aut *Christi* ipsam Crucem, quasi Imperatoris
illius tesseram aut vexillum. Iustinianæo Codice vetatur, *signum sal-*
natoris Christi humi vel in silice insculpi. Quid, quod Græci interpretes
sic legem Scæuolæ accipiunt, xxxvi. De aur. arg. mund.? *Fieri volo*
iubeoque signum Dei ex libris centum. Accipiunt, inquam, & reddunt
Crucem. An verè? minimè. scimus *signum Dei* statuam esse apud Scæ-
uolam siue Solis, siue indigenæ cuiuspiam & familiaris dei. Sed pie-
tas, non error, Græcos eò traxit. Monuit super hac interpretatiunculâ
Petrus Oranus, iuris & litterarum consultus, & germanum in-
modum mihi amicus.

Εκ χρυσοῦ χεδιάσας, σαυρόν.] Quem suo æuo exstitisse in Palatio
Socrates asseuerat, Eccl. Hist. lib. 1. cap. 1. Τούτῳ περὶ αὐτοῦ τῷ χρυσοῦ,
κατασκευάσει μὲν τὸ σαυροειδὲς ἑξ ὀπαίων, ὃ μέχρι νῦν ἐν τοῖς βασιλείοις φυ-
λάττεται: Huic oraculo fidem habens, conficit simile illud cruci tropæum,
quod usque nunc in regia seruetur. Idem Cedrenus: τότε σαυρόν χρυσοῦν
χεδιάσας, ὃς ἐστὶ μέχρις νῦν: Tunc crucem auream efformans quæ etiam
nunc exstat. Non opinor tamen hanc esse, de quâ Suidas: σαυρὸς ἐπὶ
τὸ βόρειον τοῦ φόρου μέγας ἴσατο, ὡς εἶδεν αὐτὸν Κωνσταντῖνος, χρυσεῖ μωλα-
σος ἐν τοῖς ἀπερστηλακτοῖς σερπύλλοις μέλλοις, ἐνθα καὶ αὐτὸς καὶ οἱ υἱοὶ αὐτοῦ κα-
θεσπῶντο χρυσεῖ μωρῶ: Crux ad partem Borealem fori stabat, ut vidit
eam Constantinus, auro illita in extremis rotundis pomis, ubi & ipse & filij
eius conspiciebantur aurati.

gemmanti textus in auro Signabat labarum.] Dixi ipsi velo
nomen intextum: & poëta hîc apertè. Tamen ex descriptione Euse-
bij, videbis & suprâ velum sæpe ex auro statui: & exempla in nummis
vtriusque posituræ dedi. illius tamen magis crebra. Ipsa Labari vox
qualis? vereor ut peregrina, certè nouitia, & sub Traiani aut illud
æuum nata. Vetustior Tertulliano, qui hodie exstant, non commemi-
nit. Gregorius Nazianzenus, doctus & fortis Orator, ait Καμάτων λυ-
τήριον εἶναι, καὶ καὶ ῥωμαίους ὀνομάζουσι: Laborum leuamen pausamq; esse;
& à Romanis sic appellari. Igitur à labore deriuauit, eo procliuius, quia
ipsi Græci λᾶβωρον scribebant. Sed nostri poëtæ nōne corripiunt?
Quomodo etiam pausam laboris, non aliâ additione, vox ea signifi-
cet? nisi fortè, quia vbi laborabatur in acie, signum illud eò solet ferri.
Longinquum est, & perseuero externam vocem esse.

Orat. 1111.
in Julian.

Duæ litteræ Christi nomen exprimentes.] Ita est, & conspicuæ sunt
in Nummis. Ipsum etiam Chi solitarium, signabat Christum. In An-
tiochenorum dicteriis recenset Iulianus, Misopogone: Τὸ Χι, φασὶν,
εἶδ' ἐν εἰδικῇ τὴν πόλιν, εἶδ' ἐπὶ τὸ Κάτω πα. & addit: ἡμεῖς δ' ἐπὶ ἰδιόχρητον
ἀρχαίς

ἀρχαῖς ὀνομάτων εἶναι τὰ γράμματα, δηλοῦν δ' ἐβέλειν τὸ μὲν Χριστὸν, τὸ δὲ Κωνσταντῖνον. *Chi, inquit, & Kappa nihil iniurie intulerunt civitati. Nos autem didicimus initia nominum esse has litteras, & significare velle illud quidem Christum, hoc Constantinum.* Ita Iulianus, qui has ipsas litteras è Labaro postea conatus remouere. Frustrà, & vicit nomen quod æternum vivit & vincet.

AD CAP. XVII.

Ω Ζύλον μακαριστὸν.] Verè, quia nos per illud *μάκαρες*. Atque ita προσκυνητὸν καὶ τίμιον, adorandum & venerabile, Imperator appellat nouellâ quintâ. Eaquæ causâ vetitum, in lapidibus sculpi, quæ in solo. Lex exstat in Codice Iustiniano: & apud Paullum Diaconum sic Tiberius: *Crucem Domini quâ frontem nostram & pectora munire debemus, eam sub pedibus conculcamus?* Tale & Synodus habita in Trullo, can. LXXIII. Quamquam autem è pauimentis templorum remota, non etiam è tectis. Fulsit iam olim ibi, clarum certumquæ symbolum Christiani cultus. Nicephorus Gregoras lib. ix. in descriptione tempestatis quæ Constantinopoli: *Τηνικαὐτα μὲν τοι περὶ πόλιν καὶ πολλοὶ τῶν ἐκτὸς τοὺς νεωὺς ἰδρυμῶν ἐν τῇ ἐρητύῳ σαυρῶν, ὑπενεγκεῖν ἐδύνάμενοι τὴν τοῦ πνεύματος βίαν: Tunc cecidere multa crucium, quæ templis imponi è ferro solent, sufferre non valentes vim venti.*

F I N I S.

A P P R O B A T I O.

Hos 7. Lipsij, Academia Louaniensis Professoris clarissimi, de Crucis supplicio conscriptos tres libros, unâ cum Notis additis, testor nihil sacra ac orthodoxa fidei repugnans aut ab ea dissentiens continere, in super & varia eruditione refertos ac prælo dignissimos esse censeo. Louanij 12. Calendas Decembres 1592.

Henricus Cuyckius D. Petri Louanij Decanus,
Academiae Cancellarius, & Pontificius ac
Regius librorum Censor.

INDEX CAPITVM.

LIBRI PRIMI.

- P**RECATIVNCVIA. Materies & ordo operis. Cap. I. Pagina 13.
- Crucis nomen polysemon. Hac nostra Gabalus etiam dicta, item Infelix lignum & infame. Sed & Crux non in ligno. Cap. II. 14
- Nomina phrasæve ad hoc supplicium: Figere, Configere, Cruciare. item Cruciarus, pro appendendo. Cap. III. pagina 15
- Gracorum verba ad Crucem & crucifixionem. Hesychius & Ovidius emendati, iste etiam explicatus. Cap. IV. 16
- Diuisio prima Crucium: & de specie vetustissimâ dictum, Affixione. Tertullianus per occasionem correctus, atque Isis eadem cum Cerere existimata. Cap. V. pag. 18
- Alterâ Simplicis Crucis species, Infixio. Seneca, Hesychius, Plato, Plinius, illustrati. Cap. VI. 20
- In genere de Cruce Compactâ: tum de primâ eius specie, Decussatâ. & an hac sit Andreana? Cap. VII. 21
- Commisssa Crux quid nobis sit? exemplis testibusq; asserta, tum etiam vestigio nostræ lingue. Cap. VIII. 23
- Affirmata Crux Immissa è scriptis maxime Patrum: ipsi alij per alios, & imaginibus per nos etiam, explicati. Cap. IX. 24
- In quâ Crucium formâ Christus mortem tulerit? videri in ultimâ, argumento è Patribus & picturis. Russini non bona fides notata in verbis Pauli citandis siue explicandis. Cap. X. 27
- Apud plerasque gentium Cruces ferè vstratus. Apud Syros, Iudeos, Aegyptios, Persas, Afros, Græcos, maxime Romanos. Quando apud eos coeperit? An & apud Germanos? Cap. XI. 29
- Apud Romanos vile fuisse hoc supplicium, & plurimum seruorum. Quas ob causas ij affecti. Cap. XII. 30

Etiam liberi quidam in crucem dati, sed viliores aut nocentiores: vt Latrones, Sicarij, Falsarij, atque alibi & Fures. Cap. XIII. 32

Qua causâ falsò assignata in Cruce Christi? videri Innouationem & Seditionem esse. Cap. XIV. 33

Crux interdum liberè & laxè vagata: in hostes, in seditiosos, in Christianos, in faminas denique. Cap. XV. 34

LIBRI SECVNDI.

- Transitio ad Modum figendi. præmissum de atrocitate huius supplicij, quod Summum & Extremum dictum. Cap. I. pag. 35.
- Duplex figendi Modus, Vulgaris & Rarus. In illo Flagellatio ex more semper anteuit. Cap. II. 36
- Flagellorum & virgarum discrimen, Illa magis vilis, & magis acerba esse. solere & talis asperari. Cap. III. 36
- Solitos ad Columnam verberari, atq; alias per viam. De ipsâ columnâ cui sacrum corpus annexum. Cap. IV. 38
- Crucem suam tulisse, aut totam, aut eius partem. Cap. V. 39
- Deductos cum vexatione, Stimulus etiam actos. Cap. VI. 40
- In ipsâ Fixione nudi in crucem dati: an altam, an in terrâ, an alteram depositam? id quesitum, & vtrumque firmatum. Cap. VII. 41
- Clauis figi solitos, interdum funibus adstruigi. Cap. VIII. 43
- In quibus partibus clauis, & quo numero. Cap. IX. 44
- Ordo & modus affigendi. An lignum aliquod in Cruce suppedaneum? Cap. X. pag. 45
- De Titul, quid is Latinis? quomodo ascriptus aut prælatus. Cap. X. 48
- Post fixationem, quomodo mortui in Cruce? languore, aut fame. Vitalitas quorundam. Cap. XII. 49
- Quosdam à volucris, aut feris etiam viuos laceratos, & plerosque omnes mortuos.

euos. interdum & lanceis interfectos.
 Cap. XIII. pag. 50
Crurifragium à Cruce remotum. Quid fuerit, in quos receptum, & quomodo?
 Cap. XIV. 51
Corrumpi in Cruce passi sunt, & nefas se- pelire. Cap. XV. 52
Custodia & miles ad Crucem, ne quis de- traheret. Cap. XVI. 53

LIBRI TERTII.

Transitio ad Rarum figendi Modum. Fur- ca diuisa, & hic de Ignominiosâ dictum.
 Cap. I. pag. 54
De Furcâ Pœnali, & casus sub eâ ad mor- tem. Cap. II. 55
Ligatos ad Furcam in Crucem solere tolli, Furcam & patibulum videri eadem, aut haud longè distita. Cap. III. 56
Quæ forma furcæ fuerit, obscure traditum in veterum scriptis. Cap. IV. 58
Ex iis tres sententiæ eruta, & singula expli- cata. Tertiam mdaawtârtlu videri. Cap. V. 59
Ratio suspendendi per singulas illas formas exposita, atque etiam oculis proposita. Cap. VI. 61

De nouâ Furcâ, quæ nostrum Patibulum Tribonianum substituisse passim in Le- gum libris. Cap. VII. 62
De Raro modo in Schemate, & primùm de Inuersâ suspensione. Cap. VIII. 64
De obliquâ suspensione, de varicante, & in- ter arbores scissione. Cap. IX. 66
De Modo qui Fine diuersus, primùm de his qui in Cruce vstulati. Cap. X. 66
De his qui bestii in Cruce obiecti. Cap. XI. 67
De mortuorum in Cruce suspensione. Cap. XII. 68
E quo ligno Crux fuerit? Item in Monte plerumque defixam, ipsam sape altiuscu- lam. Cap. XIII. 69
Crux sublata, atque etiam Crurifragium fortasse. Quando id factum, quesitum. Cap. XIV. 71
Honores quos Constantinus Cruci habitum iuit. Signis ea & vexillis imposita, aut inserta. Cap. XV. 72
Crux in militum armis: in Imperatorum capite & manibus, & pro insigni. Cap. XVI. 74
Laudatiuuncula Crucis. Cap. XVII. pa- gina 78



RVDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatia, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto I V S T O L I P S I O gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, ut tanquam Dij quidam splendescere in terris videantur: rem sanè præclaram sequæ dignam illi præstant, qui diligentem iis ipsis in litteris ac disciplinis operam ponunt, præclarissimam verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantia tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessuque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insignes te animi ingenii que tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituiisti, dum vetusta Latinæ antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitavit, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes descriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirificè recrees, & eorum pectus ad prudentiam, probitatemque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrociniòque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, acceperimus, Diplomate hoc nostro priuilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, vetamusque, ne quis Typographorum, Bibliopolarum,

aut aliorum, qui librariam negotiationem exercent, eos libros, quos tu edituruses, quocunque modo, charactere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, uti tria ut minimùm cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solùm eiusmodi libris, tibi, hæredibúsvē tuis, auxilio Magistratus, vbicunq. reperti fuerint, vendicandis, priuari, sed triginta etiam Marcharum auri puri mulcta, cuius semissis quidem Fisci nostri Procuratori, fraudis vindici; alter verò semissis, tibi hæredibúsvē tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiámve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis mulcta, eos puniri & quibuscumque modis coërceri curent, ni & ipsimet grauissimam nostram in se conuerrere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti, Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici iidem decimo septimo.

Subsign.

RVDOLPHVS

Jacobus Curtius à Senfftenaw.

Ad mandatum sacre Cæsareæ M^{ti} proprium.

Io. Baraitius.

Additum sigillum Cæs. M^{ti} in cerâ rubrâ.

SVMMA PRIVILEGII REGIS CATHOLICI.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, IVSTI LIPSI Historiarum in alma Vniuersitate Louaniensi Professoris, & item Historiographi sui libros quoscumque, à Censoribus legitimis approbatos, præter ipsius, hereditumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germania ditiones importet, venalesve habeat. Qui secùs faxit, præter librorum confiscationem triginta marcharum auri puri illatione mulctabitur. Vti latiùs patet in litteris, datis Bruxella, XIV. Febr. M. D. XCVII.

Signat.

Verreycken.

SVMMA PRIVILEGII REGIS CHRISTIANISSIMI.

HENRICVS Dei gratia Galliarum & Nauarra Rex Christianissimus, singulari priuilegio sanxit, nequis per vniuersos Regnorum suorum fines, IVSTI LIPSI, quos vel hætenus edidit, vel in posterum editurus est libros, excudere intra decennium præter voluntatem ipsius possit. Qui secùs faxit, præter librorum confiscationem, ter mille florenorum illatione mulctabitur; vti latiùs patet in litteris, datis Parisiis, XIII. Iulij, M. DC. V.

Signat.

Perrochel.

Tibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti hos Libros DE CRUCE & in eos NOTAS, typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.

ANTVERPIÆ,
EX OFFICINA PLANTINIANA,
APVD IOANNEM MORETVM.
M. D C. VI.



SPECIAL

PA
8545

A6
1602
V.2

87-B

20914

Bound with:

87-B 20942

21377

21407

21417

21420

21562

21613

21830

THE GETTY CENTER
LIBRARY



JUSTI LIPSII
OPERA

TOM.
II.